





Bd. m

20.9.27



Nel Sig. Vitt. Amico Soardi della Congr. li. l. Vinc.  
de' Padri

AUTORITAS PONTIFICIA

NOTISSIMO CYPRIANI FACTO

A QUIBUSDAM NEOTERICIS

ACRITER IMPUGNATA

S E D

A SAPIENTISSIMIS GALLIE THEOLOGIS

SOLIDE VINDICATA.

DISSERTATIO HISTORICO-DOGMATICA.



AVENIONE,


Typis FRANCISCI GIRARD, in Plateâ S. Desiderii.


---

M.DCC.XLIX.

CUM SUPERIORUM PERMISSU.



  
**I**MPRIMATUR, si videbitur Reverendissimo  
Patri Inquisitori.  
BRUN, Vic. Generalis.

  
**I**MPRIMATUR,  
F. HYAC. DE STE. CROIX Inquisitor Gener.



ELENCHUS EORUM QUÆ IN HOC VOLUMINE  
Continentur.

**P**æfatio *ad accuratam hujusce Differtationis intelligentiam attentè legenda.* pag. 1.

Differtationis Argumentum & partitio. pag. 39.

Compendiofa S. Stephani R. Pontificis vita à Veterum monumentis excerpta. pag. 41.

Appendix ad vitam S. Stephani, in qua ipsius contra S. Cyprianum aliosque rebaptisantes agendi ratio Veterum testimoniiis à quorundam Neotericorum calumniis vindicatur. pag. 55.

PARS PRIMA.

Quod ex S. Cypriani facto adversus supremam & irreframabilem in definiendis fidei controversiis Rom. Pontificis auctoritatem extunditur & urgetur argumentum, vacuum à Sapientissimis Galliarum Theologis ac inane conficitur ac penitus evertitur. pag. 79.

CAPUT PRIMUM.

Juxta universalem Galliarum Theologorum ac Scriptorum doctrinam S. Cyprianus agitatam a vo suo de rebaptisandis Hæreticis quæstionem non ad fidem, sed ad meram disciplinam pertinere judicabat. pag. 81.

CAPUT SECUNDUM.

Juxta universalem Galliarum Theologorum ac Scriptorum doctrinam S. Cyprianus probè noverat quam S. Stephanus assererebat consuetudinem, non peculiarem R. Pontifici, sed

universalem fuisse tunc temporis Ecclesiæ consuetudinem,  
ac ab omnibus Episcopis antiquitus servatam fuisse. pag. 96.

## PARS SECUNDA.

Solida & invicta sunt quæ ad profligandum ac evertendum ex S. Cypriano petrum adversus Pontificiam inerrantiam Neotericorum argumentum à Sapientissimis Galliarum Theologis adducuntur. pag. 108.

## CAPUT PRIMUM.

Exponuntur momenta, quibus evincitur causam de Baptismo Hæreticorum S. Cypriano visam fuisse rem non fidei, sed meræ disciplinæ pag. 109.

## CAPUT SECUNDUM.

Afferuntur momenta, quibus evincitur S. Cyprianum probè novisse quam S. Stephanus R. Pontifex vindicabat consuetudinem, universalem tunc temporis Ecclesiæ fuisse consuetudinem, ac ab omnibus Episcopis antiquitus servatam fuisse. pag. 140.

---

## ERRATA.

Pag. 6. in nota marginali posita sub lit. (f) novatiens lege Novateurs

Pag. 9. lin. 10. lectari lege delectari

Pag. 21. in notâ marg. lit. (b) conservent in Hæresi baptizatis lege conserverunt

Pag. 30. lin. 5. Cyprian lege Cypriani

Pag. 60. lin. 1. gessivet, lege gessiret

Pag. 61. lin. 8. avertavere lege avortere

Pag. 67. lin. 14. voluerunt lege voverunt

Pag. 74. lin. 18. Cyprianus lege Cypriano

Pag. 81. lin. 19. consistare lege consistere

Pag. 91. lin. 21. in Hæresibus putatis lege

in Hæresi baptizatis

Pag. 111. lin. 6. bona lege sonat

Pag. 123. lin. 23. Collivas lege Collegas

Pag. 132. lin. 13. baptismo lege baptismo

libid. lin. 24. certudine lege certitudine



## P R Æ F A T I O.

**V**ARIA inter argumenta quæ ad novæ opinionis patrocinium ex vetustiori etiam antiquitate extundere conati sunt Neoterici quidam Romanæ infallibilitatis hostes, nulum, opinor, famosius apud ipsos ac frequentius, quàm quod ex trito pervulgatoque S. Cyprianum inter & S. Stephanum R. Pontificem in causâ baptismatis hæreticorum dissidio eruere cogitarunt. En perpetuus illorum equus Bellator, præcipuaque machina, quâ in sacram Romanorum Pontificum auctoritatem arietant. Illud argumentum, quo maximè gloriantur, scriptorum suorum ubique versant, ostentant ac urgere non cessant. Tot illud modis exponunt, totque opportunè importunè locis intrudunt, ut majorem sæpè voluminis partem occupet. Diceret Pontificiam auctoritatem cum hoc Cypriani dissidio adedò nexam, ut de eâ sinè isto loqui, vel scribi non possit. At enim cur non irà sentirent, qui ex unico Cypriani factò *evidenter* ac *necessariò* sequi contendunt non eam splendidissimo Ecclesiæ Africanæ Lumini infedis Pontificiæ

inerrantiæ sententiam , cui tot nuperos , ut aiunt , Romanæ Curix Adulatores servire non pudet.

Mirum profectò quoddam validum tam evidens , & quidem ex primævâ antiquitate depromptum argumentum primos , ac celebriores effugerit , qui supremam evertere Romani Pontificis auctoritatem aggressi sunt ; Gersonem dico , Almaïnium , Richerium , Majorem , aliosque paucos istorum commilitones , quî ad sæculum usque proximè elapsum Pontificiam inerrantiam scriptis impugnârunt , quorum nemini , quod sciam , unquam venit in mentem hoc Cypriani dissidium ad eam impetendam allegare vel proferre. Num illis ignota tam celebris , tam ubique nota contentio ? Suos certè Neoterici nostri magistros de tam supinâ ignorantia postulari non paterentur. Noverant Sorbonici Doctores , quod vix aliquem Theologiæ vel Historiæ tyrunculum latebat ; at quod ex illâ Cyprianum inter & Stephanum contentione Recentiores adversus Romanam infallibilitatem extundunt argumentum , nedùm ipsis *evidens* ac *necessarium* visum fuerit , futile aded ac imbecille judicârunt , ut nec inter levissima , quæ ipsi concessere argumenta locum obtinere permiserint ; aded verum est ea sæpè tamquam firmissima & evidentiâ à discipulis haberi , quæ magistris nec prolata digna videbantur.

Et si tamen recens apud Catholicos sit ventilatum istud à Neotericis argumentum , eoque nomine novitatum amatoribus haud ingratum , non

propterea suam hifce Theologis originem acceptam refert, antiquiores parentes habet, à quibus illud mutuati funthodierniRomanæ inerrantiæ Ofores. His nempè præiverunt Lutherus, Calvinus, Centuriatores Magdeburgenses, Marcus Antonius de Dominis, quos, ut alios id ponderis scriptores taceam, fecuti sunt Casaubonus, Herbertus Thorndicius, Joseph Henricus Ottius, Bafnagius, Blondellus, Joannes Forbefius, Fridericus Spanhemius, qui omnes ad profligandam supremam Romani Pontificis auctoritatem Cypriani sensus ac in causâ baptismatis Hæreticorum agendi rationem urgere centies ac Catholicis ad nauseam usque objectare non destiterunt. Tales porrò Adversariis prædecessores quis invidet?

Lutherus in suâ cum Joanne Echio disputatione Lipsiæ habitâ nil immotæ Rom. Pontificis auctoritati frequentius opponebat, quàm quæ Cyprianus in Stephanum R. Pontificem effuderat; egeratque; indeque exclamabat *Cyprianus ferè totus mecum sentit* (a) & rursum si egregius D. Echius voluerit stare auctoritati Cypriani hâc horâ finiemus disputationem. (b) Idem refricat argumentum in suis resolutionibus super proposit. Lipsiæ disputat. Emendatis ad Georgium Palatinum missis *vide* inquit, *quàm tenui pendear filo Romanorum Adulatorum Tyrannis; hûc Cyprianum voco dicentem: neque enim quisquam nostrum*

(a) Oper. Lutheri tom. 1. edit. Jhenz. an. 1556.

(b) Ibid. de Monarch. Pontif. pag. 241.

*Episcopum se esse Episcoporum constituit aut Tyrannico terrore ad obsequendi necessitatem Collegas suos adigit, quandò habet omnis Episcopus pro licentiâ libertatis & potestatis suæ arbitrium proprium tanquam ab alio judicari non possit, quando nec ipse potest alterum judicare, sed expellemus universi judicium Domini Nostri Jesu-Christi. Hic gloriosus Martyr palàm constitetur Tyrannidem esse ab imo Episcopo alios cogi ad obediendum (c); undè celebris Lutheranus Joseph Henricus Ottius jaclitabat Lutherum in disputatione I ypsiacâ Echium Cypriani auctoritate stragulasse ac Monarchiam Ecclesiasticam prostrigasse. (d)*

Luthero concinit Calvinus, qui Cypriani pariter verba in Stephanum prolata sæpiùs adducit, ut ostendat *Pomificem Romanum alios ad necessitatem obsequendi adigere non posse atque Papam errare posse. (e)* His consentientes habemus Centuriatores Magdeburgenses in centuriâ 3. cap. 7. (f) Marcum Antonium de Dominis lib. 4. de Republ. Eccl. cap. 8. n. 8. 10. & alibi. Casaubonum exercit. 15. pag. 366. 378. & 379. (g) si Papam inquit Herbertus Thorndicius *supremo esse jure in reliquam Ecclesiam receptum tunc fuisset, nunquam Cyprianus, nunquam Firmianus tam se animosè adversus Stephanum extulissent. (h)* Ex hâc ipsâ Cypriani cum Stephano contentione colligit Joseph Ottius *nullum esse visibilem Monarchiam in Ecclesiâ, nullum Episcopum posse alium cogere ut*

(c) Ibid. pag. 311.

(d) In examine perpetuo annal. Baron. ad an. 158. edit. Tigur. 1676.

(e) Lib. 4. institut. cap. 7. num. 3. 6. & 21. edit. Genev. 1617.

(f) Edit. Basil. an. 1624. pag. 119

(g) Edit. Genev. an. 1651.

(h) In exercitatione de potestate Ecclesiâ. cap. 21. pag. 393. edit. London. 1674.

*secum sentiat. Judicem Episcoporum non esse in terris Monarcham* (a) Tandem ut mittam Blondellum (b) Joannem Forbesium (c) Fridericum Spanhemium (d) aliosque permultos Lutherani vel Calviniani gregis Aristarchos, quorum verba in locis ad marginem citatis consulere possis, Basnagius expositâ Cypriani in Stephanum agendi ratione sic nitidè concludit *manifestè patet igitur tunc temporis* (nimirum Cypriani ævo) *infallibilitatem Pape denegatam fuisse, ipsiusque traditiones irreverenter rejectas nec non ipsum erroris accusatum fuisse.* (e)

Nil igitur novi à Neotericis nostris hæc in re prolatum, nil quod à Lutheranis & Calvinianis jam pridem præformatum, ac centies inculcatum non fuerit, ut non semel observârunt eruditi Galliæ Theologi. Præ cæteris audiat, qui elucidandæ huic Cypriani cum Stephano R. Pontifice contentioni datâ operâ incubuit D. Chiconot Doctor Sorbonicus in dissertatione Gallicâ *sur la célèbre dispute entre le Pape S. Etienne & S. Cyprien Evêque de Cartage* Regiâ cum approbatione Parisiis editâ an. 1725. *Lutherus*, inquit, *Calvinus, Antonius de Dominis & ac potissimum posterioris ævi novatores indignè abusi sunt modo, quo S. Martyr Cyprianus in causâ baptismi Hæreticorum erga S. Stephanum Rom.*

(a) In examine perpetuo suprà laud. ad an. 158 pag. 194. & 195.

(b) De primatu R. Pontificis cap. 21. sect. 6 & cap. 26. lect. 32.

(c) Instructiones Theologicæ lib. 16. cap. 7. pag. 729. edit. Amstæled. 1702.

(d) Hist. Ecclesiast. 3. sæculi cap. 6. pag.

723. edit. Lugd. Batav. 1707.

(e) Hist. Eccl. Gallico idiomate conscrip. à tom. 1. lib. 4. cap. 3. pag. 179. edit. Rotterdam. 1629. On voit donc manifestement qu'on étoit alors au Pape son infallibilité, qu'on rejettoit sans réserve ses traditions, qu'on l'accusoit d'être dans l'erreur.

*Pontificem se se gessit ad labefaciendam auctoritatis præstantiam quæ Christi Vicario competit. (f)*

Verùm acceptis hanc in rem beneficiis vinci à Pseudoreformatoribus nequaquam passi sunt recentiores, de quibus loquimur, Theologi; beneficia beneficiis rependere, paria referre paribus nullâ non operâ studuerunt. Enim verò si Lutheranis & Calvinianis eo nomine devincti sunt, quòd fortunatissimum istud ex Cyprianico dissidio argumentum illi primùm detexerint, ac præformatum, nec tamen penitus expositum posteritati reliquerint, id vicissim Neotericis scriptoribus debent Lutherani & Calviniani quòd argumentum idem funditus à Catholicis eversum ac in suos jam pridem cineres resolutum erigere ipsi, novoque præsidiorum apparatu communitum recudere pertentârint.

Etenim Lutheranis, cæterisque Romanæ auctoritatis hostibus Cypriani factum urgentibus, duo potissimum reponebant olim ac certis Historiæ monumentis, nec non probatis Veterum testimoniiis demonstrabant Catholici passim scriptores; nimirum Stephanum in causâ baptismatis Hæreticorum non aliquod dogmaticum judicium, non publicam aliquam fidei definitionem, sed nudum praxis ac disciplinæ antiquioris servandæ

(f) In præfat. pag. 2. les Novatiens, Luther, Calvyn, Antoine de Dominis & sur tout ceux des derniers siècles n'ont pas moins abusé indigne ment de la manière, dont ce S. Martyr (S. Cyprien) s'est comporté dans

le différent du Batême à l'égard du Pape S. Etienne pour donner atteinte à la prééminence d'autorité qui appartient au Vicaire de Jésus-Christ.

præceptum per epistolam dedisse. Quid ergo , pergebant illi , quid si Stephano restitit Cyprianus , si Stephani auctoritati concedere noluit , imò ipsum erroris insimulârit ? Constat quidem privata Rom. Pontificum placita , statuta ac praxis & disciplinæ precepta errori nec non reformationi obnoxia Cypriano visa fuisse , quod nemo negat , quod Catholici omnes cum Cypriano fatentur & agnoscunt , de quo demùm nulla disputatio apud nos esse debet. At indè quâ machinâ , quâ arte inferri poterit dogmatica Rom. Pontificum judicia tanquam errori vel reformationi subiecta pariter à Cypriano habita fuisse ? Quâ viâ demonstrabitur Cyprianum Romanis Pontificibus illud inerrantiæ privilegium denegâsse , quod illis in solemnibus tantummodò fidei , morumque decisionibus adseritur atque à Catholicis vindicatur ? Undè illud Cypriani exemplum non nisi per summam inscitiam , ac perviciaciam ad impugnandam genuinam Catholicorum de Pontificiâ inerrantiâ sententiam urgeri posse merito concludebant.

Præterea , prosequabantur Catholici Doctores , nimia liberalitate demus adversariis , quod exigere à nobis adversarii nullo jure possint , protulerit Stephanus in rebaptisantium causa solemne fidei decretum , ipsique restiterit Cyprianus ; quid indè ; Si Cyprianus malè se gesserit , si culpabilis , si emendanda fuit ista Cypriani intercessio ,

Cyprianus subijcit, cætera quæ omisit, subodorari possis. ) *Si quis ergo à quâcumque hæresi venerit ad nos nihil innovetur nisi quod traditum est, ut manus illi imponantur in pœnitentiam, cum ipsi Hæretici propriè alterutrum ad se venientes non baptisent, sed communicent tantum.* Hæc illa sunt Stephani verba, quæ ceteris graviora Cypriano visa sunt; undè non mirum si illa gravius & ipse perstringere voluerit. Pergit enim: *Hic (Stephanus) cum omnium baptismo communicans univerforum delicta in sinum suum coacervata congeffit & præcepit nihil aliud innovari nisi quod traditum est, quasi is innovet, qui unitatem tenens unum baptisma uni Ecclesiæ vindicat, & non ille utique, qui unitatis oblitus mendacia & contagia profanæ tinctionis usurpat . . . & paulò post quæ est ista obstinatio (Stephani) quæve præsumptio humanam traditionem divinæ dispositioni anteponere? . . . Et infra: In eodem loco Epistolæ suæ Stephanus addidit & adjecit; cum ipsi Hæretici propriè alterutrum ad se venientes non baptisent sed communicent tantum . . . quæ verò est animi cæcitas, quæ pravitas fidei unitatem nolle agnoscere? . . . Cur in tantum Stephani fratris nostri obstinatio dura prorupit. Tandem Stephano ut Hæreticorum amico & Christianorum inimico salutato pandit quo studio Stephanus antiquæ traditioni tenaciter adhæreret his verbis: *fit autem studio præsumptionis & contumaciæ ut quis magis sua prava & falsa defendat, quàm ad al-**



*terius recta & vetera consensiat. (a)*

Sic Stephani veterem Ecclesiæ traditionem vindicantis Epistolam Cyprianus excepit. Hæc perlectâ Stephanum à se dissidentem traducit ut *superba scribentem improvidè atque imperitè, ipsum duræ obstinationis & præsumptionis accusat, permagnam animi non tantùm cæcitatem sed & pravitatem ipsi exprobat. Hæreticorum amicum ac Christianorum inimicum ipsum appellat. Cyprianus declarat Stephanum aliud ab ipso de Hæreticorum baptismo tenentem universorum de illa in sinum suum coacturata concessisse ac mendacia usurpasse; tandem Stephani renes & præcordia scrutatus nobis apertè indicat ipsum studia præsumptionis & contumaciæ suam defendere sententiam.*

Hæc autem omnia de Stephano protulit Cyprianus quia Stephanus, ut Cyprianus ipse tradit, *cum omnium baptismo communicabat, quia suam (quam Cyprianus vocat humanam) traditionem oppositæ, quam divinam Cyprianus appellabat traditioni anteponebat, quia volebat cognoscere fidei unitatem quam in rejiciendo Hæreticorum baptismo Cyprianus reponebat, quia sua defendere magis volebat, quàm ad alterius sensu consentire. Uno verbo, quia Stephanus aliud ab ipso sentiebat in eâ quæstione, circà quam Cyprianus sæpius declaraverat. cui libet Episcopo liberum esse sentire quid vellet, & in quâ patientiam, modestiam, mansuetudinem,*

(a) Epistola ad Pompeium 74. edit. Amstelod. 1700.

fraternam concordiam & charitatem ab omnibus servandam esse, nec ab ullo lædendam Cyprianus ipse sæpius asseruerat ac datâ operâ paulò ante Stephani responsum in libello *de bono patientiæ* fusiùs ostenderat.

Huc usque oculis subjecimus singularem illam methodum, quâ usus est in excipiendâ Stephani Epistolâ Cyprianus. In hâc autem contractiori delineatione, quam ipsissimò Cypriani penicillo, coloribusque adumbravimus conqueri certè non possunt Neoterici nostri, quòd genuinos in Stephanum, ejusque responsum Cypriani sensus occultaverimus ex industriâ, aut leviter obliteraverimus, nisi velint non solum ex hâc ad Pompeium Epistolâ illos esse dignoscendos, sed etiam ex Epistolâ Firmiliani, quam à Cypriano è *græco idiomate latinam factam & editam*, imò *ad Episcopos Occidentales transmissam atque à Cypriano comprobata fuisse* publicant; (a) si id contendunt, longius fateor, & ulterius in Stephanum progressus est Cartaginensis Antistes: in hâc enim Firmiliani Epistolâ Stephanus *stultitiæ manifestæ* arguitur, *audaciæ, insolentiae & improbitatis* insimulatur, *cum Judâ proditore comparatur*, ac *Pseudochristus, Pseudo-Apostolus & dolosus operarius jure nunciandus* asseritur,

(a.) Defensio declar. Cler. Gallie. part. 2. lib. 24. cap. 5. Firmiliano consensit Cyprianus ejusque epistolam comprobavit de latinâ fecit & edidit. Vide Tillemont. Hist. Eccl. tom. 4. art. 50. pag. 138. edit.

Parif. an. 1699. Lombert in operibus Cypriani pag. 401.

P. Gervasium in vitâ S. Cypri. lib. 2. num. 24. pag. 446.

(a) proindèque constabit Stephanum à Cypriano traductum fuisse non modò ut hominem qui *superba improvidè & imperitè scripserat*, qui *inimicus Christianorum sicut amicus Hæreticorum duræ obstinationi & præsumptioni* jungebat *permagnam animi cæcitatem & pravitatem*, qui *universorum delicta in sinum suum coacervata congefserat ac mendacia usurpaverat*, ac non alio quàm *præsumptionis ac contumaciæ studio suam conabatur defendere sententiam* (quæ omnia ex Cypriani ad Pompeium Epistolâ liquent) sed etiam ut Episcopum, qui iis omnibus addebat *manifestam stultitiam, audaciam, insolentiam, & improbitatem* qui merito *Pseudo-christus, Pseudo-Apostolus & dolosus operarius* appellandus esset, ac cum Judâ ipso *proditore* comparandus.

Pergamus ultrâ, & postquam Cypriani in excipiendo Stephani rescripto agendi ac sentiendi rationem breviter exposuimus, videamus nunc tandem quid pro illius defensione protulerint Neoterici nostri. Suos, ut modò dicebamus, in Stephanum sensus manifestavit Cyprianus in Epistolâ ad Pompeium, quapropter huic Cypriani Epistolæ vindicandæ & commendandæ illi potissimum incumbunt. Fleuriacus sicuti suum in describendo Stephani Martyrio calamum ità moderatus est, ut tantum traditionis vindicem sine minimâ laude morientem dimiserit, ità seipsum adeò temperavit in hâc Cypriani

(a) Epist. Firmil. inter Cyprianicas 75. in suprad. edit.

Epistolâ referendâ , ut satis superque habuerit asserere Cyprianum in hâc Epistolâ responsum refutandum assumpsisse. (a) & reverà nihil in eâ Cypriani Epistolâ vel tantisper à charitate alienum se deprehendisse nobis significat , quando tradit Cypriani sanctitati suum errorem nullatenus obfuisse , quia non solum *Ecclesiæ unitatem* , sed & *charitatem* in hoc negotio *semper* conservaverat. (b)

Fleuriaco concinit Launoïus , qui Cypriani ad Pompeium Epistolam celebrat ut nervosam & fortem ; illà enim relatâ : *hæc* inquit (c) *nervosè & fortiter Stephano opponit Cyprianus* ; imò posteriorum judicio memoriæ dignissimam illam fuisse tradit æquè ac Firmiliani ad Cyprianum Epistolam *Posteri* inquit *Stephani Epistolas memoriæ minùs dignas* , *Cypriani verò & Firmiliani Epistolas memoriæ dignissimas judicârunt*. (d) Tillemontius qui Stephanum etiam *inhumanitatis* accusare non hæsitavit (e) læsam tamen à Cypriano ad Pompeium scribente mansuetudinem ac fraternam charitatem minimè fuisse fidenter affirmat. (f)

Lombertus in suâ præfatione præfixâ operi gallicè inscripto : *les œuvres de S. Cyprien Evêque de Cartage & Martyr traduites en François* , hanc Cy-

[a] Hist. Eccl. tom. 1. lib. 7. num. 28. S. Cyprien envoya à Pompée une copie de la lettre du Pape, avec une lettre par laquelle il prétendait le rassurer.

(b) Ibid. num. 22. Ce qui fait que l'erreur de S. Cyprien & de S. Firmilien ne nuit point à leur Sainteté, c'est qu'ils conservent toujours de leur part l'unité de l'Eglise & la charité.

(c) Epist. ad Bevilacq. 15. partie 8. Epist. pag. 807.

(d) Ibid. pag. 811.

(e) Hist. Eccl. tom. 4. art. 49. pag. 155.

(f) Ibid. art. 27. pag. 150. S. Cyprien servit à Pompée avec beaucoup de chaleur & de véhémence, mais néanmoins sans blesser la douceur & la charité fraternelle.



priani Epistolam *magnanimitate* ac *libertate* Episcopali adeò dignam censuit, ut ab Augustino laudes promeruisse tradat : eâ enim recitarâ erumpit in hæc verba : *Sic liberè S. Cyprianus de generosè suam circa Baptismum opinionem contra Papam Stephanum defendit, de quo à S. Augustino laudatur* (a) unde nil mirum, si sæpius inculcat Cyprianum in hâc de baptismo concertatione *maximæ moderationis specimina semper dedisse*. (b) Enumeratos hæcenus Cypriani vindices superavit P. Gervasius. Etenim in vitâ S. Cypriani, quam gallico idiomate, supresso tamen nomine, edidit, *excellentem* vocat, quam ad Pompeium Cyprianus scripsit Epistolam, in quâ elucet *vigor verè Apostolicus*; (c) tantùmque in illâ unctionem ac moderationem Christianam, sive se ipsum defendat Cyprianus, sive suum aggredia-tur, aut refutet adversarium, inveniri contendit, ut fateri omnes oporteat Ecclesiæ juribus magis quàm propriis illum intendisse; (d) recensitis enim iis omnibus, quæ ut suprà vidimus, in Stephanum Cyprianus, effutiit, exclamabundus ait : *en præclarus profectò ardor ac valdè spiritualis; in sanctis illis animi impetibus dignoscitur cor amoris divini*

(a) Pag. 74. C'est ainsi que S. Cyprien défendit librement & generosamente son opinion touchant le Bapême contre le Pape Etienne, de quoi S. Augustin le loue.

(b) Ibid. pag. 75. S. Cyprien conservant toujours sa moderation ordinaire pag. 19. quelle moderation ne temoigna-t'il pas dans la contestation touchant le Bapême des Heretiques? &c. alibi passim.

(c) Lib. 5. num. 16. pag. 414. S. Cy-

prien écrivoit à Pompee une excellente lettre, dans laquelle il refute celle d'Etienne, avec une vigueur vraiment Apostolique.

(d) Ibid. On y trouve (dans la lettre à Pompee) tant d'union & de moderation Chrétienne, soit qu'il le défende, soit qu'il attaque ou refute son adversaire, qu'on se sent obligé d'avouer qu'il avoit plus les intérêts de l'Eglise en vue que les siens propres.

*flammis penitus accensum, ac nihil aliud spirans quam domus Domini gloriam ac pulchritudinem (a)*

Demum prætermis à aliis nonnullis id generis scriptoribus, Dupinus in suâ Bibliotheca Eccles. nobis significat totidem fuisse veritates, quidquid in Stephanum Cyprianus concessit; imo veritates, quas Stephano licet ingratas, ipsi tamen objicere teneretur Cartaginensis Episcopus, & quantum potuit consuetâ suâ jucunditate temperare curaverit. Ubi enim cum Tertulliano Cyprianum comparat, ab illo scribit adversarios injuriosè tractari; ac S. Cyprianus, inquit, *longè moderatior, si quando suis adversariis veritates quæ ipsis displiceant dicere tenetur, eas, quantum potest, suâ jucunditate temperat; (b)* undè licet Stephanum in suo responso magnæ duritatis insinuet (c), nihil tamen in Cypriani ad Pompeium Epistolâ notavit, quod moderationi minùs consonum videretur (d), in quo socium habet Adrianum Baillet in vitis Sanctorum. (e)

Singulare fortasse quibusdam videbitur, quòd tantam in eâ Cypriani Epistolâ, in quâ Stephanus non benè fatis, ut modestius loquar, profecèdè habe-

(a) Ibid. pag. 419. Voilà sans doute un bel âme & bien spirituel, en apercevant au milieu de ces saints transports un cœur tout brûlant de l'amour de Dieu, & qui ne craint que sa gloire & la beauté de la maison du Seigneur.

(b) Tom. 1. pag. 531. Tertullien charge ses Adversaires d'injures, & leur insulte par les calomnies qu'il leur fait; S. Cyprien est beaucoup plus modéré, & il est qu'on lui

oblige de leur dire des vérités qui leur déplaisent, il les adoucit autant qu'il peut par ses manières agréables.

(c) Ibid. pag. 500. Etienne avant d'être répondu à S. Cyprien avec beaucoup de dureté.

(d) Ibidem.

(e) Tom. 3. ad diem 16. Septembris pag. 190. edit. Paril. 1701.

tur, scriptores perspexerint & invenerint animi modestiam, moderationem, mansuetudinem & charitatem; at majorem certè ipsis movebit admirationem, quòd adhuc subjungunt iidem Auctores.

Enim verò quasi ipsis haud satis fuerit duram Cypriani ad Pompeium epistolam tot splendidis celebrâsse encomiis, contendunt insuper illius circa Hæreticorum Baptismum scripta, in quibus Stephanus ignorantiae, præsumptionis, obstinationis, contumaciæ, pravitatis insimulatur, non solum posteris visa fuisse memoriæ dignissima, (a) sed & ab Ecclesiâ ipsâ universâ fuisse recepta & approbata, semperque maximâ in veneratione habita; imò talia, quæ à Gelasio S. Pontifice etiam meruerint, ut inter opera SS. Patrum primum obtinerent locum: (b) quæ quidem nisi apud Tillemontium, Lombertum, P. Gervasium, aliosque legerentur, delirantis somnia multis viderentur. At nondum siste gradum, candide Lector, eorum omnium, quæ pro Cypriani defensione tam stupenda proferri illis Auctoribus placuit, metam necdum attigisti. Quid ampliùs ergo excogitari potuit? Audi, & magis ac magis mirare.

(a) Launoïus Epist. ad Bevilas. 15. pag. 811.

(b) Tillemont. Hist. Eccl. tom. 4. art. 64. pag. 191. Le Pape Gelase met les Ecrits de S. Cyprien à la tête de ceux des Saints Peres, que l'Eglise reçoit avec vénération, sans en excepter même ce qu'il avoit fait contre le Pape Etienne sur le Bâteme. Lombertus in præfat. laudata pag. 114.

Les Ecrits même de S. Cyprien où il taxe le Pape Etienne d'ignorance, d'indiscretion, n'ont pas laissé d'être en si grande vénération dans l'Eglise que le Pape Gelase leur a fait cet honneur de les mettre sans distinction à la tête des ouvrages des Peres que l'Eglise Romaine reçoit & approuve. Concinit P. Gervasius in vitâ S. Cypriani lib. 6. num. 26. pag. 550. & 551.

Magnam

Magnam profectò fuisse Cypriani moderationem , patientiam , mansuetudinem ac charitatem tot in ferendis pro Catholicâ Religione ac veritate laboribus , calumniis , persecutionibus , exiliis , carceribus , ac præsertim in suo glorioso Martyrio , nemo unquam dubitavit ; in eximiis hisce virtutibus præcipuè fundatam ejus Sanctitatem huc usque credebamus. Verùm quàm turpiter fallebamus , si Neotericis nostris auscultandum sit , quippè qui nobis significant ac ostendere conantur nullibi magis Cypriani moderationem ac patientiam eluxisse , quàm *in modo quo se se gessit in causâ Baptismatis Hæreticorum* ; (a) *in hoc modo fundatam imprimis esse volunt illius Sanctitatem ipsius Augustini Judicio*. (b) In epistolâ enim , inquiunt , ad Pompeium Cyprianus omnem magni Episcopi Sanctitatem , omnem pietatem , omnemque charitatem enitescere fecit : (c) non solum sed & Augustinum de Cypriano ità sensisse contendunt qui , inquiunt , tam sapientem tam moderatam Episcopi agendi rationem admirans , (d) ipsum ubique , idèdque tunc etiam , cùm Stephanum modo quo vidimus increpabat , considerat ut humilitatis , charitatis & moderationis exemplar (e) & revera modum ,

(a) Lombert in laud. præfat. pag. 109. Mais la rencontre où sa patience parut dans tout son lustre fut la contestation qui arriva dans l'Eglise touchant le Bâptême des hérétiques, en effet quelle moderation ne témoigna-t'il pas en cette rencontre ?

(b) Ibid. pag. 120. Mais pour montrer encore d'avantage l'estime particulière que S. Augustin faisoit de la sainteté de S. Cyprien, & qu'il l'a fondée principalement sur la manière dont il s'est comporté dans le diffé-

rentien qu'il fait, &c.

(c) P. Gervahus in vitâ S. Cypri. lib. 5. num. 17. pag. 421. Dans cette lettre même (à Pompée) S. Cyprien a fait paroître toute la sainteté, toute la piété, toute la charité d'un grand Evêque.

(d) Lombert in laud. præfat. pag. 109. S. Augustin admirant une conduite si sage & si modérée.

(e) Ibid. pag. 112. S. Augustin considère par tout S. Cyprien comme un modèle d'humilité, de charité & de moderation.



quo Cyprianus in Epist. ad Pompeium contra Stephanum pro suâ opinione defendendâ loquutus fuit ab Augustino commendari : (a) atque in ea Epistola nihil, quod *charitatem, moderationem ac mansuetudinem* non saperet, Augustinum deprehendisse tradunt; (b) imò nobis apertè significant Cyprianum ad mentem Augustini reverentius erga Stephanum *ac mitius agere non debuisse* : (c) nec stat per Lombertum ac P. Gervasium, quominus credamus Cyprianum *Servilis* in R. Pontificem *assentationis* postulari potuisse si reverentiorum erga Stephanum se præbuisset. (d) Tandem concludit Tillemontius *adorandam à nobis esse, quæ Cyprianum sanctificavit in hoc celebri dissidio charitatis vim ac magnitudinem* ; (e) concludit Lombertus *magnâ nos lætitiâ affectos esse debere*, quòd Cyprianus in errorem lapsus fuerit, quia in eo propugnando *tanta ipsius virtus enituit, tantamque ex eo utilitatem Ecclesia percepit*; (f) concludit Gervasius eò nos usque Cypriani scriptis permoveri, ut ipsum pro veritate, Ste-

(a) Ibid. pag. 74. recitat Cypriani ad Pompeium epistola sic pergit. *C'est ainsi que S. Cyprien défendit librement & généralement son opinion touchant le schisme contre le Pape Etienne, de quoi S. Augustin se loue.* Idem P. Gervasius lib. 5. num. 17. pag. 420. & seq.

(b) P. Gervasius ibid.

(c) P. Gervasius ibid. Mais peut-être que n'ayant pas la vérité de son côté, S. Cyprien aurait dû ne pas défendre son opinion, avec tout l'ardeur, & se contenter au moins comme un homme ou qui doute ou qui a sujet de douter, sur tout à l'égard d'un Pape pour lequel il est probable qu'il aurait dû avoir plus de déférence. En obéissant ainsi se reproche-t-on si c'est tout la fin de S. Augustin. Ce grand homme, dit-il, & recitait Augu-

tin textu sic concludit, *il se loue donc de ce qu'il a défendu librement & généralement son opinion contre le Pape Etienne, & dans cette générale liberté il y trouve de la douceur & de la charité.* Vide etiam Lombert. pag. 74.

(d) Lombert in laud. præfat. pag. 74. & P. Gervasius in loco modo citato.

(e) Histoir. l'eccl. tom. 4. art. 52. Il font donc adorer en cette célèbre dispute la grandeur & la puissance de la charité qui a sanctifié S. Cyprien.

(f) In laud. præfat. pag. 107. Et véritablement quand on considère combien l'erreur où est tombé S. Cyprien dans la question du schisme a donné d'écueil à la vérité & a porté d'ombrage à l'Eglise, il n'est pas possible qu'on n'en raffasse beaucoup de jours.

phanum verò pro errore stetit desideremus (a)

Hæc Novaturienſes Theologi pro vindicandâ Cypriani in Stephanum agendi ratione, quæ quidem ſi cuiſpiam inflata & exaggerata videantur, eò ſolùm nomine ſint vituperanda quòd veritatem offendant, utcunq; tamen toleranda, quòd nullius famam, nullius dignitatem, nullius ſanctitatem directâ ſaltem fronte impetant. Verùm hos intra limites contineri nequaquam valuit effrenis adverſariorum in laudandâ Cypriani agendi ratione labor & impetus. Diceret apud illos homines Cartaginienſis Epifcopi in R. Pontifice durius tractando mirabilem patientiam, moderatum animum, manſuetam charitatem laudari ſatis haud potuiſſe, niſi Stephanus Cyprianum ad unanimiſſimam benignè exhortatus iracundiæ, præſumptionis, immanitatis, tyrannidis & cujus non criminis, inſimularetur; diceret in eorum mente firmam & ſolidam ſtare non potuiſſe inmenſarum Cypriani cujus vindicias ſuſceperant laudationum molem, niſi Stephanus ſanctiſſimus Eccleſiæ Pontifex, Martyr Religionis ſpectatiſſimus, ſideiſſimus aviæ traditionis cuſtos procacioribus ab iſdem proſcinderetur conviciis, dideris appetere inſolentioribus, atrociffimis oneraretur criminibus. Hinc inexhauſti illorum in deprimendâ Stephani memoriâ co-

(a) In viâ S. Cypri. pag. 414. Quand qui porte à ſouhaiter que S. Cyprien eût  
on ſit ce qui ſ'eſt écrit de part & d'autre, raiſon, & que ſon adverſaire eût tort.  
on ſent dans ſon cœur un mouvement ſecré

natus adeò feraces, ut quantalibet in laudando Cypriano protulerint, majora in denigrando Stephano confinxisse videantur.

Mitto insulsam illam affectationem, quâ sæpius inculcant ac fusiori etiam probare calamo nituntur, Cyprianum videlicet longè pluris, quàm Stephanum in Ecclesiâ fieri (a) Dudum est, ex quo malè olent, vixque ac nè vix quidem in Panegyricis Oratorum declamationibus sanctorum illæ virorum, quos suis factis ascriptos Ecclesia veneratur, comparationes, & injuriosæ utrisque de utrorumque meritis contentiones, eò collimantes, ut alterius sanctitas alterius attenuatione augeatur.

Negligo pariter tot Neotericorum conatus in amplificandâ eorum multitudine, quos Cypriano potiùs, quàm Stephano complausisse scribunt Tellemontius, (b) Dupinus, (c) Launoïus, (d) P. Gervasius (e), ex quorum calculo sequeretur Dionisium Alexand. Dionisium & Philemonem Presb. Romanos, Hyeronimum, Athanasium, Optatum milevit; Synodum Nicenam, Basilium; Gregorium Naziazenum, Cyrillum Hierosol.; Gregorium Nyssenum, Ambrosium, Augustinum, Theodoretum, Romanam sub Gelasio, Synodum, Fulgentium Ruspensem Episcopum,

(a) Launoïus in Epist. ad Bevilag. 15. P. Gervasius passim in vitâ S. Cypri. Lombertus in laud. præfat. ad opera S. Cypriani.

(b) Hist. Eccl. tom. 4. art. 41. 44. & 45.

(c) Bibliot. Eccl. tom. 1. pag. 340.

(d) Epist. ad Bevilag. 15.

(e) In vitâ S. Cypri. lib. 5. num. 1. 2. & alibi.

Gregorium Magnum, Synodum Quinifextam, Cypriano potius, quàm Stephano adhæsisse. Ecquis enim verò tot conatuum, tot laborum fructus? Quod sentio liberè profero, in congerendis tot in Stephanum adversariis manifestârunt Neoterici, quo fuerint ergà Stephanum sicuti erga tot Patrum memoriam, spretis historiæ ac æquitatis legibus animo affecti.

Hæc inquam aliaque similia prætermitto, quæ cum sequentibus comparata leviora sunt, quàm ut morari nos debeant. Quid igitur de Stephano Pontifice maximo, traditionis Apostolicæ vindice, ac Martyre sanctissimo tradunt, qui Catholicos, qui humiles filios; qui moderatos scriptores se esse profitentur, ac videri volunt?

Stephanus, inquiunt Neoterici nostri, indignè penitus erga Cyprianum se gessit, (a) ad Cyprianum scripsit Epistolam indignam prorsus quæ à Romano Pontifice ad Cartaginensem scriberetur, (b) superbam & injuriarum plenam, (c) magnoperè contumeliosam. (d) Stephanus factum tumidè ac dominatum affectat, (e) imperantem ac tyrannum agit, (f) magnâ inhumanitate

(a) P. Gervaf. in vitâ S. Cyp. pag. 435. Un traitement si indigne fait à S. Cyprien par le Pape Etienne.

(b) Idem ibid. pag. 435. C'étoit une lettre indigne de l'un & de l'autre Baillet, de vitis Sanctorum ad diem 2. August. pag. 311. Cette lettre du P. Etienne si peu digne de celui qui l'écrivoit & de celui à qui elle étoit écrite. Idem Tillemont. Hist. Eccl. tom. 4. pag. 330.

(c) Lombert. in laud. præfat. pag. 71. S. Etienne écrivoit une lettre fière & pleine,

d'injures à S. Cyprien.

(d) Lombert. ibid. lettre extrêmement offensante.

(e) P. Gervafius in vitâ S. Cyp. pag. 433. Tous ces airs de hauteur & d'empire que le Pape Etienne affectoit & pag. 461. les manières hautes & impérieuses du P. Etienne.

(f) P. Gervaf. ibid. pag. 433. S. Cyprien pouvoit aussi regarder cet impérieux commandement (du P. Etienne) & ces menaces comme une conduite tyrannique.

Cypriano responderet, (a) inhumanum valdè ergà Cyprianum se præbet. (b) Stephanus Cyprianum inauditum judicat & damnat, (c) ipsum vocat Pseudochristum, Pseudo-Apostolum, dolosum & perfidum, (d) Cyprian Legatos contumeliosissimè tractat, (e) ipsis pacem, communionem, hospitalitatem, victum non negavit solum, sed negari ab omnibus præcepit. (f) Stephanus zelum præferebat quidem, sed ad omnia promiscuè devastanda unicè idoneum: (g) hîc Stephani zelus Imperatorem movit ad Ecclesiam crudeliter persequendam. (h) Stephanus quàm plures Ecclesias tyrannicè opprimebat, (i) nullam Ecclesiæ unitatis rationem habet, quam scindere flocci facit. (k) Stephanus

(a) Dupin. Bibl. Eccl. tom. 1. pag. 500. Etienne ayant fait réponse à S. Cyprien avec beaucoup de dureté.

(b) Tillemont. Hist. Eccl. tom. 4. art. 49. pag. 155. La dureté d'Etienne en les maltraitant également. Inhumanitas sonat Gallice dureté, ut ibi notat Tillemontius. Baillet. In vitis Sanctorum tom. 1. ad diem 16. Sept. Une si grande dureté du Pape Etienne.

(c) P. Gervais. in vitâ S. Cypri. pag. 436. ce qui fit improprier la conduite du P. Etienne à ceux même qui étant de son sentiment croioient qu'on devoit au moins écouter tout le monde, & ne condamner personne avant de l'avoir entendu.

(d) Tillemont. Hist. Eccl. tom. 4. pag. 150. S. Cyprien avoit sujet d'être peu satisfait d'un Pape (Etienne) qui le traitoit de faux Christ, de faux Apôtre, & d'outrager trompeur & infidèle. Idem P. Gervais in vitâ S. Cypri. pag. 436. Lombert. in laud. præfat. pag. 71. Baillet ad diem 16. Septemb. in loco citato.

(e) Tillemont. ibid. pag. 155. Le Pape Etienne après avoir traité les Députés de S. Cyprien d'une manière si outrageuse.

(f) Fleurius Hist. Eccl. tom. 2. lib. 7. pag. 243. S. Cyprien envoya à Rome deux

Evêques députés, mais le Pape S. Etienne ne voulut ni leur parler, ni les voir, & défendit même aux Fidèles de les recevoir, ni d'exercer envers eux la simple hospitalité. Idem scribunt Tillemontius Hist. Eccl. tom. 4. art. 49. Lombertus in laud. præfat. pag. 71. P. Gervais in vitâ S. Cypri. pag. 461. Baillet in vitis Sanctor. ad diem 1. Augusti pag. 111.

(g) P. Gervais in vitâ S. Cypri. pag. 438. Etienne étoit de ces Zélés ardents qui ne pouvoient rien souffrir d'opposition, & dans l'a-dur de ce Zèle, ils voudroient tout exterminer, dès la pointe du jour.

(h) P. Gervais in vitâ S. Cypri. pag. 434. L'Empereur excita une furieuse persécution contre l'Eglise, le zèle d'Etienne lui avoit donné occasion.

(i) Idem pag. 459. Tant d'Eglises dévotées d'une oppression qu'elles avoient toujours regardée comme une tyrannie particulière à leur zèle.

(k) Lombert. in laud. præfat. pag. 75. S. Cyprien fut indigné de voir que le Pape Etienne avoit si peu d'égard à l'unité de l'Eglise, & ne se souciait pas d'y mettre la division. Lombertum exhibet P. Gervais in vitâ S. Cypri. pag. 436.

non unum vel duos dumtaxat , sed tres errores fidei Catholicæ adversos docuit in suo rescripto ad Cyprianum. ( *a* )

Integerrimam Stephani vitam tot conviciis dilacerâsse , tot onerâsse criminibus laud satis habuerunt Neoterici , sanctam & ipsius mortem aggrediuntur , gloriosi Martyrii palmam , imò sanctitatem ipsam Stephano eripere tentant ; modò significant acta Martyrii S. Stephani satis authentica non esse , ut in Historiâ fidem mereri debeant ; ( *b* ) modò contendunt aliquem dubitandi locum esse , utrum Stephanus verè Martyr extiterit ; ( *c* ) hîc subjiciunt S. Augustino ac Vincentio Lirinensi perspectum non fuisse , quòd Stephanus Martyr extiterit : ( *d* ) illic tradunt jure credi posse Stephanum in carcere vel alio modo minùs illustri obiisse , non verò per judicis sententiam ac persecutorum manu , quod solum pro vero perfectoque Martyrio tunc temporis habebatur. ( *e* ) At quaecumque tandem Martyrium Stephanus pertulerit , illud saltem pro Christi nominis confessione passus est ? Nequaquam juxtà Dupinium , *illud* , in-

( *a* ) P. Gervasius id tradit & evincere conatur in virâ S. Cypriani pag. 465. & 466. Stephanum pariter erroris insinuant Laupontus Epist. ad Bevilac. 15. & Dupin. Biblioth. Eccl. tom. 1. pag. 540. &c.

( *b* ) Tillamont. Hist. Eccl. tom. 4. pag. 31. Les actes du Martyre de ce Saint ( Etienne ) ne paroissent pas assez authentiques pour faire foi dans l'Histoire.

( *c* ) Ibid. Il semble même y avoir quelque lieu de douter s'il a été véritablement Martyr.

( *d* ) Ibid. Il semble même y avoir quelque lieu de douter si le P. Etienne a été véritablement Martyr , car on peut assurer que S. Augustin & Vincent de Lerin ne l'ont pas su.

( *e* ) Ibid. Il y a assez sujet de croire que S. Etienne est mort dans la prison , où de quelque autre manière moins étalante... & non par la sentence du juge & par la main des Persecuteurs , ce qui étoit regardé comme le vrai & parfait Martyre. pag. 194. in notis ad S. Stephanum.

quit, passus est, quia in Cemeterio inventus est contra Valeriani Imperatoris jussum qui Cemeteria à Christianis frequentari sub pœnâ mortis edicto prohibuerat (a) at demùm pro Christi nominis confessione Stephanus non interierit, verè Martir non extiterit, indubia saltem erit illius sanctitas ? Imò maxime dubia, ac nullo nixa fundamento, si Lomberti valeant effata ; quæ enim Stephanus contra Cyprianum gessit nec Martyrio juxta Lombertum expiari poterant, nisi Stephanus ante mortem pacem cum Cypriano, aliisque Episcopis fecisset, ac charitatis & unitatis nexus, quos ipse disruperat cum ipsis adstrinxisset. (b) En igitur totum Stephani sanctitatis fundamentum in ipsius cum Cypriano reconciliatione constitutum, in hâc inquam reconciliatione, cujus nec apud veteres, nec apud recentes aliquod extat vestigium, ideoque maxime dubiâ, ne plus dicam & incertâ ; tam igitur suspecta, dubiaque nobis erit Stephani sanctitas, quàm hujusmodi à Lomberto præformata Stephani cum Cypriano ceterisque reconciliatio, à qua nimirum totâ pendet Stephani sanctitas, & sine quâ nec ipsum Stephanum profuisset Martyrium. Quam sanè

(a) Bibl. Eccl. tom. 1. pag. 403. L'Empereur Valerien publia un Edit contre les Chrétiens, par lequel il leur défendit de s'assembler dans les Cimetières à peine de mort. Le Pape Etienne ayant été trouvé contre la défense de l'Empereur, y souffrit le Martyre.

(b) Lomb. in laud. præfat. pag. 78. Le sentiment véritable qu'avoit le Pape Etienne

touchant le Bâtime des Hérétiques, ne lui auroit pu faire remporter la Couronne du Martyre, parce qu'il n'avoit pas souffert patiemment les rémontrances de plusieurs Evêques Catholiques, & s'étoit séparé de leur communion, si avant de mourir il n'eut fait la paix avec eux & n'eut renoué les liens de la charité & de l'unité,

diversa, ut obiter dicam, Lomberti de Cypriano & Stephano scribendi ratio? Cypriani sanctitatem à suâ erroris revocatione, quia dubia est, nullo modo pendere contendit, nec ab illâ æstimandam esse declarat, tamen hujusce revocationis non unum apud antiquos extat argumentum, plurimique Theologi pietate, ac eruditione clarissimi illi suffragantur. Verùm Stephani sanctitatem à prætenfâ reconciliatione veteribus omnibus, ac recentioribus etiam ignotâ, idèdque longè magis incertâ, adèd pendere contendit, ut sine eâ nec Martyrium Stephano fuisse profuturum affirmet.

En splendidi Neotericorum nostrorum conatus, en immensi labores, ut adversam Cypriani in Stephanum agendi rationem modis omnibus vindicarent, nec non christianæ modestiæ, reverentiæ Romano Pontifici debitæ, ac æquitati apprimè consentaneam ostenderent, nobisque, si superis placet, suaderent; hæc illa fuere momenta tanto labore quæsitæ, quibus famosum Lutheranorum ac Calvinistarum ad pessumdandam Pontificiam autoritatem ex Cypriano petitum argumentum, à catholicis Doctoribus profligatum jam dūdum & eversum, extollere ac suffulcire aggressi sunt Neoterici scriptores. His mediis tam portentosis novam huic argumento vim, novumque splendorem indere susceperunt, quibus roboratum, invictum ac evidens illud



asserere ac ubique prædicare non dubitant. Utris verò gloriosius extiterit, an Lutheranis & Calvinianis illud argumentum excogitasse, an Neotericis nostris dirutum illud tam præclare restaurasse, judex ille sit, qui neutrius gloriæ invidet; quamquam fatendum ingenuè sit S. Stephanum R. Pontificem à Lutheranorum & & Calvinistarum nemine tam malè tractatum fuisse, quàm à nonnullis è Neotericis nostris scriptoribus.

Quamdiu hos intra fines steterissent Neoterici nostri, causam suam nil vel certè parum apud Catholicos promovissent, argumentum istud à Cypriano petium centies ac millies invictum, evidens, peremptorium, ac contra Pontificiam inerrantiam decretorium appellassent, tantis dicendi facibus neminem commovissent, nemini fucum fecissent: tam enim flaccida & misera, tam parùm digesta, tam ipsà veri specie destituta se se produnt, quæ ad hujus argumenti præsidium adducuntur & inverecundè jactantur, ut vel obtusissimis imponere nunquam valuissent; imò si quid illa ponderis habuissent, prolata ut fuerunt tanto strepitu & animi præoccupati impetu, tam cæco in Romanos Pontifices odio, suspectum vel illud reddidissent, totamque illi fidem detraxissent.

Verùm ultrà metas progressi sunt, qui nobilissimo, & quidem primævæ antiquitatis Ec-

clesiæ Doctōri, qualis fuit Cyprianus, ignotum penitus fuisse quod Petri successoribus adseritur fidei indeficientis privilegium Catholicis suadere per fas etiam & nefas sulceperant. Quid amplius igitur Neoterici, ut non nullos hâc in re fallerent incautos? Probè conscii quanto apud Catholicos in pretio haberentur Gallorum Theologorum ac Parisiensium Doctōrum opiniones, huc & illuc spargere ceperunt hujusmodi argumentum sapientissimis illis sacræ Theologiæ magistris validissimum ad impetendam Rom. Pontificis inerrantiam visum fuisse. Sic quod rei deerat tanto nomine ac titulo compensandum esse judicarunt. Fatenda res est. Neotericorum votis non parùm successit artificium. Exteri quàmplures, quibus sæpe non vacat ac frequentius liberum non est tot Galliæ Doctōrum volumina perlegere, aliorum ex suo candorem dimetientes, rem magnâ fidentia testantibus bonâ fide crediderunt; atque exindè Galliæ Theologos tanquam hujusce argumenti patronos habentes obscuratam ac imminutam in recentioribus, quæ veteres Galliæ Doctores commendabat judicii gravitatem ac maturitatem dolere atque deplorare visi sunt, atque videntur. E Galliâ etiam non pauci in Parisiensium Doctōrum scriptis non satis versati Neotericis hâc in re faciliores aures pariter accommodarunt, unde tantâ magistrorum suo-

rum, à quibus recedere nefas ducitur, autoritate abrepti, istud argumentum ad impetendam inerrantiam Pontificiam efficacissimum & ipsi sine ulteriori inquisitione dixere, atque contendere sæpius audiuntur.

Novissimus iste fuit ceterisque felicior Neotericorum ausus, ut argumento prædilecto vires aliquas, quas per se se ipsum non habebat impertirentur. Temerarium aded inceptum ferre non potuimus, nempè quo Germana celebrimorum scriptorum doctrina aded depravaretur, ut adversa penitus ipsis affingeretur. Periniquo passus sum animo Parisienses Doctores ed usque denigratum iri, ut vetulam Lutheranorum cantilenam à catholicis omnibus irrisam ac contemptissimam placere ipsis, probari ac recantari diceretur. Dolebamus eam Gallix Theologis invidiam conflare, quæ ipsos tanquam filios à Patribus degeneres, Patrum sapientià ac judicii maturitate destitutos exteris exhiberet, ac proindè querimonias exterorum & exprobrationes in ipsos concitaret. Permolesse cernebamus tot juniores Sorbonnæ Baccalaureos ementitâ suorum Magistrorum autoritate deceptos bonâ fide credere, Cyprianum Pontificiæ infallibilitati repugnasse, quod avitum & innatum ad tuenda Sedis Apostolicæ jura ipsorum ardorem minuebat non parum, ac remittebat.

Ut itaque nostro pro asserendis ac magis magisque firmandis sacris Apostolicæ sedis juribus, ac divinis privilegiis studio, nostræque de Galliæ Theologis, quo meliori modo possumus, benemerendi voluntati faceremus satis, Germanam Galliæ Theologorum hæc in parte sententiam pandere atque à novissimâ imposturâ vindicare suscepimus. Quid ergo? An non Galliæ Doctores Cypriani factum ad impetendam Romani Pontificis inerrantiam idoneum aptumque dijudicant? Imò ineptissimum ac futilissimum illud esse demonstrant. Easdem doctissimi Galliæ Theologi, quas ceteri Catholici Doctores ad exsuflandum & profligandum, quo ex Cypriano Lutherani primùm & Calviniani, deinde Neoterici in supremam & immotam Romani Pontificis auctoritatem arietant argumentum, responsiones afferunt atque suppeditant: hæc verò tam solidæ, tam decretoriæ sunt ut magis esse non possint. Ità se habent gravissimi viri, quidquid in contrarium adducant ac fabulentur Neoterici, atque illud est quod probandum aggredimur ac difficiliore cuicumque suadere confidimus.








# DISSERTATIONIS

## ARGUMENTUM ET PARTITIO.



UO completur susceptum dissertationis nostræ argumentum, alterum facti, alterum juris. Quod spectat ad primum, ostendemus famosum illud quod Neoterici nonnulli ex Cypriani facto contra assertam à Catholicis Romani Pontificis infallibilitatem extundunt momentum, vacuum à sapientissimis Gallix Theologis & inane confici, refutari prorsus ac everti. Quod ad jus attinet, solida & invicta esse demonstrabimus quæ à sapientissimis Gallix Theologis ad profligandum & evertendum illud Neotericorum momentum adducuntur. Utroque peracto constabit supremam & irreformabilem in definiendis fidei controversiis Rom. Pontificis auctoritatem Cypriani facto à Neotericis quidem acriter impugnari, sed à Gallix Theologis solidè vindicari.

Antequam tamen ad rem propius accedamus, officii nostri esse duximus Stephani sanctissimi Martyris ac Pontificis maximi vitam ex veterum monumentis expressam compendiosè describere. Charitas in primis atque Religio postulare à nobis visa est, ut sanctissimum illum Pontificem



## COMPENDIOSA STEPHANI SANCTISSIMI

*Martyris ac Romani Pontificis vitâ à Veterum monumentis excerpta.*

**S**TEPHANUS natione Romanus ex Patre Julio (a) antequam ad supremum Ecclesiæ verticem attolleretur in Clerum Romanum cooptatus Cornelii primo, deinde Lucii Romanorum Pontificum fuit *Archidiaconus*, (b) in quo officio talem se præbuit Cornelio, ut ipsum præ omnibus dignum censuerit, cui tutius *omnia Ecclesiæ bona ante suam passionem traderentur* (c) Lucio verò ita se probavit, ut ipsum ex omnibus unum ad sustinendam difficillimis temporibus nutantis Ecclesiæ molem deligeret; *hic enim inquit Anastasius potestatem dedit omnis Ecclesiæ Stephano Archidiacono suo dum ad passionem pergeret*: (d) vel juxta Eusebium (e) *moriens Episcopale officium Stephano dereliquit*.

Lucio gloriosâ morte defuncto successit Stephanus. (f) Ecclesiâ à persecutionibus respirante, ac pacem sub Valeriano ad rempus obtinente, majorem sanctus Pastor agendi libertatem nactus ad remotissimas quoque per orbem Ecclesiæ sollicitudinem vertit: *omnibus Siciam cum Arabiâ Provinciis non semel, sed identidem necessaria suppeditans*; (g) quorum autem corporibus tantâ charitate ac liberalitate Sanctus

(a) Catalogus Pontificum seculo sexto conscriptus ab Hefcennio vulgatus tom. 1. Aprilis in diatriba preliminar. Anastasius Bibliothecarius in vitâ S. Stephani.

(b) Idem Anastasius in vitis SS. Cornelii & Lucii edit. Rom. 1718.

(c) Idem in vitâ S. Cornelii.

(d) In vitâ S. Lucii.

(e) Hist. Eccles. lib. 7. cap. 2. edit. Vales. Paris. 1678.

(f) Id post Cyprianum, Eusebium, Optatum milev. Augustinum, Prosperum, Nicephorum, &c. omnes agnoscunt.

(g) Dionysius Alexand. apud Eusebium lib. 7. Cap. 5.

Pontifex subveniebat, animos etiam benignis ac salubribus scriptis solari, & ad pietatem excitare studebat teste Dionysio citatis modò verbis hæc subdente: *& quibus litteras nunc scripissis.*

Marcianum Arelatensem in Galliâ Episcopum Novatiano plurimùm studere non sinè Ecclesiæ detrimento Stephano significavit unâ cum ceteris Provinciæ Episcopis Faustinus Lugdunensis Antistes. (a) Stephanum autem pro rei gravitate maturè procedentem, ac in excommunicandis & deponendis Episcopis non festinantem per Epistolam adit à Gallis incitatus Cyprianus, ipsum interpellans *ut in Provinciam & ad plebem Arelate consistentem litteras dirigeret & quidem plenissimas, quibus absento Marciano alium in locum ejus substitueret*; (b) quare autem vellet tam severâ & gravi censurâ in Marcianum animadverti, disertius exponit sub Epistolæ finem; quòd nimirum vindicandus esset Romanorum Pontificum honor, à quorum ille *de recipiendis lapsis decretis pertinaciter dissentiebat: servandus est enim inquit, Antecessorum nostrorum Beatorum Martyrum Cornelii & Lucii honor gloriosus, quorum memoriam cum nos honoremus, multò magis tu frater carissime honorificare & servare gravitate & auctoritate tuâ debes, qui Vicarius & successor eorum factus es. Illi enim pleni spiritu Dei & in glorioso Martyrio constituti dandam esse lapsis pacem censuerunt.*

Cyprianus interea adeò non dubitabat, quin Stephanus re ad tantam lucem jam prosecta ipsius consilio & hortatu litteras ad Provinciam & plebem Arelatensem mitteret, quibus & Marcianum abstineri, & alium Episcopum in ejus locum substitui præciperet, ut & quis fuerit substitutus sibi significari roget his verbis: *significa planè nobis quis in locum Marciani Arelate fuerit substitutus, ut sciamus ad quem fratres nostros dirigere, & cui scribere debeamus.* (c) Dejectum autem è sede tunc Marcianum à Stephano fuisse tota silet antiquitas; at illud indicio esse potest, quòd nomen ejus in

(a) S. Cyprianus Epist. ad S. Stephanum  
68.

(b) Cyprianus ibid.  
(c) Ibidem.



antiquis Arelatenſis Eccleſiæ diptychis à Mabillonio editis (a) non legatur.

Eodem circiter, ut creditur, tempore præclarum auctoritatis ac ſuæ clementiæ ſpecimen dedit piſſimus Pontifex in cauſâ Baſilidis Legionis & Aſturicæ in Hiſpaniis Epifcopi. Hic cum ob varia crimina, quorum accuſabatur, ab Epifcopatu à ſuis depulſus eſſet, ejuſque loco Sabinus fuiſſet ſuſſectus ſe ſe Romam ad Stephanum contulit, à quo ut in ſuam ſedem reſtitueretur obtinuit. (b) Cyprianus cum Baſilidem omnium, quorum accuſabatur criminum reum exiſtaret, & aliunde Stephanum æquitas adeò ſibi nota eſſet, ut ipſum facinoroſo patrocinari voluiſſe nullatenus ſuſpicaretur, Stephanum à Baſilide in hoc negotio fuiſſe *deceptum* cenſuit, quod Stephano accidere potuiſſe contendit, ut potè *longè* ab Hiſpania *poſito & geſta rei ac tacite veritatis ignaro*. (c)

Si revera Stephanus in hæc re, ut putavit Cyprianus, circumveniri ſe paſſus eſt, non propterea gravis, aut etiam levis negligentia illico culpandus, cum experientiâ conſtet vèl diligentiffimo nonnumquam cauſiffimoque obrepi ſolere; maxime ſi, ut Stephanus, eâ plenus eſt caritate, quæ omnia credens, nec cogitans malum reis magis, quàm actoribus indulgere ſtudet; ſed neſcio an Cyprianus potius, quàm Stephanus in hoc negotio fuerit deceptus; quidquid enim Cyprianus in hæc Epistolâ de Baſilidis criminibus ſtatuit, ſtatuit parte altera inaudita, hoc eſt ex ſolâ relatione Legatorum qui erant Epifcopi depoſitis (Baſilidi & Martiali) ſubſtituti, & ex litteris eorum, qui hos depoſuerant, illos ſubſtituerant; at hi proſecto in cauſâ propriâ teſtes non erant idonei, et æquè imponere Cypriano poterant, ac Stephano Baſilides. Ab Hiſpaniâ *longè* quidem *poſitus erat Stephanus*; at Hiſpanis non adeò propior Cyprianus, ut quæ Romam indè penetrare poterat fallacia, non potuiſſet etiam Cartaginem; cum maxime tam rara Cartaginènſes inter & Hiſpanos nullo iuriſdictionis vinculo colligatos,

(a) Anal. tom. 3. pag. 432. edit. Pariſ. 1672.

(b) Cyprianus in Epiſt. ad Stephanum 68.

(c) Ibidem.

quàm frequentia Hispanorum cum Romanis, quibus & civili & Ecclesiasticâ potestate suberant, haberentur commercia; crediderim potius quod in Hispaniâ agebatur multò melius Romæ sciri ac examinari potuisset à Stephano, quam Cartagine à Cypriano.

At fuerint, si placet, Basilidis crimina Cypriano magis, quàm Stephano probata, ideòne deceptus, vel incautus Stephanus, quia illum sedi suæ restituit? Nullo modo. Cum enim Basilidis depositio ab Hispanis facta fuisset non consultâ sede Romanâ, ad quam hujusmodi causæ referendæ erant teste ipso Cypriano, (a) idque ignorare non potuerit S. Stephanus, Hispanorum acta rescindere debuit, saltem quoad illi causam ordine legitimo, hoc est conscia & probante sede Apostolicâ denuò instaurarent. Qui plura de hâc re desiderat consulat Eminentissimum Aguirrium. (b)

Hispanorum vix sedaverat, aut sedare tentaverat turbas Religiosus Pontifex, cum graviore Africanorum, & Orientalium compescere cogitur, & pro suâ, quæ limites non agnoscebat, Pastoralis sollicitudine illos ab errore revocare nititur. Cum enim Cyprianus postpositâ antiquâ & universali, quam ubique intuebatur Ecclesiæ consuetudine, (c) subintroductam ab Agrippino predecessore suo de rebaptisandis ab Hæreticis baptisatis novitatem sequi & amplecti maluisset, (d) ad hanc stabiliendam ac dilatandam duas Cartagine coegit Synodos, in quibus statuit una cum cæteris coepiscopis congregatis baptismum extra Ecclesiam susceptum in eâ repetendum esse. (e) Res hæc magni ponderis erat, & ad sacerdotalem auctoritatem & ad Ecclesiæ Catholicæ unitatem ac dignitatem, propius pertinebat, quàm ut inconsulto Pontifice executioni demanderetur, ideòque de hoc negotio Stephano maxime scribendum esse ac cum ipso conferendum merito judicarunt Episcopi Concilii Cartaginensis. (f) Synodicam igitur ad Stephanum

(a) In Epist. ad Cornelium 55. & ad Stephanum 8.

(b) Concil. Hispan. tom. 1. dissert. 7. & 14.

(c) S. Augustinus de bapt. contra donat. lib. 2. cap. 8. edit. Benedictin. Paris, 1679.

(d) Augustinus ibid.

(e) Cyprianus Epist. ad Episcopos Numidæ 70. & ad Stephanum 71.

(f) Epist. Synod. ad Stephanum apud Cyprianum. 72

dirigunt Epistolam, in quâ ipsum rei gesta certiores faciunt, & commendata Stephani *gravitate, sapientiâ* nec non suæ *Religionis ac fidei veritate* ipsi significant se nullatenus dubitare, sed *credere ipsi placitura quæ & Religiosa pariter & vera forent*; (a) qualia nempe esse putabant, quæ in causâ baptisimi hæreticorum statuerant.

Sanctus Pontifex ubi tantos non solum in Oriente, quod jam resciverat, sed & in Africâ, tamque citatos ad proscribendam Apostolicam traditionem agitari motus cognovit, idque à Præsulibus eximiâ sanctitatis doctrinæque famâ pollentibus, perspexit continuò quò spectabiliores erant Episcopi, qui Ecclesiæ traditionem convellere nitebantur, eo gravius Ecclesiæ imminere periculum, tantique mali labem, quæ magnam Africæ, nec non Ciliciæ, atque Capadociæ partem jam infecerat, quæve in finitimas pervadere non desistebat Provincias, brevi Africam totam, totumque Orientem fore perdituram, ideòque necessarium esse providus intellexit non qualecumque, sed efficax juxta, promptissimumque tanto malo remedium; quâ itaque in Cyprianum, aliosque Episcopos auctoritate pollebat, opportunè utitur nullâ contradicendi libidine, sed uno traditionis servandæ studio: *dignum nimirum existimans si reliquos omnes tantum fidei devotione vinceret, quantum loci auctoritate superabat*, (b) ipsique *per Epistolam* (c) *præcipit* (d) nil esse in hoc negotio innovandum, præcipit, inquam, ut bonus Pater, qui nil filiis, ubi etiam oportet, præcipere vult, quin & præcepti æquitatem afferat, modestèque exponat. Cypriano enim significat suæ opinioni contrariam esse antiquam, quæ vigeat, & quam Cyprianus ipse *ubique intuebatur* Ecclesiæ traditionem seu consuetudinem: (e) quo sanè argumento *humanas* (f) quibus Cyprianus, alique nitebantur rationes solidè evertet. Quis enim nesciat rationem omnem humanam Ecclesiæ traditioni concedere debere, ac

(a) Ibidem.

(b) Vincentius Lirin. in Commonit. cap. 9.

(c) Ibidem.

(d) Augustinus de bapt. contra donat.

lib. 4. cap. 17.

(e) Cyprianus Epist. ad Pompejum 74.

(f) Facundus Hermian pro defensione trium Capital. lib. 10. cap. 3. edit. P. Sirmondi Paris. 1696.

suspectam, ut mitius loquar, habendam esse rationem, quæ tantæ auctoritati adversatur. Hanc insuper traditionem confirmat ipso hæreticorum exemplo, qui ad se venientes non rebaptisabant. (a) Absurdam quidem hanc Stephani rationem censebat Cyprianus; verum, ut observabat non tam pridem vir eruditus, de illâ longè aliter judicabunt, qui eam attentius expendierint; cum enim ab Ecclesiâ recesserint omnes hæretici, mirum non est eos de doctrinâ illius non nihil retinere, imò nullus re ipsa est, qui non aliquid ex eâ retineat; cum igitur quantumvis inter se dissidentes, in aliquo cum Ecclesiâ consentiunt, hoc ab Ecclesiâ sibi traditum retinuisse, meritò affirmantur, ac proinde non immeritò antiquam Ecclesiæ, quam Stephanus asserit consuetudinem vel ipsâ hæreticorum praxi confirmat; en Stephani verba, quæ sola nobis supersunt Cypriano ea referente in epistolâ ad Pompeium 74. *Si quis ergo à quacumque hæresi venerit ad nos nihil innovetur nisi quod traditum est, ut manus illi imponantur in penitentiam, cum ipsi hæretici propriè alterutrum ad se venientes non baptisent sed communicent tantum.*

Hæc Cypriano scribit Stephanus stylo, qui præter gravitatem sapientiam ac Religionis veritatem, quam in ipso Cyprianus commendabat (b) nil sapiat, nisi modestiam eò laudabiliorem, quò tunc temporis Episcopi in hac questione diffidentes præsumptionis, pertinaciæ & perversitatis se se invicem infirmulabantur. (c)

Tandem ne quid omitteret vigilantissimus Pontifex, quod Cyprianum, aliosque rebaptisantes ab exitiali errore latius in dies serpente revocare posset, ipsis denuntiat se se ab illorum communione discessurum, (d) si in suâ sententiâ persisterent; ut nimirum quos paterno præcepto, ac rationum, quas attulerat momentis minus permovisset, minis saltem, ad errorem deponendum excitaret. Hæc pro vindicandâ adversus Cyprianum, aliosque rebaptisantes antiquâ & universali Ecclesiæ traditione

(a) Cyprianus Epist. ad Pompeium 74.

(b) Epist. ad Stephanum 72.

(c) Vide Cypriani Epist. ad Quintum 71. ad Iubajanum 71. atque Episcopi ano-

nymi tractatum qui incipit non debere, &c. apud Labbeum tom. 1. Concil. pag. 770.

(d) Dionysius Alexand. apud Eusebium Hist. Eccl. lib. 7. cap. 1.

Stephanus Romanus Pontifex, nec plura juxta probata veterum omnium monumenta. (A)

Tam laudabile Stephani pro avitâ Religione servandâ studium novitatem amantibus, ac errantibus displicuit. Pastoris vox ab iis, qui de unâ agi disciplinâ malè credebant non auditur, contemnitur, Romanus ipse Pontifex arguitur, injuriis,

(a) Inter probata Veterum momenta non recentemus Firmiliani ad Cyprianum Epistolam, quæ irati animi monstra nobis exhibeat non Sancti Episcopi dicta, quæ veritatem, Religionem, æquitatem, modestiam, ac charitatem Christianam sapiant. Scribit quidem Firmilianus Stephanum cum Cypriano pacem rupisse, ipsumque Pseudochristum, Pseudo-Apostolum vocasse, ac ipsius leæatis communionem ac hospitalitatem denegasse; ac hæc in Stephani litteris non leguntur. Hæc Veterum nemo de Stephano vel obcurè indicavit. De his apud Stephanum conquestus non est Cyprianus ipse, qui tamen de levioribus, genio commotionis indulgens, altas & amaras edidit querelas. Hæc non attulit Augustinus pro minuendâ, ut totus alii laborabat, Cypriani in Stephanum irritationis culpâ. Hæc mansuetudini, lenitati, & charitati quæ in Stephani vitâ ubique eluxere minime consona. Hæc si credenda sunt, quia ea Firmilianus effudit, credendum jam erit Stephanum fuisse audentem, insolentem, improbum, manifestè stultum, inhumanum, schismaticum, falsum testem, omnibus Hæreticis peiorem, cum Juda ipso Christi proditore comparandum; credendum jam erit Beatos Apostolos Petrum & Paulum à Stephano fuisse infamatos, ac de nullo alio magis, quam de Stephano scripturam sacram dicere: *Homo animosus parit lites & vir iracundus exasperat peccata*. Credendum jam erit zelum Dei apud Judæos ignorantia cæcos ac gravissimum crimine contrictos magis inveniri, quam apud Stephanum, ac hujus animam foras se unam non esse, adeo est lubrica mobilis & incerta. Credendum jam erit Stephanum pacem cum lingulis per totum orbem Episcopis vario discordiæ genere rupisse, ac merito nuncupandum Pseudochristum, Pseudo-Apostolum, & dolosum operarium. Credendum etiam erit Romanam Ecclesiam frustra Apostolorum auctoritatem pretendere, nec in eâ traditiones Apostolicas conservari; Cre-

dendum erit Hæreticos non nisi post longam ætatem ab Apostolorum temporibus vixisse. Hæc enim omnia, ut alia omittam, Firmilianus in eâ Epistolâ profundè hæc hominem perturbent bile adeo agitata & commotum, ut veritati, æquitati, Religioni, ac charitati intendere non valuerit, quæ proinde totam Firmiliano ad Cyprianum scribenti fidem detraherent.

Et reverè quæ Stephano Firmilianus objicit tamquam pura putidæque commenta tota habuit antiquitas. Nil in Stephano contra Cyprianum agente hæc reprehendit; imò Stephanum constantissimè commendat, idque palam læpulusque de Stephano negat, quod de ipso Firmilianus apertè affirmat ut infra ostendemus. Nec pluris apud Gallicæ etiam Gentis scriptores habetur Firmiliani hæc in re testimonium, quorum quidem major ac sanior pars nullam ipsi fidem concedendam esse libere pronuntiat, de quo videri possunt Natalis Alexander in Hist. Eccl. 3. Eccl. sæculi differt. 12. artic. 1. pag. 487. Frassen de Sacramentis quest. 3. pag. 96. Turnellus de Sacramentis quest. 7. art. 3. pag. 447. P. Constantius de Epistolis Rom. Pontificum tom. 1. pag. 130. de Reveroni in dissertatione dogmaticâ de dissidio inter S. Cyprianum & S. Stephanum. pag. 71. &c. alii quam plures, quorum argumenta falsitatem eorum, quæ Firmilianus Stephanum impiegit adituientia prosequi per tempus non licet. Id unum asserere juverit, quod ultro concedet quilibet verum æquus estimator, à Cypriano nimirum, Dionysio Alexandrino, Eusebio, Augustino, Hieronymo, Vincentio Lyrinensi, Facundo Hermian, ceterisque omnibus qui de hæc re pacatis animis scripserunt, petenda potius esse, quæ Stephanus contra relaxantes egit, quam ab uno Firmiliano infestissimo Stephani adversario, qui sermonem intrâ veritatis & æquitatis lumbes continere in citatâ Epistolâ non valuit.

contumelis afficitur (a) verum Stephanus spretus, injuriosè tractatus, & laceffitus nescit irasci, nescit indignari, nescit con-  
queri, irritari non valet, omnia fert, omnia sustinet, omnia pati-  
tur *omnia bono pacis & unitatis tolerat.* (b) Non judicem,  
non Pontificem maximum, non spretum, non offensum se  
cogitat, ut Paternæ ac Christianæ charitati unicè intendat;  
filios errantes, inobtemperantes, ac contumeliosos non incre-  
pat, non objurgat, non punit, sed *vir ubique magnus ac magnâ  
charitate pradius* (c) sollicitâ pietate tolerat, (d) mansuetus &  
humilis non studet injurias repellere, vel læsum honorem  
vindicare, sed *studet servare unitatem spiritus in vinculo pacis.* (e)  
Senserat quàm *perniciosa dissensionis periculum haberent, quæ in  
ipsum irritati effuderant* adversarii (f) idèdque omnia sub velo  
silentii, sub velo charitatis tegit: os suum nec aperit, ut suam  
defendat innocentiam, uni Deo suæ justificationis curam reli-  
quens; non propriis, sed Ecclesiæ bonis, paci, non suæ de-  
fensionis vigilat, & una *pax vicit in ipsius corde,* (g) non des-  
perans suâ tandem patientiâ ac longanimitate adversariorum  
corda movere, ipsosque ad meliorem frugem reducere, quod  
ut à Deo impetraret bonis operibus magis ac magis abundare  
nitebatur.

Interim enim, dum magni à rebaptisantibus motus in Africâ  
& Oriente excitantur, ipse domi *monitionibus sanctis & erudi-  
tione scripturarum omnes imbuebat,* (h) ceterisque eò grandior,  
quò sibi ylior commissum gregem celesti doctrinâ pascere non  
solebat, nisi præmissâ suæ indignitatis confessione: se audiri  
rogabat non ut Pontificem, non ut magistrum, non ut Pas-  
torem, sed ut peccatorem; *filioli mei* humilis inquebat, *au-  
dit me peccatorem* (i) qui autem omnes Christo lucrificare con-

(a) S. Cyprian. Epist. ad Pompeium 74.  
& Firmil. Epist. ad Cyprian. 75. inter Cy-  
pronicas.

(b) August. lib. 6. de bapt. contra Do-  
nat. cap. 22.

(c) August. lib. 1. de bapt. cap. 7.

(d) August. lib. 6. de bapt. cap. 23.

(e) August. Ibid.

(f) August. lib. 1. de Bapt. cap. 25.

(g) Augustinus Ibid.

(h) In actis Hypoliti, Eusebii & socio-  
rum apud Baronium ad an. 159. quæ legiti-  
ma cerro videri facetur ipse etiam Tille-  
montius nota 1. in S. Stephanum his verbis  
Baronius nos donne dans ses Annales les actes  
des Saints Eusebe, Marcel, Hypolyte, &c.  
comme des actes légitimes, ils en ont assu-  
rent beaucoup d'air.

(i) Ibidem.

tendebat

tendebat, non fidelibus tantum erudiendis ac sanctificandis, sed & gentilibus ad fidem convertendis totus allaborabat; quod verò, quantrique fuerint Apostolici tunc temporis sanctissimi Pontificis labores, referunt acta Hypoliti, Eusebii & sociorum, in quibus etiam videre est Stephanum ipsum Ethnicis baptizandis ita occupatum, ac si vel nihil negotii haberet, vel presbyteri deessent, quibus eam curam committeret, dum vacaret ipse gravioribus. Irritos Deus noluit tot Stephani labores; optata Stephano concessa merces *crescente in dies Christianorum numero* (a)

His deditum sollicitudinis Pastoralis, ac zeli Apostolici officii Stephanum excepit Epistola Dionisii magni Alexandrinæ urbis Episcopi. Cum enim ad præclarissimi huius Antistitis notitiam pervenissent hinc, & inde in rebaptizantium negotio gesta, facillè intellexit quàm gravi dolore Romani Pontificis animus affectus esse debuerat, justamque timendi causam invenit Stephanum à rebaptizantibus spretum, injurioseve tractatum tandem moveri posse ad poenas, quas illis minatus fuerat infligendas; idcirco pro suâ erga Stephanum singulari dilectione illius mœrorem sublevare per litteras accellerat, ipsiusque clementiam pro rebaptizantibus implorat: quod enim tanto Ecclesiarum pacis amatori Pontifici pergratum maximè futurum non ambigebat, ipsi sollicitè nuntiat *cunctas per orientem & ulterius positas Ecclesias, quæ prius ob Novatiani pravitatem erant discissa nunc tandem ad unitatem reversas esse, & omnes ubicumque Ecclesiarum Antistites unum idemque sentire & ob redditam insperatam pacem incredibili gaudio exultare*; (b) nec sine jucunditate in memoriam ipsi revocat quantâ charitate ac liberalitate remotissimis Syriarum, & Arabiæ Provinciis omnibus tum litteris, tum nummis sæpius succurrerit, quas ob hanc concordiam ubique latitiâ gestire ipsi significat. (c) Denique omnia de pacifici Pontificis bonitate sibi pollicitus, minarum, quas rebaptizantibus intentarat, executionem suis preci-

(a) Ibidem.

(b) Apud Eusebium Hist. Eccl. lib. 7.

cap. 5.

(c) Ibidem.

bis avertere confidit *pro illis Stephanum rogans atque obtestans.*  
(a) Hanc Dionysii spem non fefellit eventus, cum Stephanus  
*vir magnâ charitate praeclitus rebaptisantes in charitatis patien-*  
*tiâ sollicitâ pietate toleraveris.* (b)

Immanis, quae saeviebat in dies adversus Christianos Vale-  
riani imperatoris persecutio Stephani zelum, curaeque Pasto-  
rales non minuit, sed auxit: eò fortior, quò majoribus pre-  
mebatur angustiis, eò vigilantior, quò graviora instabant pe-  
ricula, illuxit tunc, calamitosissimis nimirum temporibus, quanta  
esset Pontificii animi magnitudo, quantus Pastoris in greges  
amor, quanta sollicitudo, quanta in ferendis laboribus constan-  
tia, quanta denique Paternae erga omnes charitatis ardor. Qui-  
bus enim conatibus Tyrannus dispergere, ille colligere dilec-  
tum gregem allaborabat, quæsitos ubique *Christianos in Mar-*  
*tyrum cryptis ac cameteriis congregans, ut omnes de Regno Dei &*  
*vitâ aeternâ doceret* (c): hic verò eos hortari non desinebat, ut

(a) Ibidem.

(b) Augustinus locis supra citatis.

(c) Hæc & sequentia usque ad Step-  
hani vitæ finem literis Romanis seu ut vo-  
cant cursivis delineata ex authenticis Ste-  
phani actis excerptimus, quæ paulò post  
illius Martyrium à Notariis Romanis  
conscripta sunt. Ecclesiæque universæ  
rûm Latine iùm Græcæ per tot retrò se-  
cula probata, ut videre est apud Odo-  
acrum Ilbachium in actis SS. Martyrum  
vindictæ Romæ an. 1713. excusis, & apud  
Bollandi continuatores ad diem 2. Augus-  
ti de illorum auctoritate fusiùs differentes,  
à quibus hæc mutuati sumus in eorum  
commodum qui citatos Autores pæ manu-  
bus non haberent.

10. Stephani acta apud omnes sunt vulga-  
tissima; extant in pluribus Græcis Italicis,  
Gallicis, Germanicis, Belgicis. aliarum-  
que Nationum manuscriptorum codicibus,  
in quorum nonnullis vetustissimis illa  
acta dicuntur *scripta fideliter & graviter a*  
*Notariis ipsorum loci.*

11. Antiquissima sunt & universæ Eccle-  
siæ probata. S. Damasus Papa carmine 31.  
inter eius opera à Sarazano collecta ex  
his actis nonnulla excerptit, quæ scilicet  
de S. Thaisico canit, hæc enim vulgum  
nisi in actis S. Stephani descripta fuisse  
scimus. Ado Viennensis Archiep. Ste-  
phani acta in codicibus passionum undique

Collectis quorum meminit in præfatio-  
ne ad vetus Martyrologium Romanum  
invenit, & in suo Mart. rologio excerptit.  
Martyrologium Romanum vetus nêlayo  
seculo conscriptum ea Stephani acta se-  
quitur in describendo ipsius Martyrio &  
aliorum qui in his actis passi referuntur.  
Hæc Stephani acta in omnibus Mæno-  
logiis & Mæneis Græcorum, in Marty-  
rologio etiam Basilii Imperatoris, in Mar-  
tyrologio Usuardi & Noukerii compen-  
diosè exhibentur. Hæc S. Petrus Damia-  
nus sermone 38. de S. Stephano *Authen-*  
*ticam passionis eius Historiam* appellat. Me-  
taphrastes è latinis ea græcæ fecit ut vi-  
dere est apud Lypmanum & Surium. De-  
mum ut omnia verbo dicam Martyrologia  
omnia, Breviaria omnia antiqua non Ro-  
mana tantum sed et plurimarum per Occi-  
dentem Ecclesiarum, omnia Græcorum  
Mænologia & Mæneis Stephani nostri  
Martyrium non aliunde quam ex his actis  
eduxerunt.

12. Sicuti Veterum nemo de istorum ac-  
torum auctoritate unquam dubitavit ita  
p. 4. premis etiam seculis elapsis germana &  
fidelissima vita sunt iis qui antiquitatis il-  
lustrandæ seculis vacarunt. Consule si pla-  
cet Schelestratum insignem Antiqua-  
rium antiquit. Eccl. tom. 1. differt. 1. cap.  
7. Nunc vero pauci Neoterici à Pearlo-  
nio Hierodoto edoctis placuit istorum



pro Christo Martyrii coronam alacriter susceperent; *fratres*, inquit, *& commilitones mei respicite facultates terrenas, ut regnum celeste percipiatis, nolite timere Principes seculi, sed orate Dominum Deum Caeli, & Jesum Christum filium ejus qui potens est nos omnes eripere à manibus inimicorum & diaboli savitiâ & sua gratia sociare*; tantâ verò Stephanus in docendo & in exhortando gratiâ, ac sapientiâ pollebat, ut *ex paganis ipsis multi concurrerent ut audirent verbum ejus*. Quæ verò fuerit Stephani sermonum efficacia, probat numerosa illa paganorum multitudo, quæ Stephano audito Religioni Christianæ sine morâ nomen dabat, quosque omnes indefessus Pontifex non alienis, sed propriis manibus *sacri baptismatis mysteriis consecrabat*; probant & illæ Christianorum generosæ voces, quibus Stephanus fidei necessitatem, aliasque virtutes commendanti succinebant *nos desideramus & facultates terrenas derelinquere, etiam & sanguinem propter nomen Domini nostri Jesu Christi fundere, si tamen ejus mereamur gratiam adipisci*.

Ut autem fortes ac constantes redderet S. Pontifex illos pietatis sensus, quos crebris exhortationibus in fidelium corda excitabat, ac ingerebat, sæpius *pro illis sacrificium Deo offerebat* curabatque *ut omnes corpore & sanguine Christi participarent*. Tantaque ipsis virtutum omnium exempla præbebat, ut Romanis, oculatis nempè testibus *spiritus sancti gratiâ repletus*, veluti alter Stephanus Protomartir videretur, ac diceretur. Sic verbo, opere & exemplo gentiles ad fidem convertere, fideles in fide corroborare, ac ad Martyrium fortiter obeundum disponere Stephanus R. Pontifex enitebatur. Tot ornatum virtu-

astorum auctoritatem in dubium revocare, inter quos eminet Tillemontius plura congerens in nota 1a. ad S. Stephanum argumenta ad illorum auctoritatem prorsus elidendam, quorum aliqua ad summum evincunt mendosa quædam in his actis irrepsisse, quæ Stephani labores Apostolicos aut Martyrium non spectant, alia verò quæ in Stephani gesta etiam intorquentur nullo Veterum testimonio, sed meris nituntur conjecturis quæ sint levissimæ. E. G. juxta Tillemontium rejicienda sunt acta Stephani, quia in his aliqua à Stephano *putata*

miracula referuntur; quia nonnulli ibidem dicuntur *ante Stephani pedes se se prostravisse*; quasi verò paria in sinceris aliis Veterum actis nunquam recitarentur. Cæterum hæc Tillemontii argumenta solide & abundè refutata sequuntur apud Vhschium & Bollandistas in locis suprà citatis; & certissimè nunquam efficient ut illa Stephani acta venerandam Ecclesiæ universalis approbationem in his quæ à Stephano attingunt per tot retrò secula non habuerint.

tibus Pontificem, & miraculis clarescere Deus voluit; quam enim suis exhortationibus Christo per baptismum generat Lucillam Nemeseii Tribuni *filiam vi suarum orationum à nativitate cacam etiam illuminat*. Non mirum igitur si sub tanto Pontifice tot viderit Roma, tot celebret Ecclesia generosos Christi atletas, qui ad agonem usque pro Christo certaverint, qui spretis minis sicut promissis, blanditiis, honoribus, divitiis æque ac tormentis superatis, Martyrii palmam tunc fuerint consecuti, quorum *corpora* sicut ubique *requiri curabat*, ita *sepelire ipse* Pontifex humilis ac Religiosus *non dedignabatur*.

Tot pro servandâ ac propagandâ Religione christianâ exantlatis laboribus, tot sustentis angustiis, pluribusque institutis Episcopis, Presbiteris ac Diaconibus; (a) ac superato jam exilio teste Anastasio (b) Stephano jam nihil supererat, quàm tandem illam pro ovibus animam ponere, quam perdere pro illis nunquam timuerat, cruentoque sacrificio se se victimam Deo placentem offerre, qui incruentis toties se se immolaverat: hoc unum Stephano restabat ardentissimæ erga Deum, & homines suæ charitatis præbendum specimen: hoc unum pulcherrimum Deo, & hominibus dandum à Pontifice maximo spectaculum; Stephano datur occasio, occasione Stephanus non defuit; pro Christo, pro grege moritur qui pro Christo, pro grege semper vixerat; quemque tor Sudoribus sibi creditum agrum irrigaverat, suo etiam sanguine secundari non recusat, gloriosoque Martyrio sanctissimæ ac laboriosissimæ vitæ finem imponit.

Cum enim Valerianus imperator accepisset Stephanum *suis persuasionibus atque adhortationibus* populo ab idolatriâ revocando incumbere, missis militibus illum comprehendit; comprehensum Pastorem *Christianorum plurimi sequebantur à longè cum lacrymis*; ad tyranni tribunal adductus palàm confitetur *Christum Jesum filium Dei Deum esse cum Patre & spiritu sancto*; Valeriano libere declarat *dæmonia* esseque à Paganis adorabantur *idola*, seque Romanos *monere atque hortari, ut illis decre-*

(a) Carolus R. Pontif. 6. seculi & Anastasius Biblioth. ad vitam S. Stephani.

(b) Ibidem.

*lilis ad Deum vivum & verum Creatorem cali & terræ redirent.* Auditur Stephanum juber Imperator in fanum maris deduci, ubi, si illi sacrificare nollit, capitis sententiâ puniretur; sanctus Pontifex ibi *levatis ad cælum oculis* orationem ad Deum coram omnibus effundit; ac repente de cælo tactum est delubrum & idolum, & magnâ ex parte corruit, quod cernentes milites pavefacti fugerunt, Stephanus verò suis comitatus ad sanctæ Lucinæ cimiterium se recipit, ibique fidelibus *ut bonus Pastor multis consolationibus, atque exhortationibus* ad Martyrium accensis obtulit *sacrificium Deo omnipotenti.* Hæc audiens Valerianus milites rursus ad eum capiendum mittit, qui Stephanum inveniunt sacrificium Deo offerentem, qui *intrepidus & constans ante altaris solemnia & jugiter capta perficiens* eodem loco, *sic in suâ decollatus est sede* (a) *sub die quarto nonarum augustarum.* Factus est autem maximus Christianorum plañctus, qui talem Pastorem cum gloriâ Martyrii premiserunt *ad cælestia regna.* Sepelierunt autem ejus corpus cum ipsâ sede *sanguine ejus compersâ* in eâdem cryptâ, quæ est in cæmeterio Callixti viâ appiâ.

Hæc S. Stephani Romani illo nomine primi Pontificis vitæ coronides. Hæc præcipua gesta inclyti illius fidei apostolicæ defensoris, quem universâ Ecclesia tanquam Martyrem gloriosum jugiter coluit & colit, Latina quidem die 1. Augusti, Græca verò eodem die, vel sequente, vel etiam 30. Augusti & 7. Septembris, ut videre est in diversis Græcorum fastis apud Bollandi continuatores ad diem secundam Augusti, huic porro

(a) Stephani Martyrium Capitis amputatione fuisse consummatum præter Stephanum acta tradunt Anastasius Bibliot. in vitâ Stephani, Martyrologium Romanum, Martyrologia Adonis, Uluardi & Norberti, Græcorum Menologia, Græcorum Mænea, Menologium Basilii Imperatoris; Metaphrastes apud Lypemanum, S. Petrus Damianus sermone 18. de Stephano, Platina in vitâ Stephani, Martyrologium Gallicanum, uno verbo cui ex Veteribus omnes Stephani morti describende vacarunt, quorum nemo aliud magis ge-

nus ipsi affingit. Hæc antiquissima, hæc una de Stephani morte hactenus Ecclesiæ omnium tradita, cui potius luberibendum esse puto, quam Tillemontio sine teste, sine probatone temerè coniciendo effugienti in novis ad S. Stephanum, ipsum obisse in carcere, vel exilio vel gloriâ modo minus glorioso, non autem per iudicis sententiam aut manu Persecutorum, quod verum tunc temporis perfidissimæ Martyrium reputabatur. Ita Tillemontius pro suo ad conciliandam Stephano venerationem studio,

Ecclesiæ judicio de Stephani Martyrio tota suffragatur anti-  
quitas.

Stephanum enim *Martyrio* fuisse *coronatum*, *Martyrem* fuisse veterum nullus negavit unquam, aur dubitavit; testantur verò germana Stephani acta, ut vidimus, Martyrologium S. Hieronymi apud Florentinum, misale Ambrosianum, liber Pontificalis sub nomine Damasi Papæ apud Labbeum, S. Gregorii liber Sacramentorum, Martyrologium Romanum vetus octavo circiter sæculo conscriptum, S. Paulus R. Pontifex in suo diplomate pro translatione reliquiarum S. Stephani; Anastasius Bibliothecarius, ubi de Stephano; venerabilis Bedæ Martyrologium, Mænologia & Mæna Græcorum, Mænologium etiam Basilii Imperatoris; Martyrologia Adonis, Usuardi, Notkerii apud Canisium, Rabanus Archiep. Moguntinus in suo Martyrologio. Waldebertus, Ordericus vitalis in lib. Eccl. Histor. Metaphrastes apud Lypomanum, S. Petrus Damianus sermone 38. de S. Stephano, hodiernum Martyrologium Romanum, Martyrologium Gallicanum, &c. Id pariter confirmant sacra & pervetusta plurium in Italiâ, Siciliâ, Hispaniâ, Germaniâ, Lotaringiâ, Belgio Ecclesiarum monumenta, in quibus fit mentio reliquiarum S. Stephani *Papæ & Martyris quæ ibidem cum magnâ veneratione asservantur*. Una tandem omnium de Stephani Martyrio hætenus erat sententia, quando Neotericos quosdam ætate nostra non puduit Stephani Martyrium vetustissimis tot per Ecclesiam universam testimoniis assertum in dubium revocare, eò quod S. Augustinus & Vincentius Lirinensis nil de Stephani Martyrio scripserint, & in uno antiquo privati cujusdam Calendario Stephanus Martyris titulo non decoretur, & tandem quia S. Pontius in vitâ S. Cypriani Xistum Stephani successorem vocaverit *bonum & pacificum sacerdotem ac Beatissimum Martirem*, ex quo inferunt arguti Pontium his verbis voluisse Stephanum perstringere, ac negare eum fuisse beatum Martyrem, quæ Neotericorum pro abjudicando Stephani Martyrio argumenta, seu potius misera perturbati animi ludibria exponere jam est refutare: qui

plura ac magis testata & illustrata de Stephani Martyrio desiderat, consulat inter alios Odoacrum Ilbadium in actis SS. Martyrum vindicatis Romæ an. 1723. excusis lib. 5. cap. 6. & 7. ac præcipuè eruditos Bollandi continuatores ad diem 2. Augusti, quorum laboriosis inquisitionibus non parum adjutos nos hic fuisse, memores & grati, candidè ac libenter agnoscimus & declaramus.



#### APPENDIX AD VITAM S. STEPHANI ROMANI

*Pontificis & Martyris, in quâ ipsius contra S. Ciprianum aliosque rebaptisantes agendi ratio veterum testimoniis à quorundam Neotericorum calumniis vindicatur.*

**S.** Stephanus, ut vidimus, in causâ baptismatis hæreticorum Cypriano, Firmiliano, aliisque rebaptisantibus præcepit, ne antiquam hæreticos sine iterato baptismo recipiendi mutarent Ecclesiæ traditionem, illisque denunciavit se se ab illorum communione discessurum, si in suâ sententiâ persistèrent.

Qui cæco in Romanos Pontifices odio abrepti illorum actis vituperandis ac diffamandis potissimum incumbere videntur, Neoterici nimirum, quos impugnâmus, hanc Stephani contra rebaptisantes agendi rationem vellicare, & quo possunt dente carpere non cessant: duram, intempestivam, præcipientem, & iniquam esse vociferantur. Stephanum præcipientem ac excommunicationis minas intendendo & suæ potestatis limites prætergressum fuisse, & immoderatæ ac iniquæ severitatis specimina dedisse contendunt, Stephanum zelum damnant tanquam ad omnia devastanda unice conducibilem; verbo dicam, sanctissimum Pontificem impotentioris dominatûs tumidique fastus, imò Tyrannidis & Ecclesiarum oppressiõis insimulare non erubescunt.

Verùm quàm sanè diversum SS. Patrum ac veterum omnium de Stephano iudicium, quàm validum ad vindicandam ab iis calumniis æquam & sapientem Stephani contra rebaptisantes agendi rationem.

1<sup>o</sup>. Enim perlegantur veterum omnium cùm Græcorum, tùm Latinorum, qui res paccatâ ac serenâ mente considerabant monumenta. Perlegatur strenuus ille Ecclesiæ traditionum vindex Episcopus Cypriano coævus, cujus modestia & humilitas nomen nobis invidit, in suo qui incipit: *non debere denuo baptisari, &c.* tractatu, (a) Consule Dionysium Alexandrinum, Eusebium Cæsariensem, Hieronimum, Augustinum, Vincen- tium Lyrinensem, Facundum Hermianensem, V. Bedam, Nicephorum Calixtum, Georgium Syncellum; volvantur & ipsorum Donatistarum scripta, & si qui sunt alii, qui de agi- tatâ Stephanum inter & Cyprianum circa hæreticorum baptis- mæ questione verba fecerint; hi profectò quid hinc & inde in hoc dissidio gestum fuerit non ignorabant, sicuti notum omnibus erat Stephanum in hac causâ præcepisse ac minas excommuni- cationis rebaptisantibus intentasse, ita ex illis quamplures id passim testantur; attamen nemo Stephanum non dico inhumani- tatis aut tyrannidis, sed vel minimæ severitatis erga Cypria- num, & alios insinuat, nemo aliquid in Stephani agendi rati- oneprehendere valuit, quod ullâ censurâ vel animadversione dignum sibi videretur. Et certè si tale aliquid observassent me- morati scriptores, illud profectò minimè suppressissent, nec

(a) Tractatus qui incipit his verbis: *Non debere denuo baptisari qui tenet in nomi- ne Jesu - Christi sint tui* ex concessio- ne Jacobi Sirmondii primum à Nicolao Rigaltio editus post Cypriani ad Pom- perium Epistolam, deinde à Philippo Lab- beo tom. 1. Concilior; postea ab Anglis Cypriani operum editoribus inter opuscula Cypriano vulgo adscripta, Anonymum li- cet habeat autorem, magnam tamen apud eruditos obtinet auctoritatem. Si enim au- toris locum attendas, in controversiâ baptisantis hæreticæ Ecclesiæ causam contra Cyprianum cuiusque affectus virili- ter propugnabat, si eius personam & auctori- tatem, erat Episcopus Cypriano Coæv-

us ut meritis observant ex ipsis Gallis Tillemont. Hist. Eccl. tom. 4. pag. 152. & 629. Fleurius Hist. Eccl. tom. 2. lib. 7. cap. 31. pag. 278. Dupin. Bibl. Eccl. tom. 1. pag. 531. Natalis Alexand. Hist. Eccl. tom. 3. pag. 691. & tom. 5. pag. 488. & 495. Turnellus de Sacramentis pag. 375. Baillet in vitis Sanctorum ad diem, 2. Augusti pag. 20. Defensor declar. Cleri Gallic. 1683. tom. 2. pag. 266. P. Gervasi- us in vitâ S. Cypriani pag. 412. & seq. D. Marand in Baluziana Cypriani operum editione præfat. pag. 126. D. Cellier Benedic- ti. Hæbor. Sacrorum autor. tom. 3. pag. 134. & alii quamplures.

Stephano

Stephano magis quàm Cypriano, cujus tanta agnoscebant & prædicabant merita, pepercissent, in quo tamen fuisse aliquid culpandum aliquid corrigendum manifestare veriti non sunt. Quanta apud veteres Cypriani existimatio? Quot Cypriani Panægiritæ? Quot Cypriani defensores? innumeros ferè concessit Launojus; (a) illorum tamen nec unus Cypriano intempestivam & minùs rectam pronuntianti Stephani agendi rationem suffragatur, nullus Cypriano hâc in parte adstipulatur, nullus Cypriani sequitur judicium, nullus Cyprianum eam ob causam excusat, quòd Stephanus in ipsum severius se se gesserit. Quantum Augustini in elevandis ac minuendis Cypriani erratis studium? Quantus ardor? Quanta propensio? Nulli tamen adoptat, quæ Cyprianus pro sui defensione contra Stephanum effuderat, nulli intempestivum subindicat Stephani zelum, ut nimix Cypriani in ipsum commotionis culpam imminuat. Uno verbo veterum nemo intempestivam aut severam, aut minus sapientem dixit Stephani adversùs rebaptisantes agendi rationem, nullus in Stephano aliquid reprehendendum invenit. Quis autem Stephani agendi rationem velicassent aut improbassent illi qui ipsam, quando opus fuit, celebrare ac commendare non omiserunt, ut modò videbimus?

II. *Graviter* revera Cypriano succensebat Stephanus, (b) quando ipsi præcepit ac denuntiavit se ab illius communione discessurum si in sua sententiâ persisteret; at de hâc *gravi* Stephani *succensione* quid putarunt tot per orbem universùm Episcopi, qui pro sanâ Ecclesiæ doctrinâ cum ipso contra rebaptisantes militabant? Illamne credebant incongruam aut intempestivam? Numquid in eo tantùm Stephano suffragabantur, quod antiquam Ecclesiæ traditionem teneret, non verò in eo quod gravius Cypriano aliisque rebaptisantibus succenseret? Id quidem excogitarunt recentiores nonnulli; at nemine antiquorum refragante testatur Augustinus totam illam Episcoporum multitudinem cum Stephano non tantùm Baptismum Christi in

(a) Epist. ad Bevilacqua 15.

(b) Augustin. lib. un. contra Petilian. cap. 14.

nullo iterandum esse censente, sed & hoc facientibus graviter succensente sensisse: libro enim de uno baptismo contra Petilianum cap. 14. *Stephanus inquit baptismum Christi in nullo iterandum esse censebat & hoc facientibus GRAVITER. SUCCENSEBAT; Cyprianus autem in heresi vel Schismate baptizatos tanquam non habentes baptismum Christi baptizandos in Ecclesiâ Catholicâ existimabat: multi cum illo, quidam cum isto etiam sentiebant.* Quot autem cum Stephano fuerint qui multi hic ab Augustino dicuntur, significat ipse scribens contra Cresconium lib. 3. cap. 3. *proinde inquit si omnino jam credendum sit quinquaginta Episcopis Orientalium id visum esse, quod septuaginta Afris vel aliquando etiam pluribus contra tot millia Episcoporum quibus hic error in toto orbe displicuit.*

Anre Augustinum tradiderat S. Dionisius Alexandrinus Stephani judicium, quo volebat rebaptizantes, qui in suâ sententiâ peristerent excommunicandos esse, fuisse simul judicium & sententiam reliquorum Episcoporum, teste Eusebio lib. 7. histor. cap. v. apud Valesium: *ad hunc ( Xistum R. Pontificem ) Dionisius secundam de baptismo scripsit Epistolam, in quâ Stephani simul & reliquorum Episcoporum sententiam ac judicium exponit; quale autem fuerit Stephani, quod simul reliquorum erat Episcoporum judicium, quæ immediatè sequuntur hæc manifestant verba: de Stephano ita scribens; antè quidem litteras scripserat de Heleno & Firmiliano, de omnibus denique sacerdotibus per Ciliciam, Cappadociam, cunctasque finitimas provincias constitutis se se ob eam causam: ab illorum communione discessurum quòd hæreticos rebaptizarent.*

Idem testatur & Nicephorus Callixtus his verbis: *ad Xistum secundam de baptismo Epistolam Dionisius dedit Stephani & reliquorum judicium in eâ ostendens, scripserat namque priùs de Heleno & Firmiliano se cum illis non communicaturum eam ipsam ob causam quòd hæreticos rebaptizarent. ( a )*

Vincentius etiam Lirinenfis Stephanum Cypriano restitisse

( a ) Histor. Eccles. lib. 6. cap. 7. edit. Paris. 1610.



tradit, nec ignorabat quo pacto Stephanus restitisset, præcipiendo videlicet, ac minas excommunicationis intentando, quandoquidem Stephani ad Africanos Epistolam refert; (a) attamen huic Stephani intercessioni ceteros undique complausisse Præfules affirmat his verbis: *Stephanus Apostolica sedis Antistes cum ceteris quidem collegis suis, sed tamen præ ceteris restitit.* (b)

III. Censuit S. Stephanus rebaptisandos non esse hæreticos, insuper arbitratus est Cyprianum aliosque rebaptisantes non esse ferendos, idèdque se se ab illorum communione discessurum, si perfilterent, scripsit. Quid Ecclesia? Stephani sententiam in utroque probavit & tenuit: *beatus Stephanus*, inquit Facundus Hermianensis Episcopus lib. contra Mocianum, *continuo Cypriano denuntiavit quòd si hoc auderent* (hæreticos rebaptisare) *ab Ecclesiâ pellerentur; & Stephani potius quàm Cypriani sententiam tenet Ecclesiâ, non solum de non rebaptisandis hæreticis, VERUM ETIAM DE REBAPTISANTIBUS NON FERENDIS.* Damnetur igitur Stephanus à Neotericis, Tyrannus & immanis Ecclesiarum oppressor ab ipsis vocetur, quia rebaptisantes non esse ferendos censuit; graviori absolvetur iudicio, ab ipsâ Ecclesiâ vindicabitur, quæ illius sententiam *etiam de rebaptisantibus non ferendis* tenuit & probavit.

IV. Srephani ad Cyprianum rescriptum, in quo præcipiebatur antiquam servari consuetudinem, superbum profectò, vel injuriarum plenum, aut Cypriano contumeliosum nec censuit omnium Ecclesiarum Mater & Magistra Romana Ecclesia, quæ illius rescripti memoriam tanquam S. Stephano gloriosissimam quot annis die 2. Augusti proponit in Breviario Romano his verbis: *baptizatos ab hæreticis iterum baptizari vetuit* (S. Stephanus) *rescribens S. Cypriano verbis illis: nihil innovetur nisi quod traditum est.*

V. De Stephani rescripto quid censuerit Episcopus Anonymus, qui Cypriani novitatem tunc temporis impugnavit, ipse nobis aperit his verbis, *in quo genere questionis* (de baptis-

(a) Commonit. cap. 9.

(b) Ibid.

mo hæreticorum) *ut mihi videtur, nulla omnino potuisset controversia aut disceptatio emergere, si unusquisque nostrum contentus venerabili Ecclesiarum omnium autoritate & necessariâ humilitate nihil innovare gestivet.* (a) Cedo, an non satis apertè hic laudat S. Stephani præceptum illud: *NIHIL INNOVETUR?* Idquè non ut suo tantum judicio justum, sed & venerabili Ecclesiarum omnium autoritate ità comprobatum, ut unusquisque necessariâ pollens humilitate illi acquiescere contentus ac modestus debuisset? Sanè (eruditi viri verbis utor) nihil in mandante carpit, qui solam in subditis humilitatem desiderat & quidem necessariam; imò tantum illius æquitatem extollit, quantum horum contumaciam carpit, dum istos *inanis gloria audacia, temeritatis, &c.* accusat, ut in ipso tractatûs auditu videri potest. Si ergo Episcopo, quæ fuisset oculis observabantur referenti fides adhibenda, vides Cypriano aliisque rebaptisationis novitatem introducentibus adversam tunc fuisse venerabilem Ecclesiarum omnium autoritatem. Quia nimirum Stephani præcipientis autoritatem omnes illæ Ecclesiæ assentiendo & approbando suam fecerant. Ex quo patet Stephani præceptum justum, æquumque illis omnibus Ecclesiis visum fuisse. Quare etiam Cypriano tanta juxta autorem nostrum nil in causâ baptismatis Hæreticorum innovandi *humilitas* erat *necessaria*, nisi quia Stephanus præceperat, ne aliquid in eâ questione innovaretur? Ex quo iterum apparet quanta fuerit apud citatum autorem lati à Stephano præcepti vis ac æquitas.

VI. Nec Stephanum quòd rebaptisantibus excommunicationem comminatus fuerit improbabant Nobiles duo Ecclesiæ Romanæ Presbiteri Dionysius, & Philemon, qui teste Dionysio Alexandrino hoc idem cum Stephano sentiebant: *autem quidem* inquit Dionysius Alexand. apud Euseb. lib. 7. hist. cap. 5. *litteras scripserat* (Stephanus) *de Heleno & de Firmiliano aliisque Orientalibus se se ab illorum communione disces-*

(a) In tractatu qui incipit his verbis: *Non debere denuò, &c.* jam supra citato.

*surum, quod Hæreticos rebaptisarent. At vide, quæso, gravitatem negotii; revera enim in maximis, ut audio Episcoporum conciliis, decretum est, ut qui ab Hæreticis ad catholicam Ecclesiam accedunt primum Cathecumeni ficerent ac deinde veteris & impuri fermenti sordibus per baptismum purgarentur. De his omnibus ego ad illum Epistolam misist rogans atque obtestans, sed & carissimis inquit fratribus compresbiteris nostris Dionysio & Philemoni qui prius IDEM CUM STEPHANO SENSERANT, dequæ iisdem rebus ad me scripserant, scripsi. Dionysium & Philemonem Stephano rebaptisantibus excommunicationem minitanti suffragatores fuisse testimonio Dionysii Alexand. refert etiam Nicephorus Calixtus: (a) quanti autem ponderis sit Philemonis & præsertim Dionysii Romani pro Stephano suffragium satis ostendunt, quæ SS. Patres ac præcipuè S. Basilii (b) & Atanasii (c) pro celebrandâ Dionysii Romani fidei integritate, Doctrinâ, eruditione, sapientiâ aliisque virtutibus cumularunt elogia, satis ostendunt quæ Eusebius post Dionysium Alexandrinum de illo nobis tradidit lib. 7. hist. cap. 7. his verbis: hunc ipsum Dionysium Romanum eruditissimum (adhuc Presbiterum) planèque admirandum virum fuisse testimoniis Dionysii Alexandrini licet cognoscere; ac tandem ex eo dignosci etiam potest, quod Petri Cathedram post Xistum II. occupare meruerit.*

VII. Dionysius Alexandrinus ad Stephanum per litteras sequester accessit quidem *rogans atque obtestans* ut à ferendâ excommunicationis sententiâ abstineret, idèdque ne quod ipsis interminatus fuerat, *se se nimirum ab illorum communione discessurum*, executioni demandaret. Fusas à Dionysio preces Stephani voluntati consonas fuisse constat ex Augustino, qui sæpius testatur Stephanum cum Cypriano pacem & charitatem conservasse & consequenter intra solas excommunicationis minas sterisse nec ulterius progressum fuisse. (d) At intempestivas

(a) Hist. lib. 6. cap. 7. apud Fronton.  
duc. p. 2. 108.

(b) Epist. 230.

(c) de Synod. pag. 918.

(d) Lib. 5. de bapt. cont. donat. cap. 25.  
& alius in locis supra citatis.

fuisse has Stephani minas nullatenus asserit Dionysius, & profecto si tales illas existimasset eâdem libertate, quâ ipsi significabat executioni non esse demandandas, ipsi pariter aperuisset immaturas ac minùs æquas fuisse, idque eò magis, quòd si adversariis nostris credimus, rebaptisantibus ipse suffragabatur; imò iustas æquè ac providas illas Stephani minas sibi visas esse satis indicat, cùm solis precibus illarum executionem avertavere tentaverit.

VIII. Eusebius Cæsariensis qui ex Dionysio perceperat & in suâ Historiâ inseruerat Stephanum rebaptisantibus significasse *se se ab illorum communione discessurum*, rectè scribit *gravissimè ipsum tulisse*, aliquid à Cypriano, aliisque circà Hæreticorum baptismum innovari. At nedum Stephanum aliquatenus reprehendat quòd id *gravissimè tulerit*, eam asserit hujuscè Stephani agendi rationis causam, quæ illius æquitatem apprimè demonstret. Stephanus enim juxta Eusebium id gravissimè tulit; quia ratus fuerat nil adversus antiquam Ecclesiæ traditionem esse innovandum: *Cyprianus* inquit lib. 7. hist. cap. 3. *non nisi per baptismum ab errore prius emundatos admittendos esse censuit. Verum Stephanus nihil adversus traditionem qua jam inde ab ultimis temporibus obtinuerat innovandum ratus, gravissimè id tulit.* Quid porro æquius ac sapientius novitatem antiquæ Ecclesiæ traditioni contrariam gravissimè fere.

IX. Quid etiam de Stephano senserit S. Hieronymus percipitur ex suo adversus Luciferianos Dialogo, in quo non semel de exortâ S. Stephanum inter & S. Cyprianum in causâ baptismi Hæreticorum concertatione meminit. Ibi ergo *Stephanum à Cypriano laceratum* fuisse scribit, at Cyprianum à Stephano minùs benè habitum sicuti non censuit, ità nec tradidit; imò Stephani constantiæ ac zelo adscribit, quòd irriti fuerint Cypriani pro mutandâ antiquâ Ecclesiæ traditione conatus, *Conatus est* inquit *beatus Cyprianus contritos lacus fugere ac bibere. de aquâ alienâ & idcirco Hæreticorum baptismum reprobans ad Stephanum tunc Romanæ urbis Episcopum super hâc re Africanam Synodum direxit, sed conatus ejus frustra fuit.*

Atque adeò frustra rebaptisantes Stephanum rogarunt, ut juxta S. Doctorem suum errorem deposuerint & antiquato veteri novum emiserint decretum, pergit enim: *denique illi Episcopi (Africani) qui rebaptisandos Hæreticos cum eo (Cypriano) statuerant ad antiquam consuetudinem revoluti novum emisere decretum.* En quid lucrati sunt Africani ad Stephanum confuientes. An quæso Stephani in Africanos agendi rationem vituperare potuisset Hieronymus, ex quâ tantum Africani ac universâ Ecclesia lucrum percepissent? Tandem concludit S. Doctor post verba modò citata *quid facimus? Ita & nobis majores nostri, & illis sui tradidere majores.* Ex quibus Hieronimi verbis, intelligis imitandum ab ipso luciferianis proponi Stephani zelum ac studium in conservandis ac posteritati transmittendis, quæ ipse à suis majoribus acceperat, ex quâ rursus colligitur quàm fuerit alienus S. Doctor ab illorum sententiâ, qui Stephani zelum traducunt, ut præcipitem, ac ad omnia devastanda unicè idoneum.

X. Pro Cypriano defendendo ac excusando proniorem ac illustriorem Augustino neminem ostentat antiquitas, quot in eo fuerint Augustini conatus, qui zelus, qui ardor, quæ facundia atque constantia, solus ignorat qui in ipsius scriptis hospes omninò sit; apprimè noverat S. Doctor, qui ipse tradebat Stephanum Cypriano in causâ baptismati Hæreticorum præcepisse (a) ac ipsum abstinendum putasse. (b) Legerat & Cypriani ad Pompeium Epistolam, in quâ Stephani præceptum & excommunicationis minas acriter perstringebat, ac illud quidem seu intempestivum & inconsideratum, istas vero seu minus æquas acrius exagitabat. Quare ergo Cypriano Stephani agendi rationem reprehendenti non assentitur. Quare Cypriani Stephano præcipienti inobsequentiam non excusat, quòd intempestiva ac minus æqua in ipsum fuerit Stephani agendi ratio? Totus minuendis ac elevandis Cypriani erratis vacabat Augustinus. Nihil novi dixisset hanc excusationem

(a) Lib. 5. de bapt. cap. 23.

(b) Ibid. cap. 25.

afferendo. Jam præverat ipse Cyprianus, qui eamdem attulerat. Quare ergo Cypriani judicium, quod tanti faciebat, hæc in parte non sequitur? Si vera loqui & audire placet. Talem non censuit Augustinus, qualem existimabat Cyprianus Stephani agendi rationem, alioquin qui pro susceptâ Cypriani defensione tot alia allegavit & excogitavit, illud profectò non omisisset, quod Cyprianus ipse pro suo resistendi jure non semel adduxerat.

Tantum abest ut Cypriani in Stephani agendi rationem quasi minus æquam ac moderatam quærelis assentiri se posse crediderit Augustinus, ut eas non posse nisi improbari significaverit, Strenuissimus licet Cypriani defensor. Expendens enim Cypriani ad Pompeium Epistolam, in quâ & quidem solâ Romani Pontificis agendi rationem vellicabat Cartaginensis Antistes, discretè pronuntiat ea omnia, quæ Cyprianus eò loci contra Stephanum scripserat non hominis pacati ac sereni, sed *irritati* fuisse verba, quæ minus sui compos non sobriè ac graviter protulerit, sed *effuderit*; imò ita moderationi, æquitati ac charitati parum consona, ut talia fuerint, *quæ non levis sed perniciose dissensionis periculum habuerunt*; ideòque nullatenus ea excusare, nedum probare valens ea *præterire melius esse* vir Christianâ charitate maximè præditus pronuntiat: en Augustini verba: *jam illa quæ in Stephanum irritatus effudit (Cyprianus) retractare nolo, quia & non opus est: eadem quippè ipsa dicuntur quæ jam satis discussa sunt, & ea præterire melius est, quæ perniciose dissensionis periculum habuerunt.* (a) Hisce ne verbis Augustinus ostendit se Cypriano virilem Stephani agendi rationem carpenti suffragari? Ita ne significat S. Doctor illam sibi, sicuti Cypriano, intempestivam & minus æquam visam fuisse? quæ autem Augustini verba exponimus, ea esse minimè putes, quæ ex aliis ejusdem S. Doctoris temperari possint. Id enim tantum loci, nec alibi, expendit expressè, quæ Cyprianus in Stephanum effudit, ut ex eo Augustini mentem certò assequi possis & debeas. Quâ verò fronte, ut

(a) De bapt. cont. donat. lib. 5. cap. 25.

obiter dicam, nuperi aliqui protulerint Augustinum præcipuam Cypriani sanctitatem in modo, quo adversus Stephanum se se gessit constituuisse, viderint ipsi, nobisque patefaciant; quasi verò tot alia Cypriani præclarissima gesta ad eximiam, quam apud Deum & homines obtinuit sanctitatem firmandam ac constituendam minimè sufficerent. In expendendis sanctorum virtutibus expendantur sanctorum testimonia, ad sanctos potissimum spectat sanctorum vera discernere merita, eorumque præconia celebrare; sanctissimi igitur Cypriani merita ex sanctissimo pariter Augustino liceat dignoscere, nil æquius: at, quæ in Cypriano non probavit, sed potius velo charitatis & silentii obvolvenda censuit Augustinus, veridici dicamus ab ipso non adeò fuisse laudata, ut in illis præcipua Cypriani sanctitatis fundamina locaverit.

Ex Augustino rursus percipere lubet, quæ fuerit editi à Stephano præcepti æquitas, & an meritò ipsi restiterit Cyprianus. Et si Augustinus, ut modò videbamus, retractare se nolle ac præterire melius esse profiteatur, quæ Cyprianus in Epistolâ ad Pompeium *irritatus* in Stephanum *effuderat*, quædam tamen ex illâ decerpere ac referre voluit, quæ maximè aptæ erant ad probandam conditi à Stephano præcepti æquitatem, & culpandam Cypriani inobtemperantiam, in quo mirari satis non possumus Augustiniani vim ingenii ac mentis perspicaciam, cui vel ipsa Cypriani documenta suffecerint ad demonstrandam ipsius resistentiæ labem. Cum enim Cyprianus Stephani præceptum ægrè ferens in citatâ ad Pompeium Epistolâ dixisset *Episcopum docibilem esse debere, & non tantum docere, sed & discere illum oportere*, hæc Cypriani verba refert atque probat Augustinus; (a) alio fanè quàm Cyprianus spiritu & scopo, Cyprianus enim Episcopum docibilem esse debere dicebat, ut ostenderet Stephanum præcipere tantum ac docere non debuisse, sed etiam discere ac aliorum rationibus docibilem se se præbere; Au-

(a) Lib. 1. de bapt. cap. 24.

gustinus è contra illà Cypriani sententià utitur, ut ostendat non Stephanum Cypriani argumentis, sed Cyprianum Stephani præcepto docibilem esse debuisse; *quia* inquit recitato illo Cypriani effato, *sicut multa erant quæ doctus Cyprianus doceret, sic erat & aliquid quod Cyprianus docibilis disceret.* Quo ergo in negotio Cyprianus Stephanum, Augustinus Cyprianum docibilem voluit. Quid hoc significat nisi Cyprianum juxta Augustinum Stephano docenti & præcipienti docibilem esse debuisse, ex quo patet Stephani præceptum æquissimum Augustino visum fuisse.

Cum autem Augustino potissimum insistant adversarii nostri, vitio nobis non dabitur si in ipsius mente exponendâ paululum immoramur. Quot fuerint in excusando Cypriano S. Doctoris ambages quot angustiae, ostendunt diversae illae ac perplexae, quas pro ejus defensione adduxit rationes. Modò enim contendit dubitari posse an Cyprianus rebaptisandos Hæreticos esse senserit, ac sæpius conatur etiam aliorum testimonio ipsius errorem dubium reddere (a). Modò contendit ipsum, si irà sensit, hunc errorem correxisse (b). Modò tradit Cyprianum si revera nōluit baptismum apud Hæreticos, ut Stephanus docebat agnoscere, id suae charitatis ubertate ac suae passionis falce purgasse: (c) hæc omnia quid aliud manifestant quàm Pontificii præcepti æquitatem? Si enim Stephanus præcipiendo æquitatis ac potestatis suae limites excessit, nec illi cedere debuisset Cyprianus, ut quid pro istius defensione indagandum Augustino fuisset, utrum correxisset suam sententiam nec ne? Cum illam revocare ac corrigere non teneretur? Præterea Cyprianus in eo juxta Augustinum peccavit, quòd *noluit agnoscere baptismum apud Hæreticos*: peccatum enim fuisse quod charitatis ubertate ac falce passionis purgandum erat, nemo dubitat, at profectò in eo non

(a) Lib. 2. de bapt. cap. 37. 38. 39. & 18. lib. 4. de bapt. cap. 17. lib. 1. contra Cresconium cap. 32. Epist. ad Macrobium 108. Epist. ad Vincetium Rogat. cap. 10.

(b) Lib. 2. de bapt. cap. 4. & 5. lib. 2.

contra Crescon. cap. ult. Epist. ad Vincet. Rogat. cap. 10.

(c) Lib. 1. de bapt. cap. 18. lib. de unico bapt. contra Petilian. cap. 13. Epist. ad Vincet. Rogat. cap. 10.



peccasset Cyprianus, si Stephano præcipienti agnoscendum esse baptismum apud Hæreticos obtemperare non tenebatur; quam in rem quasdam recentiorum hallucinationes aperire non piget, nec inutile videtur. Alii contendunt nihil Cypriano in hac cum Stephano concertatione excidisse, quod aliquâ reprehensione dignum Augustino visum fuerit, imò affirmant Cyprianum in modo quo se se gessit adversus Stephanum maxime ab Augustino commendari, quorum sententiam vel referre jam est refutare. Consultiores alii duo in Cypriani agendi ratione distinguunt, quòd nempe Stephano restiterit, & quòd nonnulla in Stephanum effuderit, quæ moderationem ac mansuetudinem Christianam minus saperent. Id ultimum ab Augustino reprehendi asserunt, non verò primum. Pace istorum dixerim Augustini scripta vel satis non voluerunt, vel ipsa satis non attendere; inscite vel incaute profectò hallucinantur.

Enim vero S. Augustinus in Cypriano non solum ea reprehendit, quæ minus temperanter in Stephanum effudit, sed etiam quòd ipse aliter ac Stephanus in hac quaestione senserit, quòd noluerit, ut Stephanus præceperat, baptismum apud Hæreticos agnoscere, id etiam præter ea, quæ in Stephanum *irritatus effudit*, charitate & Martyrio à Cypriano purgatum affirmat Hipponensis Episcopus. Attentæ jam Augustino præbeantur aures *Cyprianus* inquit in Ep. ad Vincentium Rogat. c. 10. *aut non sensit omninò quod eum sensisse recitatis* (apud Hæreticos non esse Baptismum) *aut hoc postea correxit in regulâ veritatis, aut hunc quasi novum sui candidissimi pectoris cooperuit ubere charitatis.* Hic juxta Augustinum non quæ in Stephanum *irritatus effudit*, sed quòd aliter ac Stephanus circa Hæreticorum baptismum sensit Cyprianus, illud est quod *ubere charitatis cooperuit.* Et lib. 1. de bapt. cap. 18. *quod ergo, inquit, ille vir sanctus* (Cyprianus) *de baptismo aliter sentiens quàm se res habebat, quæ postea pertractata & diligentissimâ consideratione firmata est, in Catholicâ unitate permansit, & charitatis ubertate compensatum est & passionis false purgatum:* hoc juxta Auguf-

tinum charitatis ubertate compensavit. Hoc passionis *"falce* purgavit Cyprianus nimirum *quod aliter, quam se res ut* Stephanus docebat *haberet*, circa Hæreticorum Baptisma *sensiebat*. Preterea cum Petilianus Donatista Cypriani auctoritatem urgeret, qui Hæreticos ad Ecclesiam redeuntes sine Baptismo non esse recipiendos statuerat: *O quam*, exclamans respondet Augustinus, *detestandus est error hominum qui clarorum virorum quadam non rectè facta laudabiliter se imitari putant, à quorum virtutibus alieni sunt, sic enim & nonnulli Petro Apostolo comparari se volunt, si Christum negaverint, si verd etiam gentes judaizare coegerint vocitari Germani ejus afflicti*: HÆC IN ILLO TANTO VIRO REPREHENSIBILIA FUERUNT, sed tanta eminuit Apostolicâ gratiâ, ut continuo delerentur. . . . SIC ET IN MARTIRE GLORIOSISSIMO CYPRIANO: Si apud Hæreticos, vel Schismaticos datum Christi Baptismum volebat agnoscere, tanta ejus merita usque ad triumphum Martyrii consecuta sunt, ut & charitatis quâ excellebat luce, illa obumbratio fugaretur. (a) Vides ex Augustino in Cypriano hoc fuisse reprehensibile, quod noluerit quemadmodum ipsi præceperat Stephanus agnoscere Baptismum Christi apud Hæreticos & Schismaticos datum; hæc juxta Augustinum ipsa fuit Cypriani quædam obumbratio quæ suæ charitatis luce fugari debuit.

Tandem ne morosiores simus in percutrendis omnibus quæ his respondent Augustini locis, (b) unum & solum, jam citatis adhuc subnectimus petiitum ex lib. 2. cont. Gaudenium donat. cap. 8. *absit autem*, inquit, *ut quoniam Beatissimus Cyprianus de Baptismo aliter sensit, quam veritas & antea consuetudine, & postea perspecta diligentius ratione monstravit, propterea quisquam nostrum qui hoc quod ille, non sapimus ei se audeas antepone*re. Cetera enim multa & magna ejus merita & animus præcipuâ charitate plenissimus, per quem cum Collegis diversa sentientibus pacatissimus mansit & in unitate

(a) Lib. de Un. Baptif. contra Petilianum cap. 13.

(b) V. lib. 1. de Bapt. cap. 19. Epist. ad Macrobiium 108. cap. 3. &c.

*Ecclesia passio gloriosa satis ostenderunt eum fuisse Samentum in Christi radice fructuosum, quod Pater etiam ab istâ reprehensione purgaret ... ostendens etiam in ipsis fructuosis Agricola qui est in cælis aliquid invenire quod purget. Quid Clarius? Quid Luculentius? Cyprianus juxta Augustinum de Baptismo aliter sensit, quàm veritas per os nempe Stephani consuetudine tunc monstrabat, at Pater cælestis propter ipsius præcipuam charitatem & passionem gloriosam ab istâ reprehensione etiam purgavit. Reprehensibilis ergo etiam erat Cyprianus quod de Baptismo aliter sentiret ac Stephanus, non ergo tantùm reprehensibilis erat Cyprianus juxta Augustinum quòd quædam in Stephanum minus moderata ac modesta effuderit, sed etiam quòd aliter ab ipso de Baptismo sentiret ac Stephano contra sentiente & præcipiente censuerit nullum esse apud Hæreticos Baptisma.*

Hæc si pacati & attenti perpendissent isti recentiores, illam nunquam excogitassent, quæ solos incautos vel inscitos decipere possit distinctionem, quæ nimirum volunt Cyprianum in eo quidem ab Augustino reprehendi, quòd in Stephanum aliquâ charitati ac moderationi Christianæ minus consona effuderit, non autem in eo quod Stephano refragante ac contrâ præcipiente suam pertinaciter defenderit sententiam. Centies obtrudunt, inculcant urgentque Cyprianum suam constanter & immotè sententiam propugnasse, licet Stephanus R. Pontifex contrâ scripsisset & præcepisset, nec in eo ab Augustino unquam fuisse culpatum, quia Stephanus moderationis ac suæ potestatis limites excessit, quia soli Ecclesiæ judicio Cyprianus cedere tenebatur. Quid his ego? Sine clamore, sine strepitu, sine ostentatione, sed verè, simpliciter & breviter dico Cyprianum ad genuinam Augustini mentem in eo fuisse *reprehensibilem* quod *aliter* ac Stephanus *sensit*. Quòd *noluerit agnoscere* illud, quod Stephanus agnoscere volebat; *Baptismum* nimirum *Christi etiam esse apud Hæreticos & Schismaticos*. Id, inquam, in Cypriano reprehendit Augustinus, id *charitate* & quidem *uberi* com-

pensatum ab ipso autumavit, id *falce Martyrii purgatum* ab ipso prouuntiavit. Tale ergo non erat ad mentem Augustini Stephani R. Pontificis præceptum, cui Cyprianus sine culpâ resistere potuerit. Suam ergo sententiam Cyprianus deponere ac aliter sentire debebat, ut culpandus non esset; non ergo tandem Stephanus juxta S. Augustinum viruperandus, quasi præcipiendo moderationis ac suæ potestatis limites prætergressus fuerit, sed econtrâ arguendus Cyprianus, qui aliter ab ipso sentire voluerit, illique resistere.

XI. Quàm apposita, quàm religiosa, quàm æqua Vincentio Lirinensi optimo & antiquissimo Gallo visa fuerint Stephani in Cyprianum gesta, vel ex eo abundè dignoscitur, quòd illa Stephani gesta referat, & adducat gravissimus autor (a) ad probandam hanc Thesim initio capitis propositam: *Mos iste semper in Ecclesiâ viguit ut quò quis foret religiosior eò promptius novellis adinventionibus contraret.* Verùm disertius, ac luculentius ostendit his verbis: *in Epistolâ qua tunc ad Africam missa est his verbis sanxit* (Stephanus) *nihil innovandum nisi quod traditum est. Intellegebat etenim vir sanctus & prudens nihil aliud rationem pietatis admittere, nisi ut omnia qua fide à Patribus suscepta forent, eadem fide filiis consignarentur, nosque Religionem non quâ vellemus ducere, sed potius quâ illa duceret sequi oportere; idque esse proprium Christiana modestia & gravitatis non sua posteris tradere, sed à majoribus accepta servare . . . tunc beata memoria Papa Stephanus Apostolica sedis Antistes cum ceteris quidem collegis suis, sed tamen præ ceteris restitit* (rebaptizantibus) *dignum ut opinor existimans, si reliquos omnes tantum fidei devotione vinceret; quantum loci auctoritate superabat: (b) hæc de Stephano toti Galliæ insonabat piissimus, ille ac eruditissimus Gallus Vincentius. Hæc licet Stephano in Cyprianum agenti perhonorifica Franco-*

(a) Commentor. cap. 9.

(b) Ibidem.

quia veritati non minùs, quàm suæ erga Petri successores innatæ pierati consona libenter audiebat ac Posteris tradebat universa Gallia, atque utinam hæc etiam Launoio placuissent, tot profectò erroribus Vincentium Stephani gesta scribentem non onerasset, ipsique totam in hæc re fidem minimè detraxisset (a) Verùm Stephano gloriosa nimis erant, quæ Vincentius memorabat, hujusque in exponendis R. Pontificum gestis stylus à Launoii stylo nimis diversus, ut apud Launoium expectatus ac graciosus ille fore deberet, qui modestus, pacatus, Augustino cœvus Stephani præceptum non zelo præcipiti, intempestivo ac impotenti, sed ipsius *sanctitati prudentia* nec non *laudabili* posteris eadem tradendi, quæ à majoribus acceperat *studio*, ac demum Stephani *fidei* quàm ceteros, ut & loci dignitate, superabat, ac *devotioni* adscribebat.

XII. Prodeat jam nunc insignis & percelebris seculi Sexti Episcopus, qui suspectus videri non possit: sive contra Cyprianum pronuntiet, ut pote Affer, & Cypriani amantissimus, sive pro S. Stephano Pontifice Romano, quippe qui Schismaticus, Facundus nempe Hermianensis. Hic autem Cyprianum à Stephano fuisse culpatum, & quidem intentatâ excommunicatione sciebat & tradebat. (b) Stephano pariter Cyprianum restituisse ac calamum in Epistolâ ad Pompeium in illum strinxisse refert; (c) à Facundo igitur totius rei gestæ perito discamus, an jure, vel injuriâ Cyprianus ita fuerit à Stephano culpatus, & consequenter an meritò ipsi restiterit. Ab ipso perdiscamus etiam, num Cyprianum Stephanus, vel Stephanum Cyprianus injuriosè tractaverit: *Cyprianus*, inquit breviter, sed apertè, *injuriosè tractans Beatum Stephanum, à quo fuerat jure culpatus*. Hæc in defensione trium capitulorum lib. 10. cap. 3. versùs medium africanus Antistes, qui libro contra Mocianum, ut supra vidimus, (d) affirmabat Stephani sententiam etiam *de rebaptizantibus non ferendis* Ecclesiæ universæ fuisse probatam, à quo

(a) In Fois. ad Jo. b. Bevilan. 1. c. pag. 817.

(b) Pro sententia 1. Capituli. lib. 10. cap. 3. & libro adversus Mocianum.

(c) Ibidem.

(d) Supra pag. 59.

professò Ecclesiæ judicio, cui tota suffragabatur antiquitas cordatus recedere noluit, ne Christianorum omnium indignationem & offensionem incurreret, quòd unus inter veteres & omnium primus Stephani agendi rationem improbare, ac in Stephanum insurgere non erubuisse.

XIII. Quæ Cypriano in causâ baptismatis contigere obiter commemorandi nonnulla fuit viro literis & sanctitate clarissimo venerabili Bedæ occasio; pauca verò, quæ de hac concertatione nobis etiam tradit eruditus scriptor, sicuti Stephani zelo ac prudentiæ nullatenus officiant, ita etiam illius agendi rationis æquitatem non obscurè significant. Scribit enim Cyprianum & suum errorem *correxisse & ad universalem sanctæ Ecclesiæ normam reductum fuisse*. Quâ vero ope, quove præsidio Cyprianus ad universalem Ecclesiæ normam reductus fuerit, explicat vir eruditus, *spiritualium nempe virorum institutione*; sub nomine autem illorum *spiritualium virorum*, quorum *institutione* Cyprianus illud sit assecutus Stephanum aliosque Cypriani adversarios à Beda designari perspicuum est. Quid amplius ad ostendendam Stephani in Cyprianum agendi rationis prudentiam ac æquitatem? Prudentem, æquamve quis neget illam agendi rationem, cui tam utilis tam gloriosus debeatur fructus ac exitus? quæ Cyprianum ad universalem Ecclesiæ normam reducere valuerit? En pii scriptoris verba ex libro variarum quæstionum quest. 5. decerpta: *si bona quæ nostis per charitatem operamini, tribuet vobis divina gratia, ut si quid aliter quam decet sapitis & hoc aliquando intelligatis, sicut B. Cypriano contigisse perspicuum est, qui cum suis Coepiscopis qui erant in Africa rebaptisandos esse Hæreticos contra morem Ecclesiæ statuit, sed quia in suo sensu, qui sibi rectus videbatur bonis abundare operibus studuit, mox corrigi meruit; atque ad universalem Sanctæ Ecclesiæ normam Spiritualium virorum institutione reduci.*

XIV. Quid dicam de Georgio Tarasii Patriarchæ Constantinop. Syncello? Quid de Nicephoro Callixto? Referunt ambo

ambo Stephanum Cypriano restitisse; nec ignorabant modum quo restitit, præcipiendo scilicet atque gravissimas pœnas intentando, id etiam expressè tradit Nicephorus ( *a* ); at neuter Stephanum carpit, neuter ullatenus reprehendit, sed ambo Eusebium Cæsariensem secuti eam Stephani agendi rationis causam adducunt, quæ illam non nisi æquam efficiant ac exhibere valeant. Ità enim erga Cyprianum se gessit Sanctus Pontifex juxta laudatos scriptores, quia nil *novi*, nil quod *antiquæ Ecclesiæ consuetudini adversaretur in eam introduci volebat* & curabat. ( *b* )

XV. Apposita, æqua ac opportuna Stephani in rebaptisantes gesta adeò judicârunt Veteres, ut vel ipsis rebaptisantibus, si non illicò, animis ardore disputationis abreptis, saltem non multò post, sedatis jam ac serenis probata fuisse nobis significant, & quidem sic probata, ut suum errorem etiam revocaverint. De S. Cypriano id credi vult S. Augustinus, licet id litteris mandatum se non invenisse fateatur. *Cyprianus inquit in Epist. ad Vincent. Rogat. 93. cap. 10. autem sensisse aliter de Baptismo, quàm forma & consuetudo habebat Ecclesiæ non in Canonicis, sed in suis & Concilii litteris invenitur; correxisse autem istam sententiam non invenitur, non incongruenter tamen de tali viro existimandum est, quod correxerit & fortasit suppressum sit ab eis qui hoc errore nimium delectati sunt, & tanto velut patrocinio carere noluerunt.* Augustinus hoc quidem in loco dicit tantummodo non incongruenter de Cypriano existimandum esse, quòd suam correxerit sententiam; at lib. 2. de baptismo contra Donatist. cap. 5. tam certum asserit Cyprianum suam revocasse sententiam, quàm certum est tanti meriti fuisse virum; hinc enim considerans S. Doctor Cyprianum Stephano restitisse, illinc magna contemplatus Cypriani merita, quibus non parùm offecisset ipsius in errore pertinacia; cum in Cypriani litteris hujusce opinionis cor-

( *a* ) Lib. 6. Hist. Eccl. cap. 7.

( *b* ) Niceph. ibid. Georgius apud Anastasium Bibl. ad an. 246.

rectionem ac emendationem non invenisset, asseveranter pronuntiat, quod si hanc correctionem litteræ tacerent, ipsius tamen merita testarentur, ac dubiam esse non sinerent: *quomodo, inquit, accipere potuerit Cyprianus veritatem contra id quod sentiebat inventam, etsi littera taceat, merita clamans, si Epistola non invenitur, corona testatur.*

Augustino concinit S. Hieronymus, qui expressis verbis affirmat Africanos Episcopos suam de rebaptisandis Hæreticis sententiam novo decreto revocasse. *Illi ipsi Episcopi, inquit, qui rebaptisandos Hæreticos cum Cypriano statuerant ad antiquam consuetudinem revoluti novum emisere decretum.* (a) Orientales pariter rebaptisationi faventes suum rescidisse judicium, tradit Augustinus, & vèl ipsi agnoscebant Donatistæ: *Majores autem vestri* inquit S. Doctor lib. 3. contra Cresconium cap. 2. *quibus tale testimonium perhibuisti, quòd ab Orientalibus propter eam communionem discreti sunt, quia illi suum judicium resciderunt, quo eis placuerat de illà Baptismi questione Cyprianus atque illi Africano Concilio consentire oportere, & paulò post, ipsum alloquens Cresconium Donatistam, vestri majores qui se ab Orientalium communionem, quòd de hac re ( Baptismo Hæreticorum ) diversa senserint diviserunt. Et cap. 3. Cur non potius etiam ipsos paucos Orientales suum judicium correxisse dicamus, non ut tu loqueris rescidisse; sicut enim laudabile est à verà sententià non moveri, ità culpabile persistere in falsà.* Cyprianum à suà sententià discessisse apertè tradebat octavo seculo V. Beda his verbis: *Cyprianus qui cum suis Coepiscopis quæ erant in Africa rebaptisandos esse Hæreticos contra morem Ecclesiæ statuit mox corrigi mernit, atque ad universalem Sanctæ Ecclesiæ normam spiritualium virorum institutione reduci.* De rebaptisantium resipiscentià ita veteres laudati, quibus nullum refragari in antiquitate totà reperies: jam verò si Stephanus Rom. Pontifex suam in hoc negotio auctoritatem

(c) Dialog. advers. Luciferian.



non interposuisset, si tantum non prætulisset vigorem Apostolicum, nisi se tamquam murum æreum rebaptizantibus opposuisset, adeone facile suam, quam tanto ardore propugnabant sententiam revocassent Africani simul & Orientales Antistites? Quis hic digitum Dei non agnoscat, qui Stephani aliorumque ipsi adhaerentium Episcoporum zelum ac constantiam tam uberi fructu cumulare voluerit? Illudne credes intempestivum, quod tam fuerit efficax studium? Iniquo ac intempestivo zelo iræne dociles se præbuisent, qui eo gravabantur? Vel hinc Stephani actorum dignosce æquitatem.

XVI. At tandem quod unum infrunita recentiorum illorum, qui Sanctissimi Pontificis memoriam dilacerare non desinunt ora penitus contundere, ac iniquam audaciam reprimere sufficeret; ipsi auscultentur intensissimi S. Stephani hostes, ipsos dico Donatistas. De æquâ vel iniquâ Stephani, vel Cypriani agendi ratione sint Judices. Nemo nescit Donatistis nil fuisse carius, quàm Cyprianum, nihil familiarius, quàm opera Cypriani, ac potissimum ea, quæ pro suâ de rebaptizandis Hæreticis opinione firmanda elucubraverat. Hæc assidue Catholicis occinebant; in Catholicos urgebant. Legerat hæc, ac triverat illorum Coriphæus Petilianus, hæc inquam Cypriani opera perlegerat, in quibus Stephano precipienti ac rebaptizantibus excommunicationem minitanti vitia non pauca Cyprianus exprobrabat. Neque tamen his omnibus ita moveri potuit Petilianus, quin ultrò, ac palam, contra rem suam, contra ipsam S. Cypriani, cujus in Stephanum dicta, ut meras proinde calumnias arguebat, auctoritatem, Stephanum *Episcopatum illibatam gessisse* absolute profiteretur. Hæc Petiliani Cirtensis in Numidiâ Donatistarum Episcopi tam Stephano gloriosa confessio eruitur ex his S. Augustini verbis lib. de unico Baptismo contra Petilianum cap. 14. *sed volo mihi solvat iste (Petilianus) questionem, quandoquidem cum Romana Ecclesia per ordinem commemorat Episcopos, inter eos commemoravit & Stephanum, quos*

*Episcopatum illibatum gessisse confessus est.* Quid ad Stephani gloriam tum in aliis quæ fecit omnibus, tum in hoc præcipuè negotio commendandam excellentius, quam ipsorum de ejus integritate Donatistarum testimonium. Enim verò veritatem hanc non modò apertam sed & violentam fuisse oportet, quando eam nec hostes quidem infensissimi dissimulare potuerunt. Et hodie non pudet scriptores quosdam, qui se Catholicos haberi volunt Cypriani Firmiliani que literis ad Sanctissimi hujus Pontificis memoriam, vel ipsis olim Donatistis undequaque illibatam commaculandam prorsus ac profcindendam abuti.

XVII. Plures Stephani vindices non suppeditat antiquitas, quia plures non exhibet, qui de famosâ illâ Cyprianum inter & Stephanum exortâ contentione vel ex professò dissenserint, vel per transennam meminerint; at fallor, nisi laudari hæc scriptores abundè sufficiant ad propositam Stephani causam, non solùm à calumniis vindicandam sed insignibus etiam decorandam elogiis. Ecquis enim dubitet sanæ mentis id à Stephano contra Cyprianum aliosque rebaptisantes rectè factum fuisse, quod, sicuti Veterum nemo improbavit, tot SS. Patres, nobilesque tam doctrinâ, quam antiquitate scriptores imò vel ipsi infensissimi Stephani hostes in eo commendârunt? Quis judicio tam gravi, tam valido non acquiescat, ac in tantæ autoritatis lectulo quasi fessus non accumbat?

Post hæc veterum testimonia an adhuc inquirendum, an examinandum, utrùm recta vel iniqua, opportuna vel intempestiva, prudens vel inconsulta fuerit Stephani contra rebaptisantes agendi ratio? At si minùs recta nobis appareant Stephani acta, nostrum hoc qualecumque examen ac judicium numquid veterum omnium judicio & examine accurratius ac gravius existimabitur? Nunquid tot SS. Patres, totque venerandi Scriptores præjudiciis abrepti vel decepti vel minùs veridici credentur, nos verò oculatiores, æquiores, atque his omnibus mentis, vel cordis infirmitatibus ità liberi ac

immunes, ut quam ipsi assequi non valuerunt veritatem, pandere ac ostendere nobis tandem fuerit reservatum? Id ne, quæso, cordatis suadebitur? Quàm vana, quàm stulta nostra esset fiducia, si præposteris inquisitionibus efficere tandem speraremus, ut posthabito veterum judicio nobis assentiat, nostraque amplectatur æquus rerum æstimator? Scio quidem ac quotidiana docet experientia hesternis quibusdam hominibus suos magis arridere fetus, suæque inventa, quàm trita & pervulgata veterum testimonia, suisque potius quàm illorum placitis indulgere.

Quid ergo? Stephani gesta suo illi subjiciant examini per me licet, illorumque æquitatem vel injustitiam non ex veterum judicio, sed ex suis animadversionibus stabiliant, nil veterum omnium, qui de Cypriani & Stephani dissidio scripsere testimoniis, totum suis dent disquisitionibus, non intercedo; at quæso, non illibenter serant me, cui tanta in excogitando mentis perspicacia concessa non fuit, sicuti nec tanta in judiciis ferendis ingenii maturitas, ex veterum testimoniis vetera dignoscere, Veterumque judiciis mea componere. Mihi concedant tenuitatis mex conscio, nec veterum judicia reformare, aut saniora *proferre* valenti, pro Religione ducere, ubi de veterum gestis agitur, probatis me stare veterum monumentis, illorumque à me indui sensus; dicam nudè quod sentio. Hæc via ad rectè dignoscenda & æstimanda veterum gesta tutior graviorque mihi semper visâ fuit.

Post longum itaque laboriosumque Stephani gestorum à Neotericis nostris habitum examen, prodeat Stephanus ac ab ipsis divulgetur, superbus, contumeliosus, scatens injuriis, fastum tumidè ac dominatum affectans, immanis, Tyrannus, quietis perturbator, ac Ecclesiarum opressor, uno verbo iis omnibus oneratus flagitiis ac criminibus quæ Stephano ab ipsis impacta referebamus. (a) Mihi, cui recondita tot arcana

(a) In præfatione.

detegere datum non est, plusque sapere, quàm veteres nolenti, ac quod illi retulere, pandere gestienti, aliter ab istis censoribus de Stephano, si non cogitare, (illorum enim corda rimari non valeo) certè loqui necesse est. Novis igitur istis, sed non à charitate supeditatis indumentis Stephano detractis, sub veteranis, sed suis, ut potè si non aliundè, tot retro seculorum præscriptione acquisitis, per me appareat vestibus, quæ ipsum exhibeant Religiosum & prudentem (a) in causâ baptismatis Hæreticorum Ecclesiæ traditionis assertorem & vindicem, (b) qui pro singulari filiis ea consignandi quæ à Patribus acceperat studio (c) gravissimè tulerit aliquid contra antiquam Ecclesiæ traditionem innovari; (d) ac nova inventa sectantibus, (e) quâ pollebat Christianâ modestiâ & gravitate restiterit (f), ipsosque jurè culpaverit (g), reliquos omnes tantum fidei devotione in eo vincens quantum loci autoritate superabat (h); qui ab errantibus injuriosè tractatus (i) ac laceratus (l) omnia bono pacis, quæ vicit in ipsius corde (m), omnia bono unitatis, quam servare studebat (n) vir magnus & Pater magnâ charitate præditus (o) sollicitâ pietate toleraverit (p), & hæc sufficiant pro vindicandâ S. Stephani R. Pontificis contra rebaptisantes agendi ratione.

(a) Vincent. Lirin. commonit. cap. 9.  
 (b) Augustinus Centies in suis contra Donat. libris, & cum ipso veteres omnes quorum testimonia refert Tomassinus dissertat. 1. in Concil.  
 (c) Hieronym. dialog. adv. Lucifer. & Vincentius Lirin. loco citato.  
 (d) Euseb. Hystor. Eccl. lib. 7. cap. 3.  
 (e) Augustin. lib. 1. de bapt. cap. 2.  
 (f) Vincentius Lirin. loco citat.

(g) Facundus Hermian. pro defens. trium Capitul. lib. 20. cap. 3.  
 (h) Vincentius Lirin. loco cit.  
 (i) Facundus Hermian. loco cit.  
 (l) Hieronim. dialog. adversus Lucifer.  
 (m) Augustin. lib. 5. de bapt. cap. 15.  
 (n) Augustin. lib. 6. de bapt. cap. 22.  
 (o) Augustin. lib. 1. de bapt. cap. 7.  
 (p) Augustin. lib. 6. de bapt. cap. 22.



# DISSERTATIONIS

## PARS PRIMA.

*QUOD EX S. CYPRIANI FACTO ADVERSUS  
supremam & irreformabilem in definiendis fidei con-  
troverſiſi Romani Pontificis auctoritatem extunditur &  
urgetur argumentum, vacuum à ſapientiſſimis Gallia  
Theologiſ & inane conficitur, ac penitus evertitur.*

**Q**Uæcumque fuerit ac jactitetur S. Cypriani in cauſâ baptiſmatis Hæreticorum in Stephanum diſſerendi & agendi ratio, nil indè contra ſupremam & infallibilem Romani Pontificis in definiendis fidei controverſiſi auctoritatem colligi poteſt, ſi agitatam tunc temporis de rebaptiſandis Hæreticis queſtionem non fidei, ſed meræ diſciplinæ rem eſſe cenſuit Cartaginendiſ Antiſteſ. Id conſtat apud omneſ atque evidentiſſimum eſt; qui enim præſcriptum à Romano Pontifice aliquod diſciplinæ caput amplecti recuſat, non propterea Romanum Pontificem in definiendis fidei controverſiſi errori obnoxium eſſe putat; ſic plura diſciplinæ capita in Tridentino Concilio ſancita Gallia minimè recepit, quæ tamen infallibilem in fidei cauſiſ auctoritatem Tridentinæ Synodo adimere numquam proſectò cogitavit. Porro Sapien- tiſſimi Gallia Theologi ceterorum Pontificiæ inerrantiæ vin- dicum ſemitam ingreſſi palam agnoſcunt & unanimi con-

centu tradunt totam illam de rebaptisandis Hæreticis controverſiam S. Cypriano viſam fuiſſe rem non fidei, ſed meræ diſciplinæ, quâ ſanè doctrinâ nil validius ad ſubvertendum quod ex Cypriani factò Neoterici adverſus Pontificiam inerrantiam intorquent argumentum.

Præterea tam decretoriâ reſponſione nondum contenti, ut ſuo tuendæ veritatis & Pontificiæ autoritatis ſtudio magis ac magis facerent ſatis, ulterius progrediuntur ſapientiſſimi Galliæ Doctores, atque oſtendunt iſtud Cypriani exemplum non magis urgeri poſſe ad inſiciendam Romani Pontificis, quam Eccleſiæ univerſalis inerrantiam. Enim verò pro certo tenent ac docent S. Cyprianum probè noviſſe quam Stephanus R. Pontifex vindicabat conſuetudinem univerſalis Eccleſiæ fuiſſe conſuetudinem, ex quo maniſeſtiſſimè ſequitur, quod ſi Cyprianus Stephanum illam Hæreticos abſque novo baptiſmo recipiendi conſuetudinem aſſerentem in fide errare, vel errori obnoxium judicavit, ut voluit Neoterici, in fide pariter errare, vel errori obnoxiam cenſuit Eccleſiam univerſam, quam ſciebat pro eâdem Stephani conſuetudine militare, unde vides hoc Neotericorum argumento æquè impetum iri R. Pontificis & Eccleſiæ univerſalis inſallibilitatem. Haud me latet ceterarum nationum Theologos Pontificiæ inerrantiæ cultores miſero huic Neotericorum argumento omni ex parte nutanti ac vacillanti, pluribus & quidem ſolidis reſponſionibus occuriſſe; at meo quidem iudicio nemo potentius, nemo validius, quam Galliæ Doctores, dum hæc duo apertiſſime docent ut toridem capitibus probandum aggredimur, 1°. Nempè S. Cyprianum agitatum tunc temporis de rebaptisandis Hæreticis queſtionem, non ad fidei ſed ad meræ diſciplinæ caput revocaſſe. 2°. S. Cyprianum probè noviſſe, quam Stephanus R. Pontifex vindicabat conſuetudinem, univerſalis Eccleſiæ fuiſſe conſuetudinem.

## CAPUT PRIMUM

JUXTA UNIVERSALEM GALLIÆ THEOLOGORUM ac scriptorum Doctrinam S. Cyprianus agitatum ævo suo de rebaptisandis Hæreticis quæstionem non ad fidem, sed ad meram disciplinam pertinere judicabat.

**E** Minentissimus Cardinalis de Bissi Episcopus Meldenis in suo documento Pastoralis an. 1728. hæc habet part. 2. *juxta sententiam plurium cruditorum Theologorum quæstio de baptismo Hæreticorum S. Cypriani tempore judicabatur ad disciplinam potius quam ad fidem pertinere. Enim verò S. Cyprianus sæpius asserit quemlibet Episcopum plenam habere diversum in hoc negotio agendi facultatem; itane loqui potuisset de quæstione, quam censuisset ad fidem pertinere? Quemadmodum autem certum est peculiarem disciplinam à quâlibet Ecclesiâ nationali ita retineri posse, ut ad eam mutantam à R. Pontifice obligari non possit, S. Cyprianus & Episcopi Africani poterant salvâ obedientiâ sedi Apostolica debitâ illius decreto non obtemperare : (a) & in docum. Pastor. an. 1725. Quotidie, inquit, propugnatur in scholis Catholicis de unâ Cyprianum inter & Stephanum disciplinâ fuisse disputatum. (b)*

(a) Instruction Pastor. contre l'apel interjeté de la Bulle Univ. au futur Concile Général. pag. 62. C'est un sentiment embrassé par plusieurs Doctes Théologiens que la question du Batême étoit regardée du tems de S. Cyprien comme appartenante à la discipline plus qu'à la foy. S. Cyprien repete plus d'une fois dans ses écrits que chaque Evêque doit conserver une pleine liberté d'agir en cette occasion de la manière dont il jugera à propos, auroit-il pu parler de la sorte d'une question qu'il auroit crû appartenir à la foy? Et comme il est constant

que chaque Eglise nationale peut conserver sa discipline particulière sans que le Pape puisse l'obliger de la changer dans tous les points. S. Cyprien & les Evêques qui le suivoient pouvoient sans manquer à l'obéissance qu'ils devoient au S. Siège résister de se soumettre à son décret.

(b) Instruck. Pastor. contenant la réutation d'un écrit adopté, &c. pag. 55. Tous les jours dans les Ecoles Catholiques on soutient que la contestation entre les deux S. Saints Martrys Etienne & Cyprien ne sût que de discipline.

L

Illustrissimus Languet aliàs Sueffionensis Antistes, nunc Senonensis Archiepiscopus in tertiâ ad Episcop. Bononiensem Epistolâ datâ die 25. Maii an. 1722. *S. Cyprianus suam de baptismo Hæreticorum cum Romanâ sede concertationem ut punctum meræ disciplina habebat quod fidem nullatenus spectabat ; de hoc conveniunt Eruditi post divum Hieronymum , ( a ) idem repetit in alterâ Epistolâ ad Episcopum Antisliodor. Scriptâ die 25. Decembris 1722. num. 27. itèm in Pastor documento varias circa Emin. de Noailles instructionem observationes continente an. 1719. pag. 95 & 96.*

Illustrissimus de Saleon Episcopus Ruthenensis in docum. Pastor. super autoritate decisionum Ecclesiæ *S. Cyprianus , inquit , hanc de baptismo Hæreticorum controversiam ad fidem pertinere non censuit : ( b )* Thesim hanc variis deindè finnat argumentis ; non modò *S. Cyprianus ,* pergit Eruditus Antistes , atque *Firmilianus , sed etiam Arelatense Concilium illam de rebaptisandis Hæreticis controversiam ut punctum discipline habuerunt. ( c )*

Ludovicus Thomassinus eruditus Oratorianæ in Galliâ Congregationis Præbiter suis in Concilia dissertationibus hæc habet : *nec me fallit quodam posse modo ab fidei negotium revocari istas de baptismo Hæreticorum quæstiones ; multò enim magis quàm de Paschatis die , in quo aberrantes Ecclesiæ Victor Hæterodoxas appellabat ; sed unum id existimo ex patrum Patrum scriptis scintillare hanc rem illos non aliter quàm ut consuetudinis Ecclesiastica & disciplina partem expectasse , nec ad fidei substantiam & necessitatem revocasse , ita sentiebat Firmilianus . . . ita sentiebat & Cyprianus Epistolâ ad Jubaj. cùm enim sententiam suam multis sepsisset argumentis ait*

( a ) Pag. 21. *S. Cyprien ne regardoit le point qui le divisoit d'avec le S. Siège , que comme un point de discipline , & non comme un point qui interessât la foy ; c'est de quoi les sçavans conviennent ; c'est le jugement qu'en a apporté S. Jérôme.*  
( b ) Partie 1<sup>re</sup>. pag. 219. *S. Cyprien lui-même n'a pas regardé cette dispute (du Ba-*

*tême des Hérétiques) comme appartenante à la foy.*

( c ) Ibid. pag. 210. *Ce n'est pas S. Cyprien & Firmilien seulement qui ont regardé la dispute sur la rébaptisation des Hérétiques comme un point de discipline , le Concile d'Arles l'a regardé de même.*



*tandem hac tibi breviter &c. . . . in disciplina negotio cum aliquo colore hac differuntur, in capite fidei Catholica alienissima essent omnia : ( a ) & pag. 60. etsi questio hac ( de Hæretic. baptismo ) ad fidem trahi posset ut pleraque alia consuetudinum capita , tunc ( tempore scilicet Stephani & Cypriani ) ea tamen civiliter , ut disciplina portio agitabatur.*

Ludovicus Dupin. in suâ bibliot. Ecclesiast. Cyprianus, inquit, Stephanum in sua Epistolâ hortabatur, ut hanc ( de rebaptif. Hæretic. ) disciplinam amplecteretur ( b ) & pag. 460. Firmilianus confirmat disciplinam, quam S. Cyprianus propugnabat : ( c ) & in suis de antiquâ Ecclesiæ disciplinâ dissertationibus hæc habet: *Cyprianus & Africani Praefules disciplinam suam contra Stephani auctoritatem mordicus retinebant.* ( d ) Quid juxta Dupinum propugnabat Cyprianus ? Quid contra Stephani auctoritatem mordicus retinere voluit ? Aliquodne fidei dogma ? Minime : aliquamne disciplinam in Ecclesia universalem ? Nequaquam ; quid ergo ? Ab Autore discite, praxim aliquam peculiarem, quæ apud ipsum & aliquos Episcopos Africanos servabatur, seu, ut ipse loquitur, *disciplinam suam* ; imò si fides Autori non tantum Cyprianus sed etiam cæteri tertii Ecclesiæ sæculi Patres hanc de baptismo Hæreticorum questionem ad meram revocabant disciplinam ; enim verò ad calcem 1. tom. bibliot. Eccl. duo conficit summa, unum dogmatum quæ Patres tertii Ecclesiæ sæculi tradiderunt, alterum disciplinæ quæ tunc temporis viguit, disciplinæ inquam, quæ, ut ipse ibidem observat, varia in diversis Ecclesiis esse potest ; porro Doctrinam de non rebaptisandis Hæreticis non in summario dogmatum, sed in summario eorum, quæ ad liberam spectant disciplinam recenset, ut legenti patet à pag. 681. usque ad pag. 695.

Launoïus in suâ ad Bevilacqua Epistolâ num. 15. *Beccanus*, inquit pag. 827. *post Bellarminum ut adulatrici curia*

( a ) Dissert. 2. pag. 46. edit. Paris. 1667.

( b ) Tom. 1. pag. 459. S. Cyprien en servoit à S. Etienne pour l'exhorter à embrasser cette discipline.

( c ) Firmilien établis la discipline que défendoit S. Cyprien.

( d ) Dissert. 3. pag. 344. edit. Paris 1686.

*favent, opinionis nova subsidio dicit; Cyprianus non est habitus Hæreticus, quasi qua ad variam tradendi baptismatis rationem pertinent, Hærescos materia foret, &c. pag. 818. interim ego tantum pronuntio rem istam (rebaptisationis questionem) non esse fidei, sed disciplina qua suas in Ecclesia vices habuit.*

Antonius Pagius Doctor Sorbonicus in suâ criticâ Baronii dogma, inquit tom. 1. pag. 200. *de rebaptisandis Hæreticis, quod Episcopi Africani tuebantur, habebatur ab illis tanquam ad æconomiam dumtaxat & disciplinam, non verò ad fidem pertineret, quod patet ex Epistolâ Cypriani & Synodi Africana ad Stephanum R. Pontificem . . . controversiam itaque de Hæreticorum baptismo ad fidem non spectare Cyprianus ejusque collega censebant.*

Gaspar Juenin Oratorii Gallicani Præbiter in suo Historico & Dogmat. de Sacramentis commentario sic loquitur: *Africani & Orientales causam de baptismo ad meram disciplinam, non autem ad fidem aut ad mores pertinere judicaverunt . . . quod autem laudati Episcopi tum in Africâ tum in Oriente questionem de baptismo ad meram disciplinam referrent ex multis capitibus evincitur. Firmilianus salvo unitatis vinculo eâ in causâ dissentiri posse perspicue affirmat . . . Cyprianus idem in Africâ sensit, &c. (a)*

Feu Doctor & Pastor Parisiensis in suo de legibus tractatu: *respondeo, inquit, de variis consuetudinibus non esse discipendum saltem acriter & cum pacis Catholica periculo, ut docet August. Epist. 118. ad Januarium quod neque contra fidem neque contra bonos mores injungitur, est indifferenter habendum; in eadem versati fuerant sententiâ SS. Cyprianus & Firmilianus in Epist. 71. & 72. tradit quippe S. Cyprianus cuilibet liberum esse sentire quod Deus suaserit, nec quemquam ob sententiam diversam abscindendum esse à communione Ecclesiasticâ, idèoque tractatum de penitentia (le-*

(a) Quest. 6. cap. 2. art. 3. §. 5. pag. 90. edit Lugdun, 1694.

gendum patientiæ) bono composuit, ut à fratribus qui dissiderent secedendum non esse ostenderet. S. quoque Firmilianus, eadem ad S. Cyprianum scribit & usu tunc temporis recepto confirmat: multa, inquit, pro locorum & nominum diversitate variantur, nec propter hoc ab Ecclesiâ Catholica pace atque unitate aliquandò disseffum est. (a) Ex Cypriani sensu & agendi ratione in controversiâ baptismatis Hæreticorum probat Doctor Parisiensis ipsum cum Augustino censuisse indifferenter habendum esse, quòd neque contra fidem neque contra bonos mores injungitur? Cyprianus ergo ad mentem hujusce Autoris praxim de non rebaptis. Hæret: his annumerabat consuetudinibus, quæ neque fidem neque bonos mores spectabant, aliunde fatetur expressè Doctor Paris. in tractatu citato pag. 252: *celeberrimarum Ecclesiarum Episcopos ad disciplinam solummodo revocasse hanc contentionem de Hæreticis rebaptisandis; si alibi diversum scripsit non nostra culpa est, nec Theologos omnes sibi semper onstare probandum suscepimus.*

Theologicæ institutiones jussu Illustriss. Episcopi Gieta-viensis editæ hæc habent in tractatu de Sacramentis: *nota nec S. Cyprianum nec Episcopos ipsi adherentes Hæreticis adnumerandos, quia ejusmodi questio de Hæreticorum baptismo censetur tunc ad disciplinam, non autem ad fidem pertinere (b)*

Natalis Alexander in Ecclesiast. sæcul. 3. Historiam hanc ex professo probat propositionem. *S. Cyprianus & Africani Episcopi non existimaverunt dogma de rebaptisandis Hæreticis quòd tuebatur ad fidem pertinere (c)* allatisque pluribus ad hujus probationem momentis sic concludit: *si rebaptisationem Hæreticorum fidei rem esse existimasset S. Cyprianus Anathema dixisset eis, qui contrariam sententiam tuebantur, neque cum eis communicasset; nefas enim censebat communione jungi cum Hæreticis; questionem igitur illam ad fidem perti-*

(a) Quest. 7. art. 3. pag. 250. edit. Paris. 1695.

(b) Quest. 3. pag. 77. edit. Piclay, 1732.

(c) Dissert. 12. art. 4. pag. 690. edit. Paris. 1714.

*nere non existimavit, sed ad aconomiam dumtaxat & disciplinam Ecclesiasticam.*

Auctor tractatus Gallicè inscripti : *traité du Schisme* sic loquitur pag. 43. *in dissidio S. Cypriani & S. Stephani unice agebatur de puncto aliquo disciplina non verò fidei. (a)*

Auctor operis cui titulus : *traité sur l'obéissance due aux Bulles dogmatiques émanées du S. Siège*, omnes, inquit, pag. 91. » farentur Auctores negotiorum de rebaptif. Hæret. » ut punctum disciplinæ dumtaxat Cypriani tempore habitum » fuisse. (b)

Ignatius amat de Graveſon Docteur Sorbonicus in ſua Hiſtoriâ Eccleſiaſticâ *excusari poſſunt*, inquit, *Cyprianus, Firmilianus, & ſiquæ Orientales, qui morem rebaptifandi Hæreticos poſt Stephani decretum ſeſtati ſunt, quia exiſtimarunt morem iſtū ad fidem minimè pertinere ſed ad aconomiam dumtaxat & diſciplinam Eccleſiaſticam. (c)*

Autor operis Gallicè inſcripti : *Théorie & pratique des Sacremens* in tractatu de baptiſmo cap. 4. §. 2. *Queris*, inquit, » utrum qui antiqui Patres baptiſmum ab Hæreticis collatum » invalidum eſſe cenſuerunt, id ſpectaverint tanquam punctum quod fidem ſpectaret; reſpondemus veteres illos Patres » rem illam ad meram diſciplinam revocaſſe, quæ pro temporum & locorum varietate diverſa eſſe poterat; ita Firmilianus qui &c. ita S. Cyprianus. (d)

Autor diſſertationis Gallicæ contra appellationem à conſtitutione *Unigenitus* ad futurum Concilium ſic loquitur: *SS. Stephanus & Cyprianus hanc de baptiſmo Hæreticorum quaſtionem ad meram diſciplinam revocabant, & paulò poſt. Cypriani*

(a) Le diſſerent qui étoit entre S. Cyprien & S. Etienne rouloit uniquement ſur une affaire de diſcipline, & ne regardoit pas la foi.

(b) L'affaire des rebaptiſants n'étoit regardée que comme un point de diſcipline au moins du ſens de S. Cyprien comme tous les Auteurs en conviennent.

(c) Tom. 1. colloquio 6, pag. 149. edit. Rom. 1722.

(d) Pag. 110. edit. Paris. 1713. D. Ceux qui parmi les anciens Peres ont crû que le Baſme donné par les Hérétiques eſt invalide, ont-ils regardé cet article comme un point qui intereſſa la foi? R. Ils ne l'ont regardé que comme un point de diſcipline qui pouvoit varier dans les ſens & les lieux diſſerens. Firmilien Evêque de Ceſarée dans ſa lettre à S. Cyprien. .... S. Cyprien dans ſa lettre à Juſtain. &c.

*adversus Stephanum resistantia aliter excusari non potest, quam quia causa de baptismo Hæreticorum utrinque agitabatur ut questio praxis ac pura disciplina. (a)*

Petrididier Abbas S. Petri Senonensis in suo de infallibilitate Pontificiâ Gallico tractatu cap. 6. *hoc itaque, inquit, constanter & certissimè tenendum est: quæstionem de baptismo Hæreticorum Cypriano visam fuisse punctum mera disciplina (b).*

Petrus Constant Monachus Benedit. Congreg. S. Mauri in suo de epistolis R. Pontificum opere hæc habet: *ne igitur majores suos ac totam penè Ecclesiam damnare Cyprianum videretur Episcoporum unicuique permisit sentire vel agere quod melius judicaret, ideoque istam quæstionem (de baptis. Hæret.) ad meram disciplinam pertinere existimavit. (c)*

De Reveroni Licentiatu Sorbonicus in suâ dissertatione dogmaticâ de dissidio inter SS. Stephanum & Cyprianum hæc habet cap. 1. *S. Cyprianus rebaptisationem adscripsit disciplinæ nude, hæc sententia pro quâ stamus probatur multis, (d) & revera latissimè probat pag. 46. 47. 48. & seq.*

Turnellius Doctor & Professor Sorbonicus in suo de Sacramentis tractatu sic loquitur: » hanc de baptismo Hæreticorum causam Stephano quidem ad dogma fidei pertinere » visam fuisse, ut mox ostendemus, non verò Cypriano, » Firmiliano & aliis. *Et pag. 435.* Stephano igitur reluc- » tatus est Cyprianus, quare? Quia Africane libertatis plus » æquo amans ac studiosus, aliunde verò propter intentatam » à Stephano excommunicationis poenam subinsensus nega- » bat R. Pontificem jus habere in rebus disciplinæ, qualem » putabat esse quæstionem de baptismo ab Hæreticis collato, » cæteras Ecclesias ad suam sententiam & praxim adigendi &

(a) Pag. 96. & 97. edit. Anonym. 1717. *S. Etienne & S. Cyprien regardoient de part & d'autre cette dispute comme un point de pure discipline. ... S. Cyprien ne peut être excusé de sa résistance au Pape Etienne que parce qu'ils contestoient ensemble de la validité du Bâptême des Hérétiques comme une question de pratique & de pure discipline.*

(b) Pag. 83. edit. Luxemb. 1712. *Il doit donc demeurer pour constant & indubitable que S. Cyprien a regardé la question du Bâptême des Hérétiques purement comme un point de discipline.*

(c) Tom. 1. pag. 373. edit. Paris. 1712.

(d) Pag. 45. edit. Paris. 1712.

(e) Quæst. 7. art. 2. pag. 428. edit. Paris. 1727.

» longius profectò quàm par sit progressus S. Martir om-  
 » nes subordinationis ac jurisdictionis Ecclesiasticæ leges sub-  
 » vertere videtur, neque aliter excusari potest, quàm si  
 » verba ipsius ad unam de disciplinâ quæstionem restringan-  
 » tur, & pag. 437. hereseos rei non erant quotquot Ste-  
 » phano reluctabantur, cum illi arbitrentur de unâ disci-  
 » plinâ, quæ salvâ fide varia esse potest, quæstionem moveri.  
 Hic, ut vides, non solum affirmat celebris Sorbonæ Pro-  
 fessor quæstionem de Hæreticorum baptismo non ad fidei  
 dogma sed ad unam versatilem disciplinam pertinere Cypriano  
 visam fuisse, sed etiam apertissimè tradit Cyprianum in hoc  
 dissidio Africanæ libertatis plus æquo amantem longiùs quàm  
 par fuerit progressum fuisse, omnesque subordinationis ac  
 jurisdictionis leges subvertere videri, atque aliter excusari  
 posse, quàm si verba ipsius ad unam de disciplinâ quæ-  
 stionem restringantur; quàm longè à Neotericorum placitis  
 hæc distant.

Antonius Boucat Parisiensis Theologus in suo de Sacra-  
 mentis tractatu, *hanc*, inquit pag. 371. » de rebaptisandis  
 » Hæreticis controversiam 3°. seculo & 4°. etiam inchoante  
 », de merâ extitisse disciplinâ non uno probatur argumento,  
 », 1°. Quidem eo quod S. Cyprianus & Firmilianus unita-  
 » tem cum S. Pontificè semper servaverint, &c. & sic con-  
 » cludit pag. 373. sequitur ex his nec Cyprianum & Fir-  
 » milianum peccasse, cum in hoc tantummodò disciplinam  
 » quam putabant genuinam defenderent, & pag. 388. si  
 » quæstionem de fide esse credidisset Cyprianus, dubiò pro-  
 » cul alteram opinionem anathemate advertisset, nec pro-  
 » nuntiasset liberum esse unam aut alteram sequi disciplinam.

Qui vulgò apud Gallos appellatur *Petit Tournelli* seu  
 latinè *Turnellius contractus* in tractatu de Sacramentis *totam*  
*hanc*, inquit, *controversiam* ( de bapt. Hæret. ) *pertinere ad*  
*disciplinam, in quâ cuique liberum est sentire ac facere quod*  
*vellet,*

vellet, existimabat Cyprianus; (a) idque multis probat argumentis pag. 137 & seq.

Jacobus Hiacintus Serri Doctor Sorbonicus in sua de R. Pontifice falli & fallere nescio dissertatione edita an 1734. cap. 8. pag. 52. » reponimus, *inquit*, divum Cyprianum ceterosque Episcopos Africanos existimasse quæstionem de rebaptis. Hæreticis ad meram disciplinam spectare, nequaquam ad fidem; ideoque nil mirum si decreto Stephani primi R. P. obstiterint Africani, quod nempe putarint Ecclesias toto Orbe diffusas non omnino tene-ri ad Ecclesiæ Romanæ disciplinam in omnibus amplectendam, etsi ad ejus fidem communiter amplectendam tenerentur.

His adstipulari meritò censendi sunt, qui nitidè testantur Cyprianum suæ opinionis originem non à Christo, non ab Apostolis, sed ab Agrippino Prædecessore suo repetiisse, ex hoc enim necessariò sequitur Cyprianum non fidei, sed meræ disciplinæ suam opinionem retulisse, nisi velint (quod de scriptoribus mox citandis nemo suspicabitur) tantà Cyprianum ignorantia laborasse, ut ad fidem aliquatenus pertinere crediderit, quod ab Agrippino ortum habere censebat, ii verò sunt.

Jambertus Doctor & Professor Sorbonicus ad quæstionem 64. ubi de Sacramentis (b) » Agrippinus, *inquit*, » Prædecessor S. Cypriani in Episcopatu primus censuit baptismum collatum ab Hæreticis esse nullum: sic S. Augustinus refert lib. 2. cont. donat. Cap. 7. ex ipsomet S. Cypriano Ep. ad Quintum & epist. ad Jubaian .... Cyprianus in Epistolâ citatâ ad Jubaian. dicit se rem non quidem ita repentinam, sed tamen ab Agrippino uno ex suis Prædecessoribus institutam facere .... deinde tam in illâ Epistolâ quàm in concilio 87. Episcoporum ait rationem & veritatem esse præponendam consuetudini, ergo » supponit traditionem fuisse contrariam suæ opinioni; » &

(a) Quæst. 7. art. 1. pag. 130, edit. Paril. 1730.

(b) Disput. 4. artic. 1. pag. 121, edit. Paril. 1619.

disput. 5. de iudice controversiarum art. 3. num. 7. dicit cum S. Augustino : *Cyprianum traditionem impugnasse*. Ad mentem itaque Professoris Sorbonici Cyprianus testatur in Epist. ad Quintum, & ad Jubaian- Agrippinum *primum* censuisse baptismum collatum ab Hæreticis esse nullum, Cyprianus dicit ab Agrippino *institutam* fuisse Hæreticorum rebaptisationem, & revera *traditionem* suæ opinioni fuisse contrariam fatebatur.

Claudius Frassen Doctor Sorbonicus in tractatu de Sacramentis (a) » Agrippinus, *inquit*, primus omnium censuit » ac definiit nullum esse Baptismum Hæreticorum... si enim » alius antiquior dogma istud tradidisset, haud dubiè laudaretur à S. Cypriano, & pag. 95. tam Cyprianus ipse » quàm ejus Collegæ in Concilio apertè agnoverunt consuetudinem & traditionem Ecclesiasticam sibi adversari.

Tillemontius Hist. Eccles. S. Cyprianus, *inquit*, satis apertè fatetur se antiquam non sequi consuetudinem in recipiendis ab Hæreticis baptisatis, (b) & infra S. Cyprianus & Augustinus Agrippino tribuunt rebaptisationis originem. (c)

Fleuriacus in sua Historia Ecclesiastica » S. Cyprianus, *inquit*, ostendit in suo de unitate Ecclesiæ tractatu » ab Agrippino, qui primus antiquam mutaverat consuetudinem, suam de rebapt. Hæreticis opinionem accepisse, (d) & rursus Cyprianus antiquam non rebaptisandi consuetudinem sibi adversari fatetur quidem, sed eam rationi subijciendam esse contendit (e)

Baillet de vitis Sanctorum ad diem 16. Decembris pag. 188. » S. Cyprianus, *inquit*, suæ opinionis Adinventor non fuit, sed ut ipse fatetur in suo de Ecclesiæ unitate trac-

(a) Artic. 3. quest. 3. pag. 88. edit Paris, 1677.

(b) Tom. 4. artic. 43. pag. 139. S. Cyprien reconnoît assez clairement qu'il ne suivait pas l'ancienne coutume.

(c) Ibidem. pag. 149. S. Cyprien & S. Augustin même rapportent à Agrippin le commencement de cette pratique de rebaptiser.

(d) Tom. 2 lib. 7. cap. 16. pag. 279. S. Cyprien tenoit cette doctrine comme il paroît dans son traité de l'unité de l'Eglise de son prédécesseur Agrippin qui avoit été le premier à changer l'ancienne coutume.

(e) Ibid. pag. 281. S. Cyprien convient de l'ancienne coutume de ne pas rebaptiser les Hérétiques, mais il dit que la raison doit l'emporter.



»tatu eam accepit ab Agrippino, qui antiquam in Africâ  
»mutaverat consuetudinem. (a)

Autor operis cui titulus : »Remarques sur la bibliot. des  
»Auteurs Ecclésiastiques de M. Dupin *sic loquitur* obser-  
»vari potest, quod Cyprianus in quæstione Baptismatis Hæ-  
»retic. fatebatur traditionem Ecclesiæ non tantum Romanæ,  
»sed etiam Africanæ suæ opinionis esse contrariam ; agnos-  
»cebat Cyprianus Agrippinum primum fuisse qui in Africâ  
»cæperat Hæreticos rebaptizare. (b)

L'Herminier Docteur Sorbonicus in tractatu de Sacramen-  
tis (c) »Primus, *inquit*, hanc consuetudinem iterum bap-  
»tismi ab Hæreticis baptizatos introduxit Agrippinus Car-  
»thaginen. Episcopus teste S. Cypriano, & pag. 133. Cy-  
»prianus tacite fatebatur sibi adversari antiquam Ecclesiæ  
»Occidentalis consuetudinem. *Post hac timidum ultro dixerim*  
»*Sorbonicum nostrum quando ait pag. 149.* Fortè etiam pu-  
»tabat Cyprianus id solum pertinere ad disciplinam, non ad  
»fidem

Eruditus P. Marand Benedictinus in præfatione, quam  
Balusianæ Cypriani operum editioni præfixit hæc habet  
(d) *Cyprianus opinionis suæ de tingendis in hæresibus ptis-  
tis fontem & caput Agrippinum agnoscit ; id nec ipse diffiteri  
pòtuit vitæ Cyprianicæ Autor. S. Augustinus, inquit &  
S. Cyprianus hujusce rebaptisandi praxis originem ad Agrip-  
pinum referunt.* (e)

Tandem Cyprianum non fidei, sed meræ devouisse dis-  
ciplinæ controversiam de rebaptis. Hæreticis docet ætate  
nostrâ schola Sorbonica pariter ac Navarica. Danesius Docteur

(a) Pour ce qui est de S. Cyprien son opinion n'étoit pas née avec la dispute, il la tenoit des auparavant comme on le voit dans son traité de l'unité de l'Eglise. & la tenoit d'Agrippin qui avoit changé en Afrique l'ancienne coutume.

(b) Tom. 1. pag. 275. edit. Paril. 1691. On peut remarquer que dans la question du Bapême des Hérétiques S. Cyprien convenoit que la tradition des Eglises d'Afrique aussi

bien que celle de l'Eglise Romaine étoit contraire à son sentiment, que c'étoit Agrippin qui avoit commencé le premier en Afrique à rebaptiser les Hérétiques.

(c) Pag. 25. edit. Paril. 1711.

(d) Pag. 15. edit. Paril. 1726.

(e) Lib. 5. cap. 1. pag. 171. S. Augustin & S. Cyprien, qui rapportent à ce Prêlat (Agrippin) le commencement de cette pratique de rebaptiser.

ac Professor Sorbonicus in suis Theologicis de Ecclesiâ prælectionibus in Sorbonâ habitis an. 1717. *Policrates*, inquit disput. 1. quæst. 1. art. 3. conclus. 4. in responsione ad 3. instantiam primæ objectionis » & Cyprianus existimabant, licet immerito, agi inter se & R. Pontificem de eo » genere disciplinæ, circa quam unicuique Ecclesiæ concessum est quod expedire sibi magis visum fuerit sequi . . . » unde Cyprianus disertis verbis dicit in Epist. ad Jubaian. » agi eâ de re inter ipsum & R. Pontificem, de quâ » unusquisque Episcopus liberum habet arbitrium judicandi, » rationem soli Deo redditurus, sicine locutus fuisset S. Martyr de quæstione, quam putaret pertinere ad fidem? » Aut in quâ ab universali Ecclesiâ decretum edi posse existimaret, cui obedire omnes & singuli Episcopi adstricti » essent?

Sovestre Doctor & Professor Navarricus in suis Theologicis de Sacramentis prælectionibus Navarræ habitis an. 1738. » paulò durioribus, inquit art. 4. §. 2º. verbis » conquetti sunt Cyprianus & Firmilianus de Stephani agendi » ratione; quid ita? quia Cyprianus & Firmilianus quæstionem hanc tanquam meræ disciplinæ spectabant; *ibique multis probat Cyprianum existimasse hanc de Baptismo Hæreticorum quæstionem* pertinere ad disciplinam tantum.

Brillon Doctor & Professor Sorbonicus, Beuret Doctor & Professor Navarricus in suis Theologicis de Sacramentis prælectionibus in Sorbonâ habitis an. 1730. Navarræ autem an. 1742. docent S. Cyprianum rebaptisationis Hæreticorum originem ad Agrippinum tanquam ad primum ejus parentem revocasse, ex quo necessario sequitur, ut jam diximus, Cyprianum non fidei sed meræ disciplinæ devovisse suam de rebaptisandis Hæreticis sententiam, nisi velint clarissimi Professores, quod præsumendum non est, Cyprianum tantâ ignorantia laborasse ut ad fidem aliquatenus pertinere crediderit, quod ab Agrippino ortum habere censebat; *ipse Cyprianus* inquit D. Brillon quæst. 3.

*restatur usum rebaptisandi ad Agrippinum tanquam ad primum ejus parentem revocari oportere.* D. Beuret quæst. 6. art. 2. *primus, inquit, qui rebaptisandos ab Hæreticis baptisatos habito de eâ re Concilio censuit, fuit Agrippinus Carthaginensis Episcopus ex S. Cypriano tum Epist. 71. ad Quintum tum 73. ad Jubaian.*

Sapientissimis sacræ Theologiæ Magistris subscribunt Baccalarei Theologiæ candidati, qui in suis publicis pro obtinendo licentiatûs gradu Thesibus à Decano Parisiensis Theologiæ facultatis approbatis passim propugnant Cyprianum non ad fidem, sed ad disciplinam pertinere censuisse hanc de rebaptisandis Hæreticis controversiam, ex innumeris nonnullos, ne morosiores simus, appellabimus.

Mathurinus Verdier Præbiter Andegauensis & Canonicus in suâ minore ordinariâ die 14. Junii an. 1732. Præside Francisko Vaulthier Doctore Theologo hanc Conclusionem Parisiis propugnavit. » Inductum jam ab Agrippino » Carthagin. Antistite rebaptisantium errorem paulò fervi- » dius adversus S. Stephanum Summum Pontificem pro- » pugnavit S. Cyprianus, at in hoc dogma fidei agi mi- » nimè censuit, sed opinionem suam Theologorum instar » Scripturæ probationibus voluit innixam.

Joannes Mazeas Præbiter Leonensis in suâ minore ordinariâ die 21. Maii an. 1738. Præside Joanne Thevenet Theologo hanc conclusionem Parisiis propugnavit: *questionem de baptismo Hæreticorum ventilatam ad fidem pertinere non quidem Cyprianus, sed putavit Stephanus.*

Nicolaus le Grand socius Cardinalitûs in suâ minore ordin. die 11. Augusti 1738. Præside Josepho le Cômte Doctore Theologo: » rebaptisantium, *inquit*, parens Agrip- » pinus, Coriphæi SS. Cyprianus & Firmilianus patrium » morem ad disciplinam pertinere rati.

Franciscus Allain Præbiter Leonensis in suâ minore ordin. die 3. Novembris 1738. Præside Josepho Gargni Doctore Theologo: » collatum, *inquit*, ab Hæreticis Baptis-

» mum iteravit primus Agrippinus deinde SS. Cyprianus &  
 » Firmilianus qui quæstionem hanc non ut dogma fidei, sed ut  
 » quæstionem liberam & ad disciplinam pertinentem habue-  
 » runt.

Claudius Bonnelle Presbiter Parisinus in suâ minore ordin. 22. Maii an. 1738. Præsede Petro Regnault Doctore Theologo : „ oppositam, *inquit*, equidem sententiam plus „ æquo vividius propugnavit S. Cyprianus, at rem non „ ad fidei normam, sed ad disciplinæ quæstionem revoca-  
 „ vit.

Joannes-Baptista Picard Presbiter Parisinus in suâ minore ordin. die 14. Junii anno 1738. Præsede Jacobo General Doctore Theologo : „ Hanc sententiam, *inquit*, impugnârunt D. „ Cyprianus & plures Africæ Episcopi; hanc sententiam non „ ad dogma fidei, sed ad disciplinam pertinere putabant.

Jacobus de l'Ecluze Præsbiter Sagienſis in suâ minore ordin. die 2. Novembris 1739. Præsede Alexandro Thomas Doctore Theologo : „ S. Cyprianus, *inquit*, Firmilianus „ consuetudine suarum Ecclesiarum innixi, & causam hanc „ ad meram disciplinam pertrahentes, pro rebaptisatione sta-  
 „ bant.

Franciscus Dupont Diaconus Sueffionensis & socius Sorbonicus in suâ minore ordin. die 7. Junii an. 1742. Præsede Carolo le Febvre Doctore Theologo : „ rebaptisanti, „ *inquit*, Cypriano obstitit Sanctus Stephanus; ille quæstio- „ nem ad disciplinam, non ad fidem pertinere censebat.

Dominus Drouin Præsbiter Tullensis in suâ minore ordin. die 19. Junii an. 1742. Præsede Joanne Baptista Aronio de Monti Doctore Theologo : „ rebaptisationem, *inquit*, „ ut disciplinam propugnare SS. Cyprianus, Firmilia-  
 „ nus, impugnavit S. Stephanus.

Quid amplius? restantur ipsimet Sorbonici Professores communem ætate nostrâ Theologorum esse sententiam, quod S. Cyprianus non ad fidem, sed ad meram disciplinam pertinere censuerit causam de baptisinate Hæreticorum.

Vogan Doctor & Professor Sorbonicus in suis Theologicis de Sacramentis prælectionibus in Sorbonâ habitis an. 1737. „alii, *inquit*, communiter S. Cypriani resistentiam „excusant, quod putaverit ejusmodi controversiam non ad „fidem pertinere, sed tantum ad disciplinam; unde concludunt S. Doctorem in hac hypotesi merito censuisse disciplinam in Africâ receptam, & variis Conciliis confirmatam, tam non potuisse à Summo Pontifice invitis Africanis permutari vel abrogari.

De la Haye Doctor & Professor Sorbonicus in suis Theologicis de Baptismo prælectionibus in Sorbona habitis an. 1738. Plures Theologi, *inquit*, cap. 5. art. 1<sup>o</sup>. „ut Natalis „Alexander, Honoratus Tornelly & cæteri hujusce nostræ ætatis contendunt S. Cyprianum quæstionem rebaptisationis, ut nudæ disciplinæ negotium duxisse.

Ex his omnibus manifestissime liquet universalem esse Galliæ Theologorum sententiam, quod S. Cyprianus hanc de rebaptisandis Hæreticis controversiam non fidei sed meræ disciplinæ adscribebat. Haud quidem me latet ex Jansenianis & Quesnelistis plures, ut viam sibi sternant ad inficiandam Ecclesiæ, ut vulgò dicitur dispersæ, inerrantiam contendere, ac vociferari S. Cyprianum in hac quæstione agi de dogmate censuisse; verum ubi à communi Catholicorum Galliæ Theologorum doctrinâ recedunt, neminem fore puto Gallis adeò insensum ac iniquum, ut à Jansenianis & Quesnelistis potius quàm à Catholicis genuinos ipsorum sensus depromendos esse velit.



## CAPUT SECUNDUM.

*JUXTA UNIVERSALEM GALLIÆ THEOLOGORUM ac scriptorum Doctrinam S. Cyprianus probè noverat quam S. Stephanus asserebat consuetudinem, non peculiarem Romano Pontifici, sed universalem fuisse tunc temporis Ecclesiæ consuetudinem, ac ab omnibus Episcopis antiquitus servatam fuisse.*

**E** Minentissimus Card. du Perron in suâ replicatione ad ~~Magna-Britanniæ~~ Regis responsionem hæc habet pag. 839. *Objiciunt Hæterodoxi* » Cyprianum in causâ baptis- » matis Hæreticorum opponentibus consuetudinem seu tra- » ditionem non aliquibus peculiarem, sed universalem Ec- » clesiæ respondisse Christum Dominum non dixisse, ego » sum consuetudo; sed ego sum veritas; sed addere etiam » debebant Cyprianum tunc temporis contra veram Ecclesiæ » doctrinam disputasse. (a) Si Cypriano ignotum censuisset Perronius quòd Stephani consuetudo universalis fuisset Ecclesiæ praxis, proculdubio Hæreticis reposuisset Cyprianum ideo huic consuetudini seu traditioni non acquiescisse, quia peculiarem alicui Ecclesiæ, non verò universalem eam esse putabat, proindeque ab Hæreticis immeritò Cypriani exemplum asserri ad evitendam universalium traditionum auctoritatem. Facilis ac peremptoria fuisset ista responsio, imò debita, ut potè quæ Cyprianum ab exitiali culpâ adversus

(a) Ils réchargent (les Hérétiques) que S. Cyprien dit ailleurs non parlant d'une coutume, mais je suis la vérité; mais ils doivent aussi ajouter que S. Cyprien disputoit lors contre la vraie doctrine de l'Eglise touchant le baptême des Hérétiques que notre Seigneur n'a point dit, je suis la coutume, mais je suis la vérité; mais ils doivent aussi ajouter que S. Cyprien disputoit lors contre la vraie doctrine de l'Eglise. Je. pag. 839. edit. Paris. 1620.

Hæreticorum

Hæreticorum calumnias vindicasset. Tamen Hæreticis concedit eruditus Cardinalis Cyprianum nec ipsi universali Ecclesiæ consuetudini cedere voluisse, ac faretur ipsum non modo contra Stephani, sed & *contra Ecclesiæ Doctrinam disputasse*. Hanc ergo Ecclesiæ consuetudinem ac Doctrinam sibi adversari noverat Cyprianus ad mentem Emin. Præsulis.

Illustrissimus Languetius Senonensis Archipræsul in documento Pastoralis » contenant les remarques sur l'instruction » de Mr. le Card. de Noailles *edito an. 1719*. Cyprianus » *inquit pag. 95.* & Africani Præsules meritiè summo » Pontifici & Orbi universo restiterunt ? (a) & *pag. 96.* Felicior & Sanctior Cyprianus fuisset, si resistentiæ docilitatem » prætulisset, si fateri voluisset sedem Apostolicam cum » majori Episcoporum numero conjunctam victicem semper » extitisse. (b) Cum igitur velit clarissimus Antistes Cyprianum in eo culpandum esse, quod summo Pontifici & Orbi universo restiterit, quod sedem Apostolicam una cum majori Episcoporum numero invictam semper esse noluerit agnoscere, pro certo tenet ac indubio notum Cypriano probè fuisse *sedem Apostolicam, majorem Episcoporum numerum, Orbem universum suæ opinioni contrariam extitisse.*

Illustrissimus de Saleon Ruthenenſis Episcopus in documento Pastoralis, *sur l'autorité des décisions de l'Eglise edito an. 1738. parte 1. pag. 235.* Culpa inquit S. Cypriani eo minus excusanda erat, quod non solum Stephani decreto sed etiam universalis Ecclesiæ consuetudini remittebatur; (c) & paulo post S. Cyprianus ipse Ecclesiæ consuetudinem suæ opinioni contrariam esse fatetur, (d) quod deinde ex S. Augustino aliisque confirmat. Nil Luculentius pro re nostrâ.

(a) S. Cyprien, les Evêques d'Afrique eurent-ils raison de résister au Pape & au reste du monde?

(b) S. Cyprien eût été plus heureux, plus saint, plus grand, s'il eût préféré le parti de la docilité à celui de la résistance, & s'il eût enfin reconnu que le s. siège, avec le plus grand nombre des Evêques, a toujours été vainqueur.

(c) La sainte de S. Cyprien étoit d'autant moins excusable qu'il agissoit non seulement contre le décret du Pape Etienne, mais encore contre la pratique de l'Eglise Universelle.

(d) S. Cyprien lui-même reconnoît que la coutume de l'Eglise étoit contraire à son sentiment.

Eminentissimus Card. de Noailles Parisiensis Archiepiscopus in docum. Pastoralis dato die 14. Januarii 1719. palam agnoscit S. Cyprianum non modò Stephani Romani Pontificis, sed & pluralitatis Episcoporum auctoritati restitisse ac cedere noluisse; *Restitit quidem* inquit pag. 73. *S. Cyprianus auctoritati Stephani Rom. Pontificis & pluralitatis Episcoporum, cessisset tamen juxta Augustinum plenarii Concilii judicio.* (a) Eminentissimo Præfuli planè concinunt Episcopi Apamiensis, Senensis, Monspeffulani, Bononiensis, Antissiodorensis & Maconensis in ipsorum responsione ad Pastorale documentum Emin. de Bissi edità an. 1723. pag. 87. atque in aliis elucubrationibus quas vulgarunt. Cum ergo S. Cyprianus Romano Pontifici & Episcoporum pluralitati cedere noluerit, profectò noverat pluralitatem Episcoporum una cum Stephano Rom. Pontifice sibi adversari.

Isambertus Doctor & Professor Sorbonicus ad quæstionem 64. ubi de Sacramentis, disputat. 4. artic. 1. pag. 121. „S. Cyprianus inquit tam in illà Epistolà (*ad Jubaianum*) „quàm in Concilio 87. Episcoporum ait rationem & veritatem esse præponendam consuetudini, ergo supponit „traditionem fuisse contrariam suæ opinioni, & paulò infra „non negat Cyprianus hanc *Hæreticos non rebaptisandi* esse „communem traditionem Ecclesiæ, ut Augustinus rectè notat „lib. 3. de baptismo cap. 12.

P. Frassen Doctor Sorbonicus in tractatu de Sacramentis att. 3. quæst. 3. pag. 95. „tam Cyprianus ipse quam ejus „Collegæ in Concilio apertè agnoverunt consuetudinem & „traditionem Ecclesiasticam sibi adversari, si quidem plures inculcant consuetudinem debere cedere veritati, & pag. „100. *Ut probet S. Cyprianum à suâ sententiâ tandem recessisse, ita prosequitur*: Non est verisimile S. Cyprianum „pertinaciter suæ opinioni adherere voluisse contra senten-

(a) S. Augustin remarque que si S. Cyprien avoit résisté à l'autorité du Pape Étienne & de la pluralité des Evêques, il auroit indubitablement cédé au jugement du Concile Plénier.



„ tiam ab omnibus fidelibus toto Orbe propugnatam &  
 „ assertam ; quâ ratione enim vir sanctissimus absque ma-  
 „ nifestâ culpâ potuisset suum sensum privatum communi  
 „ Ecclesiæ sententiæ opponere.

Autor defensionis declarat. Cleri Gallic. an. 1682. sub  
 nomine Bossuetii Meldensis olim Episcopi extra Galliam  
 vulgatæ parte 2. lib. 14. cap. 7. pag. 266. „ Neque verò  
 „ *inquit* aliud Stephanus prædicabat & quidem urgebat con-  
 „ suetudinem , sed universalem , sed ab Apostolis constanti-  
 „ simo tenore ad nos usque deductam , quam liber anonymus  
 „ apud Rigaltium Stephani tempore adversus Cyprianum  
 „ Cyprianique asseclas conscriptus appellat vetustissimam con-  
 „ suetudinem Ecclesiæ. . . quin ipsâ flagrante discordiâ Cy-  
 „ prianus ejusque Collegæ Africani consuetudinem sibi ad-  
 „ versari ultrò fatebantur : id sæpè Augustinus notat. Uni-  
 „ versalem quam Stephanus urgebat Ecclesiæ consuetudinem  
 sibi adversari ultrò fatebatur Cyprianus juxta expressam fa-  
 mosi hujusce defensoris sententiam.

Fleuriacus Hist. Eccl. tom. 2. lib. 7. cap. 26 pag.  
 281. „ Veterem Ecclesiæ consuetudinem Cypriano oppo-  
 „ nebant Episcopi non rebaptisantes , illam fatetur quidem  
 „ S. Cyprianus , at rationi subjiciendam esse contendit ( a )  
 Fleuriacum excribit D. Cellier Benedictinus Hist. Sacror.  
 Autorum tom. 3. pag. 132.

Tillemontius Hist. Eccl. tom. 4. artic. 43. de Cypria-  
 no pag. 139. „ S. Cyprianus *inquit* satis apertè faretur se  
 „ antiquam non sequi Ecclesiæ consuetudinem ; ( b ) &  
 „ pag. 144 plerique Episcopi Concilii Cartaginensis 3. ( in  
 „ causâ nimirum baptismi Hæreticorum ) ideò juxta Au-  
 „ gustinum asserunt veritatem consuetudini esse præpo-  
 „ nendam , quia tunc etiam temporis eorum praxis consue-

( a ) S. Cyprien s'efforça de répondre aux deux raisons des Evêques qui ne rebapti-  
 soient point , la première que le Bâptême est la raison doit l'emporter.  
 ( b ) S. Cyprien reconnoît assez claire-  
 ment qu'il ne suivoit pas l'ancienne coutu-  
 me ( de l'Eglise )

„tudini pluralitatis Ecclesiarum erat contraria. (A)

Autor Operis Gallicè inscripti „ remarques sur la Biblio-  
„ teque des Auteurs Ecclesiast. de Mr. Dupin sic loquitur  
„ tom. 1. pag. 275. observari potest quod in questione bap-  
„ tismatis Hæreticorum S. Cyprianus fatebatur traditionem  
„ non modò Ecclesiæ Romanæ, sed etiam Ecclesiarum Afri-  
„ canarum suæ opinionì esse contrariam. (b)

Natalis Alexander Hist. Eccles. tertii sæculi dissert. 12.  
art. 1. pag. 686. „ justissima inquit fuisset excommunicatio  
„ à Stephano Papà in Cyprianum ipsique consentientes in  
„ dogmate de rebaptisandis Hæreticis Episcopos. Quis enim  
„ justè excommunicari neget eos qui errorem tuentur ab  
„ Apostolicâ sede, & aliis Ecclesiis damnatum, & in errore  
„ manent pertinaces? Cum itaque hic esset Cypriani status  
„ non fuisset injustè in eos lata excommunicatio à Stephano.  
Cypriani in suâ opinione pertinacia aliis excusatione, aliis  
laude digna videatur, excommunicationem & quidem justis-  
simam hujuscè Sorbonici Doctoris judicio merebatur. Quare?  
Quia Cyprianus suam opinionem contra Stephani R. Pontifi-  
cis & aliarum Ecclesiarum sententiam pertinaciter tuebatur.  
Ex quo liquet Cyprianum haud ignorasse alias Ecclesias unâ  
cum Stephano sibi adversari. Citata Natalis Alexandri verba  
refert, probatque D. Chiconot in dissertatione Gallicâ *sur la  
celebre dispute entre le Pape S. Etienne & S. Cyprien* Pari-  
siis editâ an. 1725. pag. 198. qui & addit doceri commu-  
niter à Theologis S. Cyprianum suam opinionem adversus  
Stephani R. Pontificis & aliarum Ecclesiarum judicium per-  
tinaciter propugnasse.

Duhamel Doctor Sorbonicus in suâ Theologiâ : *erravit in-*  
*quit hâc in re Cyprianus, sed non deseruit unitatem Ecclesia-*  
*neque aded in schisma aut hæresim incurrit, licet non agiteve-*

(a) S. Augustin demande pourquoi la  
plupart de ces Evêques ( du 3. Concile  
de Carthage ) disent , qu'il faut préférer la  
vérité à la coutume , c'est parce qu'alors  
même leur pratique étoit contraire à la cou-  
tume de la plupart des Eglises.

(b) On peut remarquer que dans la ques-  
tion du Batême des Hérétiques S. Cyprien  
convenoit que la tradition des Eglises d'A-  
frique aussi bien que celle de l'Eglise Ro-  
maine étoit contraire à son sentiment.

rit huic Ecclesiæ traditioni (a) non Romano Pontifici tantum, ut vides, sed nec Ecclesiæ traditioni acquiescere voluit S. Cyprianus.

L' Herminier Doctor Sorbonicus in tractatu de Sacramentis pag. 133. *perpetuam* inquit *hanc traditionem* (Hæreticos non rebaptisandi) *Ecclesiæ colligimus ex ipso S. Cypriano, qui non traditione sed ratione vincendum putat.* Non ergo certè hanc S. Cyprianus ignorabat perpetuam Ecclesiæ traditionem sibi adversari.

Juenin in suo Commentario de Sacramentis quæst. 5. art. 3. §. 6. pag. 100. *de antiquâ* inquit *Ecclesiæ traditione* Hæreticos non rebaptisandi *Cyprianus ipse conveniebat*, & paulò post ex S. Augustino probat S. Cyprianum universalem hanc Ecclesiæ consuetudinem ubique intuitum fuisse his verbis: *sic de Cypriano loquitur Augustinus: ubique intuens universalem robustamque consuetudinem . . . idem S. Doctor asserit Cyprianum egisse adversus totius Orbis morem.*

Du Saussloi in libello cui gallicè titulus „ la vérité ren-  
„ duë sensible tom. 2. pag. 59 S. Cyprianus non putavit se  
„ teneri ad amplectendam Stephani Pape sententiam, quamvis  
„ huic Pontifici major sine dubio Episcoporum numerus  
„ adhereret. (b) Auctor libelli *inscripti* réponse au premier  
„ avertissement de Mr. l'Evêque de Soisson *editi an.* 1722.  
„ *hac habes* pag. 212. S. Cyprianus Firmilianus alique plu-  
„ res Episcopi ipsis additi numero longè inferiores erant  
„ ceteris, qui Stephano adharebant Episcopis; at tamen Cy-  
„ prianus meritò juxta S. Augustinum his autoritatibus quan-  
„ tumlibet magnæ essent cedere noluit. (c) Omisâ impu-  
„ dentissimâ S. Augustino ab hoc Autore impactâ calumniâ,

(a) Tom. 1. dissert. 3. de traditione cap. 2. pag. 87. edit. Paris. 1690.

(b) S. Cyprien ne se crût pas obligé de déférer au jugement du Pape Etienne, quoique ce Pape eut pour lui, sans contredit, le plus grand nombre des Evêques.

(c) S. Cyprien, Firmilien & beaucoup d'autres Evêques qui leur étoient attachés, étoient en petit nombre en comparaison du

parti nombreux qui soutenoit la validité du Bapême conféré par les Hérétiques. Le Pape Etienne étoit à la tête de ce dernier parti, il avoit décidé qu'il ne falloit rien honorer, cependant S. Augustin soutient que S. Cyprien avoit alors raison de ne se point rendre à ces autorités quelque grandes qu'elles fussent.

Constat ex adductis testimoniis S. Cyprianum Stephani & longè majoris Episcoporum numeri auctoritati cedere noluisse. Sciebat ergo Cyprianus non modò Stephanum sed & longè majorem Episcoporum numerum sibi adversari.

P. Coustant Benedictinus in suo de Epistolis Rom. Pontificum opere tom. 1. pag. 253. „ Ne igitur *inquit* majores „ suos ac totam penè Ecclesiam damnare Cyprianus videretur „ Episcoporum unicuique permisit sentire vel agere quid „ melius judicaret. *Et paulò infra sic pergit* : durum videbatur Cypriano communionem eis negare qui servarent quod „ in OMNIBUS PROPE ECCLESIIS VIDEBatur SERVARI , quodque à majoribus suis ante Agrippinum observatum esse non „ ignorabat ; cum Stephano enim conspirabant omnes Ecclesie præter Africanas & paucas Orientis provincias , in „ Africâ morem eundem ad Agrippinum usque obrinuisse „ Cyprianus & socii fatebantur. *Nil apertius.*

Theologus Anonymus in suis Epistolis gallicè inscriptis : „ Lettres d'un Theologien à Mr. l'Evêque de Soisson, pour „ servir de réponse à celle que ce Prélat a écrit à Mr. l'Evêque de Boulogne *editis an 1721. hac habet Epistola* 1. „ pag. 133. „ S. Cyprianus Papæ Stephani judicio licet à „ majori Episcoporum numero recepto cedere numquam voluit , suam opinionem mordicus retinuit. ( a ) *Idem profert libellus inscriptus* refutation abregée du traité du Schisme „ editus an. 1718. pag. 5. certum est pluralitatem Episcoporum Stephano adhesisse , quod Cyprianus ignorare non „ poterat ( b ) & pag. 41. & *segg. hac propositio statuitur ac multis probatur argumentis* : Cyprianus cum Stephani decreto restitit , certissimè sciebat pluralitatem Episcoporum „ Stephano adhærere ; ( c ) eadem leguntur in libello inscripto *Lettre de Mr. l'Abbé \*\*\* à Monseigneur l'ancien Evêque*

( a ) S. Cyprien ne voulut jamais céder côté de S. Etienne , ce que S. Cyprien ne pouvait ignorer.

( c ) S. Cyprien dans le refus qu'il fit de se soumettre au Décret du Pape , sçavoit très-certainement que celui-ci avoit la pluralité de son côté.

( b ) Il est certain que la pluralité étoit du

\*\*\* edito an. 1718. pag. 46. & 47. item in libello cui titulus: *observations sur le premier avertissement de Mr. de Soissons* edito an. 1719. pag. 94. item in libello sub hoc titulo: *Mémoire dans lequel on examine ces deux questions 1°. Si l'appel &c. 2°. Quelle est la force de cet appel &c* pag. 9. atque in aliis pluribus id generis scriptis typis furtivis in lucem editis.

Turnelius Doctor ac Professor Sorbonicus in tract. de Sacramentis quæst. 7. art. 2. conclusione 1. pag. 377. ex constanti inquit porro Ecclesia traditione longè firmius deducitur argumentum, ( pro rejiciendâ nimirum Hæreticorum rebaptisatione ) quod certè Subodoratus Cyprianus, ac causa sua veluti diffidens si ad traditionem provocaret, non consuetudine seu traditione pugnandum hic esse contendebat, sed ratione. Si quartas à Professore Sorbonico curatione, non verò traditione in causâ baptismatis Hæreticorum pugnandum esse voluerit Cyprianus? Respondet quia Cyprianus suæ causæ difidebat si ad Ecclesiæ traditionem provocaret; sciebat, ergo Cartaginensis Antistes traditionem seu Ecclesiæ consuetudinem suæ opinioni esse contrariam. Idem de Cypriano scribit qui vulgò apud Gallos vocatur *Petit Tornelli* seu latine *Turnellius contractus* in tractatu de Sacramentis quæst. 7. art. 3. pag. 131.

De Reveronî Licentiatu Sorbonicus in dissertatione dogmaticâ de dissidio inter S. Stephanum & S. Cyprianum jam laudatâ sic loquitur pag. 93. » quodnam ergo judicium, de pertinaciâ Cypriani ferretur, qui decretum summi Pontificis & omnium ferè Ecclesiarum infringere minimè dubitavit? & pag. 92. ex *Augustino* probat Cyprianum universalem Ecclesiæ consuetudinem impugnâsse, ex quo infert, Cyprianum culpabilem fuisse.

D. Thuillier Monach. Benediçt. Congreg. S. Mauri in secundâ suâ Epistolâ ad unum à suis confratribus contra appellationem à Bullâ Unigenitus interjectam editâ Parisiis an. 1729. Objectanti Cyprianum R. Pontificis decreto à majori Episcoporum numero licet recepto subscribere no-

huisse, répondit Cyprianum in eo fuisse culpabilem, nec licere quidquam ex illius agendi ratione in jus trahere; ex quo evidens est Cyprianum ad mentem hujusce scriptoris haud ignorasse majorem Episcoporum numerum Stephano consensisse: En Gallica ipsius verba pag. 336. „Un jour viendra, & ce jour n'est pas loin qu'en pensant que vous avez cité l'exemple de S. Cyprien pour me faire voir que dans le sein de l'Eglise & sans s'exposer à son indignation, l'on pouvoit disputer sur le dogme & ne pas se rendre aux décisions Apostoliques acceptées par le plus grand nombre des premiers Pasteurs, vous vous écririez avec S. Augustin à qui l'on objectoit ce même exemple. O! quàm detestandus est error hominum qui clarorum virorum quædam non rectè facta laudabiliter se imitari putant à quorum virtutibus alieni sunt. O! combien dois-je détester l'erreur où j'étois, lorsque sans avoir les vertus d'un si grand Saint, je me faisois un mérite de l'imiter dans la seule faute que l'on puisse lui reprocher.

D. Marand jam supra laudatus in præfatione quam Baluzianæ operum S. Cypriani editioni præmisit: *Cyprianus*, inquit pag. 17. *humanam appellat traditionem, quod nullius Concilii auctoritate constitutum in maximis quibusque Ecclesiis summo consensu observabatur.* Non solum quod in Ecclesiâ Romanâ verum etiam quod in maximis quibusque Ecclesiis summo consensu observabatur, humanam Cyprianus appellabat traditionem ex hoc Autore; non ergo solius Ecclesiæ Romanæ, sed & maximarum quarumcumque Ecclesiarum consuetudinem seu traditionem rejiciendam esse contendebat.

De Cypriano idem nostrâ etiam ætate docet ac testatur schola Sorbonica. Danes. Doctor ac Professor Sorbonicus in suis de Ecclesiâ Theologicis prælectionibus in Sorbonâ habitis an. 1717. *censè*, inquit, disputat. quæst. 1. art. 3. conclus. 4. in responsionem ad primam instantiam objectionis primæ. „Ut jam observavimus Episcopi Asiatici & Africani

„Africani in causis Paschatis, & Baptismi resistebant non soli  
 „autoritati Romani Pontificis, sed autoritati totius Ecclesiæ  
 „quæ univêrsâ, exceptis paucissimis Ecclesiis, eas consue-  
 „tudines sequebatur, quas vindicabant Romani Pontifices.  
 „Itaque objectio nimis probat, impugnât enim æquè auto-  
 „ritatem Ecclesiæ Catholicæ, ac Romani Pontificis.

Brillon Doctor & Professor Sorbonicus in suis Theo-  
 logicis de Sacramentis prælectionibus in Sorbonâ habitis an.  
 1730. „tùm Cyprianus *inquit quæst.* 3. tùm Africani Præ-  
 „sules agnoverunt in Africanis Conciliis consuetudinem &  
 „traditionem Apostolicam sibi adversari, identidem in his  
 „Conciliis inculcant consuetudinem debere cedere veritati.

Vogan Doctor & Professor Sorbonicus in suis Theologi-  
 cis de Sacramentis prælectionibus in Sorbona habitis an. 1737.  
 „S. Augustinus *inquit cap.* 8. *art.* 1. qui variis in locis hanc  
 „consuetudinem appellat universalem, robustam, saluberrimam  
 „quam quidem S. Cyprianus eodem teste ubique innuebatur,  
 „& egit tamen adversus totius orbis morem.

Delahaye Doctor & Professor Sorbonicus in suis Theo-  
 logicis de Baptismo prælectionibus in Sorbona habitis  
 an. 1738. „*justa inquit cap.* 5. *art.* 2. omninò fuisset excom-  
 „municatio S. Stephani, si lata fuisset in rebaptisantes, ea enim  
 „excommunicatio fuisset justissima, quæ in eos cæcidisset, qui  
 „errorem ab Apostolicâ sede & ceteris Ecclesiis proscriptum  
 „tuerentur, & in quo pertinaces forent. Porro talis erat  
 „error S. Cypriani & S. Firmiliani, ergo justè excom-  
 „municati fuissent. & *art.* 3. ex hiis quæ huc usque retuli-  
 „mus constat majorem Episcoporum partem adhæsisse S. Ste-  
 „phano, unde sequitur ipsius sententiam fuisse Ecclesiæ sen-  
 „tentiam... fatendum est infallibilitatem activam residere  
 „in majori parte Episcoporum, ideòque S. Stephanum in-  
 „dependentem à subsequenti Ecclesiæ judicio, quæ rem ex  
 „fide explicatâ credendam declaravit, tenuisse veritatem,  
 „siquidem non una tantum fuit Stephani sententia, sed etiam  
 „majoris partis Episcoporum, undè S. Cyprianus vim ar-

»gumenti ex Ecclesiæ consuetudine & majori Episcopo-  
 »rum numero conatur elidere, opponendo veritatem, quam  
 » falsò prætendebat.

Plures consular, qui plura desiderat in probationem as-  
 sertionis nostræ. At ni fallor ex his, quæ huc usque retuli-  
 mus luculenter apparet universalem esse Galliæ Theologo-  
 rum ac scriptorum opinionem, quòd Cyprianus probè no-  
 verat, quam Stephanus vindicabat consuetudinem à longè  
 majori Episcoporum parte tunc temporis receptam fuisse, ac  
 Ecclesiæ universâ fuisse consuetudinem, & certè vix unum  
 vel alterum ex Gallis scriptoribus invenies aliter in hæc re  
 sentientem.

Quòd autem Cyprianus juxta communem etiam Theolo-  
 gorum modò laudatorum doctrinam noverit Stephani con-  
 suetudinem ab omnibus Episcopis antiquitus servatam fuisse  
 sic demonstramus. Qui Agrippinum existimat primum re-  
 baptismationis parentem, necessario agnoscit neminem Episcopo-  
 rum ante Agrippinum Hæreticos rebaptisâsse, & con-  
 sequenter Stephani R. Pontificis consuetudinem ante Agrip-  
 pinum ab omnibus Episcopis observatam fuisse, atqui jux-  
 ta communem Galliæ scriptorum ac Theologorum opinio-  
 nem S. Cyprianus Agrippinum censèbat primum rebapti-  
 smationis parentem. Id enim affirmant Jfambertus, Frassen,  
 Deffensor declar. Cleri Gallicani, vulgò Bossuetius Mel-  
 denfis Episcopus, Tillemontius, Fleuriacus, Baillet, Au-  
 thor operis cui titulus, *remarques sur la Bibliot. des Au-  
 teurs Eccl. de Mr. Dupin*, l'Erminier, Habert. P. Marand  
 Benedictinus, P. Gervasius, D. Brillon & D. Beuret Pro-  
 fessores Sorbonici quorum omnium verba suprà retulimus  
 à pag. 89. usque ad pag. 96.

Hoc insuper docent Juenin. Natalis Alexander, nec non  
 de Reveroni in suâ dissertatione dogmaticâ de diffidio inter S.  
 Stephan. & S. Cyprianum. & ceteri ferè omnes qui de re-  
 baptismationis origine tractarunt: *Agrippinus* inquit Juenin  
 comm. de Sacram. quest. 6. artic. 3. pag. 80. „ qui



„definente seculo secundo Cartaginensem Ecclesiam rexit  
 „primus inter Catholicos Hæreticorum Baptisma nullum esse  
 „censuit, probatur 1°. Autoritate Cypriani. *Ex S. Cypriano*  
 „*itiidem probat Natalis Alexander Hist. Eccl. sec. 3. cap. 3.*  
 „*artic. 5.* Agrippinum omnium primum abdicasse Bap-  
 „tismum ab Hæreticis collatum. *De Reveroni in citatâ dis-*  
 „*sertatione* Cyprianus *inquit pag. 21.* ab Agrippino ducere  
 „initium rebaptisationem memorat his verbis: & *pag. 129.*  
 „non tantum Historici plures & Patres doctissimi fatentur  
 „Cypriani novam esse sententiam, sed ipsemet Cyprianus  
 „eam esse subintroductam agnoscit dum ab Agrippino re-  
 „petit. „ Jure ergo concludimus Cyprianum juxta commu-  
 „nem Gallorum doctrinam etiam novisse Stephani consuetu-  
 „dinem ab omnibus Episcopis antiquitus servatam fuisse.





# DISSERTATIONIS

## PARS SECUNDA.

*SOLIDA ET INVICTA SUNT QUÆ AD  
profligandum ac evertendum ex S. Cypriano petatum  
adversus Pontificiam inerrantiam Neotericorum ar-  
gumentum, à sapientissimis Galliæ Theologis addu-  
cuntur.*

**V**Idimus quo pacto sapientissimi Galliæ Theologi istud  
Neotericorum argumentum vacuum & inane conficiant  
ac penitus evertant, propugnando nimirum, sicuti ceteri  
Pontificiæ inerrantiæ vindices, S. Cyprianum exortam de  
Hæreticorum Baptismo contentionem non fidei sed meræ  
disciplinæ retulisse, atque ipsum probè novisse quam Ste-  
phanus R. Pontifex assererat consuetudinem Universalis Ec-  
clesiæ tunc temporis fuisse consuetudinem, ac ab omnibus  
Episcopis antiquitus servatam fuisse. Restat ut hæc duo Gal-  
lorum doctrinæ capita solidis & invictis niti momentis os-  
tendamus. Id rotidem capitibus assequemur.





## CAPUT PRIMUM.

## EXPONUTUR MOMENTA QUIBUS EVINCITUR

*causam de baptismo Hæreticorum Cypriano visam  
fuisse rem non fidei sed meræ disciplinæ.*

1°. ILLAM opinionem seu praxim ad fidem pertinere nullo-  
latenus iudicavit Cyprianus, cuius originem non à Christo  
vel ab Apostolis, sed ab Agrippino prædecessore suo repetit;  
atqui Cyprianus suæ opinionis originem ab Agrippino re-  
petit, non verò à Christo, vel ab Apostolis: „ apud nos inquit  
„ S. Doctor in *Epist. ad Iubajan* 73. Non nova aut repen-  
„ tina res est, ut baptisandos censeamus eos qui ab Hæreticis  
„ ad Ecclesiam veniunt; quando multi jam anni sint &  
„ longa etas, ex quo sub Agrippino bonæ memoriæ viro  
„ convenientes in unum Episcopi plurimi hoc statuerint,  
„ atque exinde in hodiernum tot millia Hæreticorum in pro-  
„ vincijs nostris ad Ecclesiam conversi non aspernati sint ne-  
„ que cunctari imò & rationabiliter & libenter amplexi sint,  
„ ut lavacri vitalis ac salutaris baptismi gratiam conseque-  
„ rentur. » Vides hic Cyprianum suæ opinionis antiquitatem  
ostentantem, qui tamen altius eam non repetit, quàm ab  
Agrippini temporibus; siluisset ne Agrippino antiquiorem si  
aliquem sibi faventem agnovisset? Plures enumerat Hæreti-  
cos jam diu in Provinciis Africanis rebaptisatos; at non  
antè sed post Agrippinum: *atque exinde inquit in hodie-  
num tot millia Hæreticorum &c.* Agrippino ergo vetustiorum  
non agnoscebat S. Doctor rebaptisationis autorem.

Audire juvat Augustinum, qui iterum atque iterum affirmat  
Cyprianum rebaptisationis initium ab Agrippino duxisse: *ideo*

*autem* inquit lib. 3. de bapt. cont. donat. cap. 11. „ 10. se  
 „ rem novam aut repentinam beatus Cyprianus ostendit, quia  
 „ sub Agrippino fieri jam ceperat, anni sunt *inquit* multi,  
 „ & longa aetas, ex quo sub Agrippino bonæ memoriæ viro  
 „ convenientes Episcopi plurimi hoc statuerunt „ proinde ab  
 „ ipso Agrippino res nova facta est. *Et lib. 2. cap. 7.* hanc  
 „ ergo (*Ecclesia*) Saluberrimam consuetudinem per Agrip-  
 „ pinum prædecessorem suum dicit sanctus Cyprianus cœpisse  
 „ corrigi, sed sicut diligentius inquisita veritas docuit, verius  
 „ creditur per Agrippinum corrumpi cœpisse, non corrigi.  
 „ Teste igitur Augustino S. Cyprianus inde probabat se in re-  
 „ baptisandis Hæreticis rem novam non facere, quia jam sub  
 „ Agrippino id fieri *ceperat*; rebaptisationem ergo sub Agrip-  
 „ pino *capisse* putabat Antistes Cartaginensis. Præterea vides  
 „ Augustinum ex Cypriani verbis colligere *rem novam ab Agrip-  
 „ pino factam fuisse*. Tandem juxta expressissimam Augustini  
 „ sententiam S. Cyprianus *dicit saluberrimam* consuetudinem  
 „ Hæreticos non rebaptisandi per Agrippinum prædecessorem  
 „ suum *cœpisse* corrigi, Agrippinus ergo juxta Cyprianum re-  
 „ baptisationi dederat exordium.

Audiamus iterum Augustinum „ quam tamen *inquit lib. 2. de  
 „ bapt. cap. 8.* consuetudinem (non rebaptisandi) nisi prior  
 „ antè Agrippinus, & nonnulli per Africam Coepiscopi ejus  
 „ „ etiam per Concilii sententias deferere tentavissent, non aude-  
 „ „ ret Cyprianus saltem ratiocinari adversus eam. *Et lib. 4.  
 „ „ cap. 6.* istam consuetudinem tam robustam & antea idem  
 „ „ Cyprianus invenit, ut cum ejus mutandæ auctoritatem, quam  
 „ „ sequeretur vir tantæ scientiæ præditus quæreret, non nisi in Afri-  
 „ „ cā solā factum paucis ante se annis Agrippini Concilium  
 „ „ reperiret. Vides ex Augustino Cyprianum solā Agrip-  
 „ „ pini, & nonnullorum Episcoporum cum ipso sententiarum aucto-  
 „ „ ritate motum fuisse ad Ecclesiæ consuetudinem mutandam,  
 „ „ solam Agrippini Concilii in totis retroactis temporibus aucto-  
 „ „ ritate sibi faventem reperiisse, & consequenter eā antiquio-  
 „ „ rem non invenisse nec agnovisse.

Rursus Augustinus lib. 2. de bap. cap. 8. » sed cum *inquit* » fatigatum (*Cyprianum*) præcedentis Concilii, quod per Agrippinum factum est excepisset autoritas, maluit Prædecessorum suorum tanquam inventum defendere, quàm inquirendo amplius laborare; nam in fine Epistolæ ad Quintum ita ostendit » in quo tanquam lectulo auctoritatis quasi fessus adquieverit, » quod quidem inquit & Agrippinus bonæ memoriæ vir statuit &c. Cyprianus, ut ex Augustino percipis, voluit opinionem suam defendere, non tanquam aliquid à Christo, vel ab Apostolis traditum, sed *tanquam à Prædecessoribus suis* (ab Agrippino scilicet & Episcopis ipsius Concilio subscribentibus) *inventum*; in hujus Agrippini, non vero Christi, vel Apostolorum autoritate veluti *fessus acquievit*.

Et verò quonam pacto Cyprianus rebaptisationis originem alius ab Agrippino repetere potuisset; Cyprianus inquam, qui, ut infra demonstrabimus, bene noverat antiquam universæ Ecclesiæ consuetudinem sibi adversari?

II Non propugnatur ut fidei dogma, quod tantum vindicatur ut *fidei congruum & magis pertinens ad sacerdotalem auctoritatem & Ecclesiæ Catholicæ unitatem*: quod enim asseritur fidei congruum, supponitur, de fide non esse; quod dicitur ad fidem magis accedere, magis pertinere, fidei veritas non creditur; sic E. G. qui sententiam de Verbi divinitate fidei congruentem, ad fidem magis accedentem assereret, omnium judicio de Verbi divinitate minus catholicè sentiret, cur tandem? Quia Verbi divinitatem ad fidei nostræ dogmata revocare minimè censeretur; Ecclesiastica verò meræ disciplinæ statuta meritò vocantur fidei congruentia, sacerdotalem firmant auctoritatem, atque Ecclesiæ Catholicæ roborant unitatem. Porro S. Cyprianus suam de Hæreticis rebaptilandis opinionem *fidei* quidem *congruentem* appellavit, non verò fidei veritatem. *Magis pertinentem* asseruit *ad sacerdotalem auctoritatem & Ecclesiæ Catholicæ unitatem*; non verò necessariam; *quorum*, inquit in Epist. ad Quintum 71., (id est Agrippini & aliorum, qui cum ipso rebaptisationem

statuerant) » sententiam & religiosam & legitimam & salutarem, fidei & Ecclesiæ Catholicæ congruentem nos etiam » securi sumus. *Et in Epist. ad Stephanum* 72. de eo inquit vel » maximè tibi scribendum, & cum tuâ gravitate ac sapientiâ » conferendum fuit, quod magis pertineat, & ad sacerdotalem » auctoritatem, & ad Ecclesiæ Catholicæ unitatem, pariter, ac dignitatem de divinæ dispositionis ordinatione venientem, eos qui sint foris extra Ecclesiam tincti, & apud » Hæreticos, & Schismaticos prophanæ aquæ labe maculari, » quando ad nos atque ad Ecclesiam, quæ una est venerint » baptisari oportere. Aliter loquentem audires S. Doctorem in iis, quæ tanquam fidei dogmata vindicabat. Non fidei congruentem, sed *fide credendam* dicebat sententiam de unitate Ecclesiæ servandâ: *hanc Ecclesia unitatem*, inquit in tract. de Eccl. unitate *qui non tenet, tenere se fidem credit? . . . hanc unitatem qui non tenet, non tenet Patris & Filii fidem*. Non fidei congruentem, sed *fide tenendam* dicebat sententiam quâ infantes etiam baptisari posse docebatur: *esse* inquit in Epist. ad Fidum 64. *apud omnes sive infantes sive majores nam unam divini muneris ( Baptismi ) aequalitatem declarat nobis divina scriptura fides*. Verum urgetne aliqua meræ disciplinæ capita? Hæc fidei congruentia appellare solet; sic fidei congruentes appellat litteras Confessorum, in quibus lapsorum poenitentium nomina secundum Ecclesiasticam consuetudinem designabantur: & ideo inquit in Epist. ad Martyres & Confessores 15. *peto ut eos ( lapsos ) quos ipsi videtis, quos nostis, quorum poenitentiam satisfactioni proximam conspicitis, designetis nominatim libello, & sic ad nos fidei congruentes litteras dirigatis*. Sic fidei congruentem vocat suam erga lapsos agendi rationem, scilicet quòd lapsis pacem dederit imminente persecutione: Nos inquit in Epist. ad Cornelium S. Pontificem 57. *quod fidei & charitati & sollicitudini congruebat quæ erant in conscientia nostrâ protulimus*. Ex quibus apertissimè constat non modò in sensu obvio & naturali, sed etiam in phrasi Cyprianicâ ad capita disciplinæ, non autem ad fidei dogmata

dogmata revocari, quæ tantum dicuntur fidei congruentia, & ad eam magis pertinentia.

III. Quod Deus alicui fidelium revelat, inspirat tamquam quid melius, quid utilius, tamquam efficacius ad Hæreticos excitandos ut ad Ecclesiæ unitatem redeant, hoc meram sona æconomiam ac disciplinam, nullatenus verò fidei dogma. Porro S. Cyprianus suam de Hæreticis rebaptizandis opinionem & praxim antiquæ Ecclesiæ consuetudini præponendam contendit tamquam aliquid à Deo quibusdam inspiratum ut melius & utilius, ut magis alliciens Hæreticos ad Ecclesiæ unitatem amplectendam; en verba Cypriani in Epist. ad Quintum 71. „non est autem de consuetudine „præscribendum sed ratione vincendum, nam nec Petrus „quem primum Dominus elegit & super quem ædificavit „Ecclesiam suam, cum secus Paulus de Circumcisione post- „modum disputaret, vindicavit sibi aliquid insolenter aut arroganter assumpsit, ut diceret se primatum tenere & obtemperari à novellis & posteris sibi potius oportere, „nec despexit Paulum quòd Ecclesiæ prius persecutor fuisset, sed consilium veritatis admisit, & rationi legitimæ quam Paulus vindicabat faciliè consensit, documentum scilicet nobis & concordie & patientiæ tribuens, ut non „pertinaciter nostra amemus; sed quæ aliquandò à fratribus „& collegis nostris utiliter & salubriter suggeruntur si sint „vera & legitima, ipsa potius nostra ducamus; cui rei Paulus quoque prospiciens in Epistolâ suâ posuit dicens, „Prophetæ autem duo aut tres loquantur & ceteri examinent, si autem alii revelatum fuerit sedenti, ille prior taceat: quâ in parte docuit & ostendit multa SINGULIS IN „MELIUS revelari, & debere nunquamque non pro eo quod „semel imbiberat, & tenebat pertinaciter congregi, sed si „QUID MELIUS & UTILIUS extiterit libenter amplecti non „enim vincimur, quando offeruntur nobis MELIORA: & in „Epist. ad Iubaian. 73. Porro autem inquit cum Hæretici „cognoscunt baptisma nullum foris esse, nec remissam pec-

„catorum extra Ecclesiam dari posse; avidius ad nos & „promptius properant & munera ac dona Ecclesiæ matris „implorant.“ Quare ergo Cyprianus in causâ baptismatis Hæreticorum consuetudine præscribendum non esse contendit? Quia inquit *nemo pertinaciter congregari debet pro eo quod semel imbiberat, quando aliquid melius & utilius offertur.* Suam verò de rebaptis. Hæreticis opinionem & praxim, tamquam quid melius & utilius esse recipiendam probat ex eo quod Hæretici intelligentes Baptisma foris (id est extra Ecclesiam) nullum esse, promptius, ac avidius ad Ecclesiæ unitatem redibunt. An Ergo fidem aliquatenus spectare censēbat Antistes Cartaginensis quod aliis offerrebat, ut quid melius & utilius? Quod ab aliis antiquâ consuetudine postpositâ suscipiendum esse contendebat, ut Hæretici promptius ac avidius ad unitatem Ecclesiæ redirent? Itane urgeri solent à Sanctis Patribus fidei capita? Suscipiendane dicuntur ut quid melius & utilius? In rebus fidei nullane illius quod in Ecclesiâ antiquitus servabatur habenda ratio? Quàm hæc aliena in rebus fidei, tam in rebus disciplinæ Ecclesiasticæ esse consueta, apposita, ac congruentia, ut tantum decet autorem, nullo labore concipimus.

IV. Ad disciplinæ capita, non ad fidei dogmata revocantur, quæ certis provinciis sunt propria, quæ ab illis meritò retineri posse creduntur quando semel apud ipsas usurpata fuere; fides enim non uni vel alteri propria est Provinciæ, sed eadem ubique & omnibus Provinciis Catholicis communis esse debet: *regula fidei* inquit Tertul. lib. de Virgin. veland. *omniò una est, sola immobilis & irreformabilis.* Aliundè quod in Provinciis quibusdam usurpatur, sonat praxim ac disciplinam, non vero fidem, quæ *usurpari* non dicitur, tandem in rebus fidei falsum est hoc principium, quod aliquid meritò retineri possit eò ipso, quòd semel usurpatum fuit, alioquin dicendum foret à quibusdam Germanis Provinciis meritò retineri Luterana placita, quia semel apud eas usurpata fuerunt, quod tamen principium in rebus



meræ disciplinæ jure merito sapius urgeri potest. Porro S. Cyprianus suam de rebaptis. Hæreticis praxim inter ea recenset, quæ certis quibusdam Provinciis sunt propria, quæve merito retineri possunt eo ipso quod apud eas semel fuerint usurpata, sic enim loquitur in Epist. ad Stephanum S. Pontificem 71. *Hæc* (gesta nempe in Concilio Africano pro rebaptisandis Hæreticis) „ad conscientiam tuam frater carissime & pro honore communi & pro simplici dilectione „pertulimus, credentes etiam tibi pro religionis tuæ & fidei „dei veritate placere, quæ religiosa pariter & vera sunt. „Ceterum scimus quosdam quod semel imbibierint nolle „deponere, nec propositum suum facile mutare, sed salvo „inter Collegas pacis & concordie vinculo *QUÆDAM PROPRIA QUÆ APUD SE SEMEL SINT USURPATA RETINERE* „quâ in re nec nos vim cuiquam facimus aut legem damus. “ Nemo non videt Cyprianum hic Stephano significare se facile obtemperaturum non esse illius judicio improbandi Africanum de rebaptis. Hæreticis statutum, non eâ ratione, quod R. Pontificis judicia in rebus fidei infallibilia non existimaret, sed eo nixus principio, quod etiam refragante R. Pontifice merito in quibusdam Provinciis retineri possunt, quæ ipsis sunt propria, & quæ ab ipsis semel usurpata fuerunt, qualis erat praxis de rebaptisandis Hæreticis.

V. Cyprianus apertè declarat de unâ Stephanum inter & ipsum agi disciplinâ; cum enim S. Stephanus pro suâ opinionione attulisset exemplum ipsorummet Hæreticorum, qui ad se venientes non baptisabant, respondet S. Cyprianus *ad illud malorum devolutam non esse Dei Ecclesiam ut ab Hæreticis mutuetur disciplinam ad celebranda Sacramenta*. Hoc ergo Stephani crimen, juxta Cyprianum, quod ab Hæreticis mutuaretur disciplinam ad celebranda Sacramenta, disciplinam ergo vocat Cyprianus quod Stephanus propugnabat, de aliquâ ergo disciplinâ judice Cypriano Stephanum inter & ipsum disputabatur; en verba Cypriani in Epist. ad Pompeium 74. „Præclara sanè & legitima traditio Stephano

„fratre nostro docente proponitur, quæ autoritatem nobis  
 „idoneam præbeat; nam in eodem loco Epistolæ suæ ad-  
 „didit & adjecit, cum ipsi Hæretici propriè alterutrum ad  
 „se venientes non baptiscent sed communicent tantum, ad  
 „hoc enim malorum devoluta est Ecclesia Dei & sponsa  
 „Christi ut hæreticorum exempla sectetur, ut ad celebranda  
 „Sacramenta cœlestia DISCIPLINAM lux de tenebris mutue-  
 „tur & id faciant Christiani quod Antichristi faciunt.

VI. Si existimasset Cyprianus Stephani consuetudinem si-  
 ne dispendio Catholici dogmatis servari non posse, dicen-  
 dum foret S. Cyprianum existimasse dogma Catholicum tunc  
 temporis à S. Stephano R. Pontifice & à longe majori  
 Episcoporum parte, antiquitus verò ab omnibus Episcopis  
 Catholicis impetitum fuisse, noverat enim ut infra proba-  
 bimus quam Stephanus vindicabat consuetudinem à longe  
 majori Episcoporum parte, tunc temporis esse receptam, an-  
 tiquitus verò ab omnibus Episcopis servatam fuisse. Verum  
 quis Catholicorum hæc impingat tanto Doctore? Fatearis er-  
 go necesse est hanc Cypriano visam fuisse merè disciplinæ  
 controversiam.

VII. Si Cyprianus à Deo revelatum censuisset nullum  
 esse Baptisma ab Hæreticis collatum, desperasset profectò  
 de illorum infantium salute, qui in præteritum cum solo  
 baptismo ab Hæreticis dato vitæ functi erant, non enim  
 ignorabat validi baptismi necessitatem ad salutem conse-  
 quendam; atqui tamen ipse fatetur desperandum non esse  
 de eorum omnium salute, qui præteritis temporibus cum  
 solo baptismo ab Hæreticis dato obierant, dummodò in  
 Ecclesiæ sinu dormierint; auscultæ ipsi Jubaianum allo-  
 quenti »quid ergo fiet *inquit* de iis qui in præteritum de Hæ-  
 »resi ad Ecclesiam venientes sine baptismo mortui admissi  
 »sunt? Potens est Dominus misericordiâ suâ indulgentiam  
 »dare & eos qui ad Ecclesiam simpliciter admissi in Ecclesiâ  
 »dormierunt ab Ecclesiæ suæ muneribus non separare: *audi &*  
 »*Augustinum id sæpius de Cypriano testantem*: cum Cyprianus

» *inquit lib. 2. de Bap. cap. 13.* arbitaretur eos qui extra  
 » Ecclesiæ communionem baptisarentur Baptismum non ha-  
 » bere, credidit eos tamen in Ecclesiam simpliciter admif-  
 » sos propter ipsius unitatis vinculum posse ad veniam perti-  
 » nere; & *cap. 14.* si ergo Cyprianus quos esse sine Baptismo  
 » arbitrabatur tamen propter unitatis vinculum ad veniam  
 » pertinere; præsumebat; & *cap. 15.* si enim non habebant Bap-  
 » tismum qui ab Hæreticis veniebant sicut asserit Cyprianus,  
 » non rectè admittebantur, & tamen eisdem ipse indulgen-  
 » tiam de Domini misericordiâ propter unitatem Ecclesiæ  
 » non desperavit. Eadem scribit lib. 5. cap. 2. lib. 2. conc.  
 Crescon. cap. 33. & aliis in locis. Non est igitur despe-  
 randum iudice Cypriano de illorum salute, qui cum solo  
 Baptismo ab Hæreticis collato obierunt, dummodò in Eccle-  
 siæ sinu dormierint, dummodò extra Ecclesiæ unitatem non  
 obierint, propter enim hujus unitatis vinculum teste Au-  
 gustino Cyprianus eos ad veniam pertinere præsumebat,  
 non est ergo desperandum de salute infantium cum solo  
 Baptismo ab Hæreticis collato vitâ functorum; ii enim nul-  
 lâ Hæreseos labe nondum maculati in Ecclesiæ sinu dor-  
 mierunt, extra unitatem Ecclesiæ non obierunt. At numquid  
 hanc Dei indulgentiam infantibus sine ullo Baptismo de-  
 cedentibus tribuebat S. Doctor? non ità sanè. Quare ergo  
 eam infantibus sine Baptismo à Catholicis dato defunctis  
 impertitur? Nisi quia traditam à Deo judicabat necessita-  
 tem Baptismi alicujus ad salutem consequendam, non item  
 Baptismi à Catholico collati, & consequenter si Baptismum  
 Hæreticorum rejiciendum esse contendebat, hoc, non quia  
 à Deo revelatum crederet, sed ob alias rationes infra di-  
 cendas; non igitur fidei suam Cyprianus de rebaptisandis  
 Hæreticis opinionem devovebat.

VIII. Constans est ac perspicua Cypriani doctrinâ cui-  
 libet Episcopo liberum esse in hac questione diversum sen-  
 tire, & varias in partes se se inclinare » rescripsi, fili caris-  
 » sime *inquit in Epist. ad Magnum 69.* ad litteras tuas quan-

»tum parva nostra mediocritas valuit, & ostendi quid nos  
 »quantum in nobis est sentiamus; (*de Hæreticorum scilicet*  
 »*Baptismo*) nemini præscribentes quominus statuat quod pu-  
 »tat unusquisque præpositus actus sui rationem Domino  
 »redditurus: & in *Epist. ad Stephanum R. Pontificem* 72.  
 »quâ in re (*in negotio baptismatis Hæreticorum*) nec nos  
 »vim cuiquam facimus, aut legem damus, cum habeat  
 »in Ecclesiæ administratione voluntatis suæ arbitrium libe-  
 »rum unusquisque præpositus rationem actus sui Domino  
 »redditurus: & in *Epist. ad Jubaian.* 73. hæc tibi brevi-  
 »ter pro nostrâ mediocritate rescripsimus, frater carissime,  
 »nemini præscribentes aut præjudicantes, quominus unus-  
 »quisque Episcoporum quod putat faciat, habens arbitrii sui  
 »liberam potestatem, nos quantum in nobis est propter  
 »Hæreticos cum collegis & Coepiscopis nostris non conten-  
 »dimus, cum quibus divinam concordiam & dominicam  
 »pacem tenemus. & in *exordio Concilii Cartag.* 3. sic loqui-  
 »tur superest ut de hac re singuli quid sentiamus profera-  
 »mus neminem judicantes aut à jure communionis aliquem  
 »si diversum senserit amoventes; neque enim quisquam nos-  
 »trum Episcopum se Episcoporum constituit, aut tyrannico  
 »terrore ad obsequendi necessitatem collegas suos adigit,  
 »quandoquidem habeat omnis Episcopus pro licentiâ liber-  
 »tatis & potestatis suæ arbitrium proprium.

Hæc porro sentiendi libertas, quam Cyprianus cuilibet  
 Episcopo in causâ Baptismatis Hæreticorum concedebat in-  
 victè demonstrat ipsum nullatenus fidei, sed uni, quæ va-  
 ria esse potest hanc questionem retulisse disciplinæ. Quis  
 enim credat Cyprianum existimâsse quòd cuilibet Episco-  
 po liberum esset in rebus fidei sentire quid vellet? Censuisset  
 igitur Antistes Cartaginensis cuilibet Episcopo liberum fuisse  
 Verbi divinitatem, duas in Christo naturas &c., quæ tot fidei  
 nostræ capita credebatur admittere vel denegare? Inscitè pro-  
 prius diceretur talem à Cypriano Episcopis concessam fuisse  
 libertatem in hiis, quæ plenario nondum definita erant Con-

cilio; quis enim vel ex tirunculis nesciat nil Cypriani temporibus à plenariis adhuc definitum fuisse Conciliis? Regeres fortasse unam tunc temporis de divinitate Verbi in Ecclesiâ fuisse sententiam, non item de Baptismo Hæreticorum? Pluribus ergo Verbi divinitatem impetentibus existimâssent Cyprianus cuilibet Episcopo fuisse liberum de divinitate Verbi sentire quid veller? Satis ergo erat Cypriano dogma aliquod à pluribus Episcopis impugnari, ut liberum cuilibet Episcopo jam foret illud credere, vel non credere? Talia de Cypriano somniantibus commiserandum potius quàm respondendum.

Consuitne liberum cuilibet Episcopo potestatem remittendi peccata omnia Ecclesiæ concedere vel denegare? De hac re tamen nullum adhuc plenarii Concilii prodierat iudicium, nec una apud omnes Episcopos etiam erat sententia, talem enim potestatem Ecclesiæ denegabat Novatianus, quem plures ex Africâ, Numidiâ & Galliâ sequebantur Episcopi iuste Cypriano in Epistolis ad Antonianum 55. ad Cornelium S. Pontificem 59. & ad Stephanum S. Pontificem 68. lege tamen perlege scripta Cypriani, nullibi concessam ab ipso Novatiani invenies talem sentiendi libertatem; cum enim hanc Novatianorum opinionem Verbo Dei, seu ut ipse loquitur in citat. Epist. ad Anonian. *fidei scripturarum divinarum* adversam existimaret, Novatianos ut Hæreticos tradducit in Epist. ad Antonian. Illorum opinionem *Hæresim appellas, Hæretica præsumptionis durissimam pravitatem* gravioribus Ecclesiæ poenis puniendam in cit. Epist. ad Anonian. & ad Steph. 68. adeo alienus erat à credendo ipsis fuisse liberum in hoc fidei negotio sentire quid vellent.

Consuit ne liberum cuilibet Episcopo nri vino vel aquâ in calice dominico offerendo? Audi Cyprianum in Epist. ad Cecilium 63. „Viderit frater carissime si quis de Antecessoribus nostris vel ignoranter vel simpliciter non hoc „observavit & tenuit quod nos Dominus facere exemplo „& magisterio suo docuit, potest simplicitati ejus de indul-

„gentiâ veniam concedi, nobis vero non poterit ignosci  
 „qui nunc à Domino admoniti & instructi sumus, ut ca-  
 „licem dominicum vino mixtum secundum quod Dominus  
 „obtulit offeramus, & de hoc quoque ad Collegas nostros  
 „litteras dirigamus, ut ubique lex Evangelica & traditio  
 „Dominica fervetur & ab eo quod Christus & docuit &  
 „fecit non recedatur.“ Frustra Cypriano opponebant Episcopi  
 aquarii se veterem Ecclesiarum suarum consuetudinem  
 sequi, atque suorum Antecessorum vestigiis inhaerere, qui  
 sine vino calicem dominicum offerri posse judicaverant. His  
 omnibus auditis, & viriliter refutatis Cyprianus apertè pronun-  
 tiat vinum in Calice Dominico offerendo ab omnibus  
*ubique* adhibendum esse; at quonam tandem motivo duce-  
 batur S. Doctor ad rem aquariis Episcopis denegandam,  
 quæ à nullo adhuc sancita erat Ecclesiæ decreto? Ab ipso  
 discite: *Christus* inquit in Epist. citatâ *docuit ut Calicem Domi-*  
*cum vino mixtum offeramus.* Porro *servetur ubique lex*  
*Evangelica, Dominica traditio; ab eo quod Christus docuit*  
*non recedatur.* Non ergo existimabat Cyprianus in hiis, quæ  
 à Christo tradita vel præcepta asserebat liberum cuilibet  
 Episcopo esse sentire vel agere quid vellet.

Hæc igitur vera Cypriani doctrina, in rebus scilicet fidei  
 unanimitem in Ecclesiâ necessario ab omnibus esse servan-  
 dam; hæc addo apud ipsum constans ac perpetua: *Christus*  
 inquit in lib. de unitate Ecclesiæ, *in Ecclesiâ concordēs at-*  
*que unanimes esse præcepit. . . Docet Dominus & admonet à*  
*talibus* (reprobis circa fidem) *recedendum:* & in Epist. ad  
 Caldonium 25. *ut apud omnes unus actus & una consensio*  
*secundum Domini præcepta teneatur,* & in Epist. ad præbiteros  
 Cartagin. 32. *ut in Ecclesiarum statu componendo servetur*  
*ab omnibus una & fida consensio* & in Epist. ad plebem univer-  
 sam 43. *qui mandatum Dei rejiciunt & traditionem suam sta-*  
*tuere conantur fortiter à vobis & firmiter respuantur,* & in Epist.  
 ad Maximum & Nicostratum confessores 46. *nam cum unani-*  
*mitas & concordia nostra scindi omnino non debeat,* & in  
 Epist.

Epist. ad Cornelium S. Pontificem 59. *Nulla societas fidei & perfidia esse potest, & in Epist. ad Magnum 69. in Ecclesiâ Dei n nisi concordâs atque unanimes habitant ... Apostolus Paulus docet & præcipit Hæreticum vitandum esse ut perversum & peccatorem.* Paria missa facio, at ex relatis sic ratiocinari licet, qui judicabat unanimitatem in fide ita esse necessariam ut à reprobis circa fidem recedendum esset, qui unam ab omnibus consensionem servandam esse ex Christi mandato credebat, qui nullam fidei & perfidiæ societatem esse posse censebat, ille profectò non existimabat cuilibet Episcopo liberum esse in rebus fidei variè sentire; quid enim unanimitati magis contrarium quàm hæc sentiendi libertas. Atqui Cyprianus judicabat unanimitatem in fide ita esse necessariam ut à reprobis circa fidem recedendum esset &c. ut patet ex textibus citatis; ergo.

Ex his omnibus duo constant 1°. In iis quæ Cyprianus ad fidem referebat nemini variè sentiendi libertatem ipsum concedere. 2°. Cyprianum cuilibet Episcopo libertatem concessisse contra suam de Baptismo Hæreticorum opinionem sentiendi, unde manifestissimè patet S. Cyprianum non rem fidei sed merè disciplinæ censuisse totam hanc de baptismo Hæreticorum questionem.

At tandem ad ocludenda omnia adversariorum effugia sit in exemplum hæc ipsamet de baptismo Hæreticorum controversia. Censuitne liberum cuilibet Episcopo ab Hæreticis baptizatos iterato tingere vel non tingere baptismo, in hypothesis quod in scripturis, vel in traditione Apostolicâ contineretur eos non esse rebaptizandos? Cum enim Stephanus Pontifex Maximus Africanis mandasset, ut traditionem de non rebaptizandis Hæreticis observarent, respondet Cyprianus justum ac legitimum hoc Stephani esse mandatum, & revera ab Africanis servandam esse hanc Stephani traditionem, in Hypothesi quod hæc traditio sit Evangelica vel Apostolica: en verba Cypriani scribentis ad Pompeium » nihil innovetur » inquit Stephanus nisi quod traditum est. Unde est ista traditio? Utrumne de Dominicâ & Evangelicâ autoritate def-

» cendens ? An de Apostolorum mandatis atque Epistolis  
 » veniens ? Ea enim facienda esse quæ scripta sunt Deus testatur & proponit ad Jesum nave dicens, non recedet liber  
 » legis hujus ex ore tuo, sed meditaberis in eo die ac nocte  
 » ut observes facere omnia quæ scripta sunt ; in eo item Dominus  
 » Apostolos suos mittens mandat baptisari gentes &  
 » doceri ut observent omnia quæcumque ille præcepit ; si ergo  
 » aut in Evangelio præcipitur aut in Apostolorum Epistolis  
 » aut actibus continetur, ut à quacumque Hæresi venientes  
 » non baptisentur sed tantum manus illis imponatur in penitentiam, observetur divina hæc & sancta traditio. Observari ergo debebatur juxta S. Cyprianum quod à Christo vel ab Apostolis in hac de baptismo Hæreticorum controversia determinatum erat ; cum ergo libertatem cuilibet Episcopo concesserit Hæreticos rebaptisandi, vel non rebaptisandi, profecto existimavit nil circa rebaptisationem à Christo, vel ab Apostolis determinatum fuisse ; ad fidem ergo pertinere non judicavit hanc de baptismo Hæreticorum controversiam.

IX. S. Cyprianus nullum in terris agnoscebat tribunal, cui in causâ baptismatis Hæreticorum cedere deberet, uni & soli Christo potestatem de actu suo judicandi tribuebat : *Expectemus inquit in exordio Concil. Cartag. 3. Universi judicium Domini nostri Jesu-Christi, qui unus & solus habet potestatem de actu nostro judicandi.* Fetè similia scribebat S. Doctor ad Magnum & ad Stephanum R. Pontificem. At verumne esset in rebus fidei hoc Cypriani pronuntiatum ? Numquid in rebus fidei quilibet Episcopus imò natio integra Concilio generali morem gerere non debet ? Numquid unus & solus Christus potestatem habet judicandi de alicujus Episcopi vel Concilii particularis actu, qui fidem aliquatenus spectaret ? Restat igitur ut S. Cyprianus hanc de baptismo Hæreticorum quæstionem iis meræ retulerit disciplinæ capitibus, quæ certis in Provinciis ita mordicus retineri possunt, ut ad ea mutanda nec valeat S. Pontificis, aut Concilii generalis autoritas. Hic vide quæso, candide lector,



quantum Hæreticis patrocinentur, qui ex Catholicis ad pefummandam Romani Pontificis auctoritatem clamitare non ceſſant Cyprianum in hac controverſiâ fidei dogma vindicare voluiſſe. Si hoc ſemèl iſſis concedatur, concedendum erit & Hæreticis nec Concilium generale iudice Cypriano ſupremum in dirimendis fidei controverſiis eſſe tribunal; huic enim æquè ac S. Pontifici denegat S. Doct̃or poteſtatem de aſtu ſuo iudicandi, tam nitidè tam apertè uni & ſoli Chriſto eam tribuens, *qui unus inquit & SOLUS habet poteſtatem de aſtu noſtro iudicandi*. Proſeſto: proſequitur Eminent. de Biſſi in citato jam documento Paſtorali an. 1728. pag. 62. *Eſt ce là déclarer qu'on ſ'en raporte à la déciſion d'un Concile plenier?*

X. S. Cyprianus cum iis qui à ſua opinione recedebant pacem, concordiam ac communionem conſtantiffimè ſervavit: *nos inquit ſuam ad Jubaianum Epistolam concludens*, » *quan-*  
» *tum in nobis eſt propter Hæreticos cum collegis & Coepiſ-*  
» *copis noſtris non contendimus, cum quibus divinam con-*  
» *cordiam & Dominicam pacem tenemus . . . ſervatur à nobis*  
» *patienter & firmiter charitas animi, collegii honor, vincu-*  
» *lum fidei, & concordia ſacerdotii; & in Epist. ad Stepha-*  
» *num R. Pontificem 72. Cæterum ſcimus quosdam quod ſemel*  
» *imbiberint nolle deponere, nec propoſitum ſuum facilè*  
» *mutare; ſed ſalvo inter colligas pacis & concordie vinculo*  
» *quædam propria, quæ apud ſe ſemel ſint uſurpata retinere*  
» *quâ in re nec nos vim cuiquam facimus aut legem damus;*  
» *& in exordio Concilii Cartag. 3. ſupereſt ut de hac ipſâ re*  
» *ſinguli quid ſentiamus proſeramus neminem iudicantes aut*  
» *à jure communionis aliquem ſi diverſum ſenſerit amoventes.*  
De Cypriano id expreſſè teſtatur S. Hyeronimus in dialogo adverſus Lucifer. cap. 9. id centies affirmat S. Auguſtinus in ſuis de baptiſmo adverſus donatiſtas libris. Et quod velim obſerves pacem hanc cum aliter ſentientibus tunc etiam ſe tenuiſſe proſitetur Antiſtes Cartaginensis, quando contrarium Rom. Pontificis iudicium nondum expertus fuerat, ut patet ex verbis citatis, tum Epist. ad Jubaianum, tum Epist. ad

Stephanum. Verum itane se gessisset S. Doctor cum adversariis à quibus fidem impugnari censuisset; Cyprianus, inquam, qui à reprobis circa fidem recedendum esse & quidem ex praecepto divino affirmat in lib. de unitate Ecclesiae? Qui firmiter respuendos eos esse docet qui traditiones suas Dei mandatis contrarias statuere conantur in Epist. ad plebem universam 43? Qui nullam fidei & perfidia societatem esse posse tradit in Epist. ad Cornelium 59? Qui tandem ab iis discedendum esse pronuntiat qui Christi Doctrina non aquiescunt in Epist. ad Pompeium? Si quis, inquit Tomassinus dissert. 2. de bapt. Hæret. pag. 48. de fide à collegis dissenserit contumax à pace ejiciendus est & communione. Cum ergo S. Cyprianus salvo inter collegas pacis & concordiae vinculo de hac baptismi controversiâ disputari posse crediderit, & cum diversum sentientibus communionem firmiter servaverit, manifestum est ipsum existimasse illam & intactam in toto hoc dissidio fidem remanere, ac nullatenus à suis adversariis impeti vel obscurari. Non ergo fidei, sed meræ disciplinæ hanc esse controversiam judicavit.

At inquit non ideo pacem cum aliter sentientibus servavit S. Cyprianus, quia de fide non agi in hac controversiâ putaret, sed quia censebat pacem cum iis non esse rumpendam, à quibus etiam fides impeteretur, quandiu res ultimo Ecclesiae judicio nondum est definita, qualis tunc temporis erat questio de rebaptisandis Hæreticis. Pudenda commenta, quibus soli pascantur qui inventa quæque deglutunt; si Cyprianus existimabat hostes fidei à Conciliis particularibus damnandos non esse, nec communione privandos ante ultimam Ecclesiae definitionem, malè ergo tam sæpius tam genericè dicebat » à reprobis circa fidem recedendum esse, firmiter » respuendos eos esse qui traditiones suas Dei mandatis contrarias statuere conarentur, ab iis discedendum esse qui Christi Doctrinæ non aquiescerent; dicere debuisset à talibus non nisi post Ecclesiae definitionem esse recedendum; & verò hæcne veterum Patrum agendi ratio erga eos, à quibus fidem

impugnari judicabant? Itane se gesserunt Antiocheni Patres erga Paulum Samosatenum ejusque assecclas! itane Patres Alexandrini erga Arium & Episcopos ipsi faventes? Itane Patres Mediolanenses erga Photinum? Itane Patres Alexandrini erga Origenem ejusque sectatores? Itane Patres Constantinopolitani erga Eutichetem? Itane Patres Cæsaraugustani erga Priscilianos? Expectaruntne supremam Ecclesiæ definitionem ad eos damnandos ac communione privandos? Absit ergo ut illud Cypriano tribuamus, quod cum nullum in ejus scriptis habeat fundamentum à veterum Patrum sensu & agendi ratione tam sit alienū.

Præterea dicant nobis adversarii, an Cyprianus pro zelo ac studio tuendæ fidei integritatis debuerit pacem & communionem cum iis tenere, à quibus, si adversarii credimus, præcipuum fidei nostræ dogma spretâ Conciliorum Africanorum autoritate pessumdari putabat? Demum si ad mentem Cypriani ante ultimam Ecclesiæ definitionem à Conciliis particularibus damnandi non erant nec communione privandi qui fidem impugnabant, profecto jam nullo modo ab Ecclesiâ damnari potuissent ac communione privari. Non quidem ab Ecclesiâ in Concilio generali congregata, talis enim congregatio tunc temporis moraliter impossibilis erat, non etiam ab Ecclesiâ ut vulgo dicitur dispersâ, judicium enim Ecclesiæ dispersæ pender à judiciis Ecclesiarum particularium, quarum nulla in hypothesis juxta Cyprianum eos ante Ecclesiæ definitionem damnare debebat, quomodo ergo ab Ecclesiâ dispersâ damnari aliquandò fuissent, quos nullâ damnasset peculiaris Ecclesiâ? Hic hæreant adversarii necesse est, aut alia excogitent. Immotum igitur maneat Cyprianum ab illis fidem impeti non existimasse, quos à Conciliis Cartaginensibus damnari noluit, & cum quibus pacem ac communionem constanter servavit.

Hæc quibusdam aliis compendii causâ prætermisissis luculenter evincunt momenta causam de baptismo Hæreticorum Cypriano visam fuisse rem non fidei sed meræ disciplinæ; sive enim res ipsa ad Cypriani mentem examinetur, sive

ejus in hac controversiâ agendi ratio attendatur, utrumque assertionis nostræ veritatem ostendit.

A Cypriano discite originem, discite naturam, discite consuetudinem suæ opinionis & praxis & ad fidem eam revocare si potes; illius enim originem non in Christo non in Apostolis, sed in Agrippino constituit. Illam propugnat non ut fide credendam, non ut pertinentem ad fidem, sed tantum ut fidei congruentem & ad eam magis accedentem, ut quid melius, ut quid utilius, ut aliquid proprium certis Provinciis, & jure retinendum, quando semel ab ipsis est usurpatum, uno verbo de disciplinâ se contendere aperte proficitur.

Si de fide tenuisset nullum esse Baptisma ab Hæreticis collatum, nullam consequenter salutis infantium cum solo Hæreticorum Baptismo defunctorum spem habuisset, tamen affirmat de eorum salute desperandum non esse; si fidem ab Adversariis pessumdari in hac questione censuisset, dicendum foret quod nemo diceret Catholicus S. Pontificem scilicet, & cum ipso maximam Episcoporum partem Cypriani judicio tunc temporis in fide errasse, imò universas rotius Orbis Ecclesias ante Agrippinum.

Si Cypriani spectes agendi rationem, cuilibet Episcopo libertatem concedit in hac questione sentiendi quid vult, cum aliter sentientibus pacem concordiam & communionem constantissimè servat, uni & soli Christo tribuit potestatem de actu suo judicandi; porro in disciplinæ negotio cum aliquo colore hæc differuntur, in capite fidei Catholicæ alienissima essent omnia. Nunc ad dissolvenda quæ obiectantur procedamus.

### SOLVUNTUR OBJECTIONES.

**O**bjiciunt 1°. Cyprianus suam de Hæreticis rebaptizandis opinionem multis probat scripturæ textibus, ut videre est in Epist. ad Magnum 69. ad Episcopos Nu-

midæ 70. ad Stephanum R. P. 72. ad Jubaian. 73. & ad Pompeium 74. Ergo eam à Deo traditam censuit & consequenter fide credendam.

Respondeo. Dato antecedente, nego consequentiam; non enim in rebus fidei tantum, verum etiam in rebus meræ disciplinæ sæpius afferuntur Sacræ Scripturæ loca, ad ostendendam scilicet congruentiam alicujus disciplinæ cum iis quæ à Deo sunt revelata, ut ex hac congruentiâ illius æquitas vindicetur. Sic S. Basilius Epist. 199. juxta novam editionem ad Amphilochem can. 32. ex scripturis probat Episcopum, Presbiterum, Diaconum depositos propter aliquod crimen non debere propter idem crimen communione Ecclesiasticâ privari. Sic D. Hieronymus Epist. ad Theoph. adversus errorem Joannis Hierosolym. probat auctoritatem veteris & novi Testamenti legitimam fuisse Pauliniani factam à S. Epiphanio ordinationem, licet Paulinianus tum temporis triginta tantum annos esset natus. Sic S. Augustinus lib. de fide & operibus cap. 26. probat auctoritate S. Scripturæ quædam esse crimina excommunicatione plectendâ, quædam non publicâ pœnitentiâ sed quibusdam correptionum medicamentis sananda; sic S. Leo magnus Epist. 92. ad Rusticum Narbon. Episcopum cap. 2. probat ex scripturâ Presbiteros & Diaconos non esse pœnitentiæ publicæ subjiciendos, quæ certe omnia nullatenus fidem sed unam spectant Ecclesiæ disciplinam. Esto igitur probaverit S. Doctor suam opinionem multis scripturæ textibus non ideo censuit ad fidem eam pertinere.

Et verò nonne Cyprianus ipse plura scripturæ loca retulit ad ea stabilienda quæ omnium judicio meram spectabant disciplinam? Quis neget rem esse puræ disciplinæ lapsis concedere pacem, & communionem Ecclesiasticam ante, vel post peractam pœnitentiam canonicam? Lege tamen Cypriani tractatum de lapsis, ejus Epistolas ad Presbiteros Cartagin. 16. ad Presbiteros Romanos 30. ad lapsos 33. ad Presbiteros Cartag. 34. plura scripturæ loca repe-

ries à Cypriano citata ad suam in hoc negotio opinionem stabiliendam. Quis neget rem esse puræ disciplinæ merique præcepti Ecclesiastici aquæ vino mixtionem in Calice dominico offerendo ? aquæ tamen necessitatem ex divinis scripturis probat S. Cyprianus in Epist. ad Cecilium 63. hoc ergo probationis genus in rebus meræ disciplinæ æquè ac fidei à Cypriano usurpabatur. Malè igitur ex eo concluditur S. Cyprianum suam de rebaptis. Hæreticis opinionem fidei ascriptisse.

Dixi *dato antecedente*. Numquam enim S. Doctor suam opinionem ex scripturis directè probavit ut ejus in hâc questione scripta attentè perlustranti patebit. Probat quidem ex scripturis Hæreticos Christi esse adversarios in Epist. ad Jubaian. & ad Pompeium ; Ecclesiam unam esse in Epist. ad Magnum & ad Pompeium. Unum Baptisma & unam esse fidem in Epist. ad Episcopos Numidix & ad Pompeium, illos solos Spiritum Sanctum dare posse qui ipsum habent in Epist. ad Magnum, solis Ecclesiæ præpositis licere baptizare in Epist. ad Jubaian. blasphemantes in Patrem non posse consequi remissionem peccatorum in Epist. ad Jubaian. solam Ecclesiam Deo filios generare in Epist. ad Pompeium, & tandem Baptismi necessitatem in Epist. ad Stephanum 71. ex iis omnibus quæ ex scripturis confirmabat aliquid concludere in favorem suæ opinionis variis ratiociniis conabatur; at nunquam ex scripturis directè probavit invalidum esse Baptisma ab Hæreticis collatum, ab Hæreticis baptisatos ad Ecclesiam venientes iterato Baptismo esse tingendos.

Objic. 2°. Cyprianus asserit ex hâc de Hæreticorum Baptismo quæstione pendere originem fidei & salutis æternæ : *neque enim*, inquit in Epist. ad Jubaian. *parva res & modica conceditur quando à nobis Baptisma eorum in acceptum refertur cum inde incipiat omnis fidei origo & ad spem vitæ æternæ salutaris ingressio*. Atqui ex controversiâ meræ disciplinæ non pendet fidei & salutis origo, ergo ut meræ disciplinæ quæstionem non inspexit.

Resp.

Resp. Nego majorem non enim ex rebaptisationis lite, sed ex baptismo pendere fidei & salutis æternæ originem pronuntiat in textu allato, quæ duo, ni fallor, sunt planè diversâ; imò si Cyprianum propius attendas contrarium ex ipso manifestè erruit; cum enim asserat in eadem Epistolâ de eorum salute non esse desperandum, qui cum solo Hæreticorum baptismo obierunt, satis ostendit ex suâ opinione non pendere fidei & salutis originem. Porro ex eo quod Cyprianus dixerit à baptismo pendere fidei & salutis originem colligi non potest ipsum dogmati suam de rebaptis. Hæreticis addixisse sententiam.

Objic. 3°. S. Cyprianus expressè docet à Deo revelatum esse, quod adversus Stephanum R. Pontificem tuebatur: *proinde* inquit in laudata Epist. ad Jubaian. „ Frustra quidam „ qui ratione vincuntur, consuetudinem nobis opponunt quasi „ consuetudo major sit veritate, aut id non sit in spiritualibus „ sequendum quod in melius fuerit à Spiritu Sancto revelatum, „ ignosci enim potest simpliciter erranti, post inspirationem „ verò & revelationem factam qui in eo quod erraverat per „ severat prudens & sciens, sine veniâ ignorantix peccat; „ præsumptione enim atque obstinatione quâdam nititur cum „ ratione superetur. „ Ergo illud fidei referebat.

Resp. Distinguo antecedens. Cyprianus docet quod adversus Stephanum tuebatur à Deo esse revelatum quibusdam, tanquam quid melius, & utilius concedo antecedens, à Deo esse revelatum verâ & propriè dictâ revelatione in verbo Dei scripto vel tradito contentâ nego antecedens. Itaque revelationem fusiori significato hic sumit S. Doctor, prout omnis veritas cujuscumque sit ordinis à Deo manifestatur, qui prima veritas est, & prout omne donum desursum est descendens à Patre luminum, prout inquam omne quod vel ad fidem, vel ad Ecclesiæ disciplinam & regimen spectat, revelat, inspirat Spiritus Sanctus.

1°. Enim Cyprianus in textu objectato non dicit simpliciter sed *in melius* revelatum quod adversus Stephanum tuebatur, non

dicit Ecclesiæ revelatum, sed *quibusdam* inter fideles, quos inexcusabiles esse contendit post talem inspirationem ac revelationem; porro hæc duo intelligi non possunt de verâ revelatione quæ dogma Catholicum exhibeat, dogma enim fidei non revelatur, ut quid melius & quid utilius, nec ad fidem subito revocatur, quod quibusdam inter fideles à Deo inspiratur, ac revelatur.

2°. Qui revelationi & inspirationi, de quâ hic loquitur S. Cyprianus resistit, juxta ipsum rationi resistit, seu à *ratione superatur*. Revelatio ergo latiori sensu hic à S. Cypriano usurpatur, prout quaslibet veritates naturales complectitur quas Deus revelat & inspirat.

3°. S. Cyprianus in Epistolâ ad Quintum nitidè ostendit quo sensu dixerit à Deo revelatum, quod adversus Stephanum tuebatur his verbis: » quæ aliquandò à fratribus & Col- » legis nostris utiliter & salubriter suggeruntur si sint vera » & legitima, ipsa potius nostra ducamus, cui rei Paulus » quoque prospiciens in Epistolâ suâ posuit dicens: Pro- » phetæ autem duo aut tres loquantur & ceteri examinent, » si autem alii revelatum fuerit sedenti, ille prior taceat; quâ » in parte docuit & ostendit multa singulis in melius revelari » & debere unumquemque non pro eo, quod semel imbibe- » rat & tenebat pertinaciter congregari, sed si quid melius & » utilius extiterit libenter amplecti; non enim vincimur » quando nobis offeruntur meliora. » Quis non videat opinio- nem de rebaptisandis Hæreticis à Cypriano iis adscribi, quæ Deus quibusdam inspirat & revelat ad majorem Ecclesiæ utilitatem? Quæ profecto revelatio unam respicit Ecclesiæ æconomiam, ac disciplinam, unde nedum faveat adversariis, assertionem nostram confirmat ut supra vidimus.

4°. Totne fidei dogmata credidit S. Cyprianus quæ in tractatu *de bono patientia* scripserat? Hæc tamen à Deo inspirata esse pronuntiat: *Propter hoc* inquit in Epist. ad Jubaian. *Eriam libellum de bono patientia quantum valuit nostra mediocritas permittente Domino & inspirante conscripsimus; nota*



omnia ergo quæ à Cypriano dicuntur inspirata sive revelata à Deo fidem respiciunt; revelatio igitur sive inspiratio divina aliquando à S. Cypriano fusiori sumitur significato, non ergo tandem subtiliter inventa, sed à Cypriano ipso suppeditata nostra responsio.

Objici. 4°. De fide credebatur S. Doctor eos baptizare non posse quibus à Christo concessa non erat baptisandi potestas; at Hæreticis talem à Christo datam fuisse potestatem negabat Cyprianus, „ manifestum est *inquit in Epist. ad „ Jubain.* Ubi & per quos remissa peccatorum dari possit quæ „ in baptismo scilicet datur; nam Petro primum Dominus „ super quem ædificavit Ecclesiam unde & unitatis originem „ instituit & ostendit, potestatem istam dedit, ut id solve- „ retur in cœlis quod ille solvisset in terris: & post resurrec- „ tionem quoque ad Apostolos loquitur dicens: sicut misit „ me Pater & ego mitto vos, hoc cum dixisset inspiravit & ait „ illis accipite Spiritum Sanctum si cujus remiseritis peccata „ remittuntur illi, si cujus tenueritis tenebuntur; unde intelligi- „ mus non nisi in Ecclesia præpositis & in Evangelicâ lege „ ac Dominica ordinatione fundatis licere baptizare & remis- „ sam peccatorum dare, foris autem nec ligari aliquid posse nec „ solvi ubi non sit qui aut ligare possit aliquid aut solvere. *Ergo.*

Respond. Distinguo minorem. Juxta Cyprianum Hæreticis data à Christo non erat baptisandi potestas; atque id variis rationibus utcumque ostendere conabatur concedo, & id tamquam de fide, tamquam certum tradebat nego minor. Itaque ad probandam suam de Hæreticis rebaptisandis sententiam variis illationibus utcumque ostendere conatur S. Doctor Hæreticis concessam à Christo non esse baptisandi potestatem; in textu enim objectato, ex eo quod Christus Petro & Apostolis ligandi & solvendi potestatem dederit, infert solis Ecclesiæ præpositis potestatem remittendi peccata à Christo fuisse concessam; Inde colligit baptisandi facultatem Hæreticis minime competere, ex quo tandem concludit invalidè quia illi- citè ab Hæreticis baptisari.

Verùm quod ex scripturis judicatur aliquomodo deducti posse, creditur ad fidem pertinere? si ad fidem revocantur quæ à Deo sunt immediate revelata, numquid & ea quæ ex revelatis utcumque variis ratiociniis inferri posse arbitrantur? quando Cyprianus plura scripturæ loca afferrebat ad ea probanda, quæ omnium iudicio versatilem spectabant disciplinam, ut supra vidimus, quod tuebatur ex iis quæ citabat scripturæ locis inferri posse profectò existimabat, ideòne illud fidei devovebat? Ergo licet S. Cyprianus ex scripturis inferri posse crediderit Hæreticis concessam à Christo non fuisse baptisandi potestatem, non ideò censuit de fide esse eos talem non habere potestatem.

Addo Cyprianum nec censuisse id certo & necessario ex scripturis inferri posse; nam 1°. Si existimasset ex scripturis necessario inferri solis Ecclesiæ præpositis datam esse à Christo baptisandi potestatem; hanc Laicis Catholicis sicut & Hæreticis denegasset, illi enim, æquè ac isti non sunt Ecclesiæ præpositi; attamen nullibi apud ipsum hanc potestatem Laicis Catholicis denegatam invenies, unde perversè admodum hic error Cypriano à Catholicis affingeretur.

2°. Si existimasset ex scripturis certò colligi nullum esse baptismum ab Hæreticis collatum, pro certo habuisset infantes cum solo Hæreticorum baptismo defunctos salutem adeptos non fuisse, eadem enim certitudine creditur hos infantes salutem fuisse adeptos, quàm creditur eos validè fuisse baptisatos; attamen S. Cyprianus non desperat de illorum salute, qui in præteritum cum solo Hæreticorum baptismo obierant, inter quos plures extitisse infantes nullus inficiabitur.

3°. Si ex scripturis certo inferri credebatur eos qui ab Hæreticis tincti fuerant, reipsa minime fuisse baptisatos, quomodo zelus, quo pro salute hominum ardebat passus fuisset, ut cuilibet Episcopo liberam eos non tingendi sineret facultatem? Credidissetne in necessariis tutiorem partem eligendam esse? Probabilia ergo, non certa Cypriano ipsi visa sunt, quæ ex scripturis ad suam sententiam & praxim fir-

mandam depromebat argumenta ; unde contra propositam objectionem concludo S. Cyprianum ad fidem minime revocasse quod in scripturis variis ratiociniis inferri posse , nec quidem certo & necessario putabat.

Objic. 5°. S. Cyprianus suam de Hæreticis rebaptisandis sententiam vocat Ecclesiæ Catholicæ fidem ac veritatem : *quare inquit in Epist. ad Jubaian. Ecclesia Catholica fidem ac veritatem frater charissime & tenere debemus firmiter & docere , & per omnia Evangelica & Apostolica præcepta rationem divina dispensationis atque unitatis ostendere.* Ergo eam meræ disciplinæ non adscripsit.

Resp. Nego antecedens , qui enim citata Cypriani verba ad ipsius de rebaptisandis Hæreticis sententiam referunt , vel Cypriani scripta nusquam legerunt ab uno vel altero autore ea excerpisse contenti , vel credulis imponere volunt : en Cypriani textus integer , prolixus quidem , at veritatem querentibus non onerosus , „ quam vanum est porro & perver-  
„ sum ut cum ipsi Hæretici repudiato & relicto vel errore  
„ vel scelere in quo prius fuerant , agnoscant Ecclesiæ veri-  
„ tatem , nos veritatis ejusdem jura & Sacramentum mutil-  
„ mus , & venientibus ac poenitentibus dicamus eos remissio-  
„ nem peccatorum consecutos esse , quando illi se peccasse  
„ & propter hoc ad Ecclesiæ indulgentiam venire fatean-  
„ tur ? Quare Ecclesiæ Catholicæ fidem ac veritatem frater  
„ carissime & tenere debemus firmiter & docere , & per om-  
„ nia Evangelica & Apostolica præcepta rationem divinæ  
„ dispensationis atque unitatis ostendere ; numquid potest  
„ vis Baptismi esse major aut potior , quam confessio , quam  
„ passio ut quis coram hominibus Christum confiteatur & san-  
„ guine suo baptisetur ? Et tamen neque hoc baptisma Hæ-  
„ reticis prodest , quamvis Christum confessi & extra Eccle-  
„ siam fuerint occisi , nisi si Hæreticorum patroni & advo-  
„ cati Hæreticos in falsâ confessione Christi interfectos mar-  
„ tyres prædicant & contra Apostoli contestationem , qui nihil  
„ eos quamvis exustos & occisos dicit posse proficere , glo-

„ riam eis & coronam passionis assignant. Quòd si Hæretico  
 „ nec Baptisma publicæ confessionis & sanguinis proficere  
 „ ad salutem potest, quia salus extra Ecclesiam non est,  
 „ quandrò magis ei nihil proderit, si in latebrâ & in latro-  
 „ num speluncâ adulteræ contagione aquæ tinctus non tan-  
 „ tum peccata antiqua non exposuerit, sed adhuc potius no-  
 „ va & majora cumulaverit. “ Vides quænam sit juxta Cy-  
 prianum illa Ecclesiæ Catholicæ fides & veritas firmiter te-  
 nenda & docenda, Hæreticos scilicet peccatorum suorum  
 remissionem in Hæresi consequi non posse, nec illis Baptis-  
 ma ad salutem prodesse, quod nullus inficiatur Catholicus,  
 & in quo certè sita non erat erronea de rebaptis. Hæreticis  
 Cypriani sententia, pessimè ergo de Cypriano merentur, qui  
 ad ipsius errorem revocant, quod ipse fide certum meritò  
 dixit.

Objic. 6°. Cypriani Epistolam ad Pompeium, ex quâ hæc  
 decerpunt testimonia, quæ fidei & dogmatis questionem ore  
 patulo clamare vociferantur; „ si in aliquo nutaverit & va-  
 „ cillaverit veritas ad originem Dominicam & Evangelicam  
 „ & Apostolicam traditionem revertamur, & inde surgat  
 „ actus nostri ratio, unde & ordo & origo surrexit. Tradi-  
 „ tum est enim nobis quod sit unus Deus & Christus unus  
 „ & una spes & fides una & una Ecclesia & Baptisma unum  
 „ non nisi in unâ Ecclesiâ constitutum, à quâ unitatem quis-  
 „ quis discesserit cum Hæreticis necesse est inveniatur quos  
 „ dum contra Ecclesiam (*Stephanus*) vindicat Sacramentum  
 „ divinæ traditionis impugnât . . . quæ ista obstinatio, quæve  
 „ præsumptio humanam traditionem divinæ dispositioni an-  
 „ teponere, nec animadvertere indignari & irasci Deum quo-  
 „ ties divina præcepta solvit & præterit humana traditio.

Resp. Quorsum istæ adversariorum tenebræ? Pulverem ab  
 oculis excuriant & videant aliquandrò in Cypriani textibus,  
 quod vident omnes, traditum scilicet à Cypriano dici,  
 unum esse Baptisma non, nisi in unâ Ecclesiâ constitutum,  
 quod verum est, quod omnes tenent Catholici, qui ex hâc

traditione probant Hæreticis baptizare non licere; at hic traditumne asserit S. Doctor Baptisma Hæreticorum validum non esse, vel quid simile? Hoc profectò nemo legit, nemo videt, nec videbunt ipsi adversarii res propius inspicientes; at inquirunt unum Baptisma in unâ Ecclesiâ ita constitutum asseribat S. Doctor, ut Hæreticos nec licitè nec validè baptizare posse argueret. Hoc fateor de quo nullatenus agitur; non enim hic quæritur, an Cyprianus existimaverit Hæreticos non posse valide baptizare; nec quæritur, an hoc ex pluribus scripturæ textibus erruere tentaverit, sed quæritur utrum de fide crediderit, utrum à Deo traditum dixerit Baptisma ita unum in Ecclesiâ esse, ut Hæretici nec licitè nec validè baptizare potuerint. Hoc porrò numquam probabitur; hoc nullibi apud Cyprianum legetur; imò contrarium vel ex hâcmet Epistolâ objectatâ demonstratur.

Cum enim Stephanus dixisset quod ab Apostolis accepimus tenemus, quid Cyprianus ad hanc Apostolorum auctoritatem? *Apostoli respondet Hæreticos Antichristos nominarunt, eos esse vitandos pronuntiarunt, nullibi apud Apostolos præceptum invenitur ut Hæreticis tantum manus in Pœnitentiam imponantur*; eos nimirum intra limites se continet ut ostendat Stephanum absque titulo Apostolicâ traditione gloriari, & quid circa ejusmodi Baptismum Apostoli senserint latere. Porro si S. Cyprianus suam sententiam ab Apostolis traditam existimasset, hanc traditionem profectò hic appellasset, repone certè non omisisset pessimâ omninò fide Apostolicam auctoritatem à Stephano laudari, cum sibi ipsi omnino faveret, oportunior ipsi nulla fuit occasio peremptoriam istam allegandi traditionem, quâ adversarii penitus retunderentur. Id tamen non prestitit Cyprianus; non ergo censuit ab Apostolis traditum Baptisma Hæreticorum invalidum esse.

Opponit quidem S. Doctor Stephani traditioni, quam humanam appellabat, Evangelicam & divinam, quam anteponendam esse dicit dispositionem, non quasi in hâc contineretur, aut manifestaretur sua de rebaptis. Hæreticis senten-

tia; contrarium enim vel ex hacmet Epistolâ modò evincemus, sed quia ex hâc humanis ratiociniis, sive ut loquitur Facundus Hermian. (a) *humanâ argumentatione* suam sententiam eruere contendebat. Quid enim ostendit juxta Cyprianum Evangelica hæc, & divina dispositio, quam hic Stephano opponit? Ostenditne nullum esse Hæreticorum Baptisma? Hæreticos validè Baptizare non posse? Minime; hoc nec ibi, nec alibi à Cypriano asseritur, quid ergo? Ostendit *Hæreticos esse Antichristos, esse vitandos*, ostendit *Baptismi unitatem*, en illa divina dispositio, quam Cyprianus Stephano opponit, plures scilicet Evangelicas opponit veritates, ex quibus suam sententiam variis argumentis eruere laborabat. Porro ex eo, quod Cyprianus ex pluribus scripturæ textibus suam de rebaptis. Hæreticis sententiam erui posse crediderit, concludendum non est ipsum agi de fide in hâc quæstione censuisse, ut supra probavimus.

Non moror quòd in hac Epistolâ S. Cyprianus S. Stephanum erroris accuset; non omnis enim error militat contra fidem, & revera Stephanus erroris quidem arguitur, numquam tamen erroris contra fidem; in eo autem errabat Stephanus in mente Cypriani, quòd sententiam de rebaptizandis Hæreticis *meliozem & utiliozem*, ut ait Cyprianus in Epist. ad Quintum, non judicaret, ideòque eam rejiciendam veller.

Hæc de Cypriani ad Pompeium Epistolâ sufficiant. *Illâ enim*, verbis utor Augustini (b) *quæ in Stephanum irritatus effudit retractare nolo, quia & non opus, & ea præterire melius est*, detestans cum Vincentio Lirin. optimo Gallo (c) *illorum nequitiam qui sancti viri (Cypriani) memoriam tamquam sopitos jam cineres prophanâ manu ventilant, & quæ silentio sepeliri oportebat redivivâ opinione diffamant.*

Objic. tandem probabile non est S. Cyprianum meræ devovisse disciplinæ controversiam, in quâ de validitate aut invaliditate Baptismi agebatur, nec potest concipi, quomodo

(a) Pro deffens. 3. Capit. lib. 20. cap. 3.

(b) Lib. 5. de Bapt. cap. 25.

(c) Common. 1. cap. 12.

ita sentire potuerit vir perspicaciâ maximè præditus, ac eruditione clarissimus.

Respond. Tot & tantis nititur assertio nostra argumentis, ut eam probabilitate carere solus ille contendat, qui palpet in meridie. Enimverò ut jure meritòque dicatur Cyprianum existimasse hanc fuisse meræ disciplinæ controversiam, numquid necesse est modum investigare, detegere, vindicare, quo talem judicavit? Ignoretur modus si placet, lateant nos principia, quibus ad ita judicandum moveretur S. Doctor, dummodo hac in controversiâ ea protulerit, quæ non nisi meræ disciplinæ questionem exhibeant; dummodo taliter in hoc negotio se gesserit, qualiter in negotio fidei numquam se gessisset, certa & immota remanebit veritas assertionis nostræ.

Eruditum Cyprianum, imo fulgentissimum Ecclesiæ lumen, & Doctorem conspicuum quis neget? At eruditum & puto Basilium, eruditum & Atanasium, iis tamen meræ disciplinæ controversiam hanc visam fuisse, & ipsi passim docent Galli scriptores ac Theologi. ( \* )

Cæterum non immeritò conjicitur eam fuisse Cypriani sententiam, quod Baptismi Hæreticorum validitas pendèret ab utribus, consuetudinibus, & dispositionibus privatarum Ecclesiarum, quæ Hæreticos ab baptisandum inhabiles reddere possent. Nam. 1°. Cyprianus, ut vidimus, suis permisit Collegis de rebaptisatione varie sentire, nec in alios quam in Stephanum videtur insurgere, eò quod Africanam etiam Ecclesiam Romanæ consuetudini mancipare vellet; porro liberam istam rebaptisandi vel non rebaptisandi facultatem pro suo erga salutem animarum studio minime permisisset, si Baptismum ab Hæreticis collatum nullibi validum fuisse putasset. Illud ergo necesse est ut validum in quibusdam Ecclesiis, irritum autem in aliis existimaverit; cujus quidem discriminis

( \* ) Vide Illust. de Saleon Ruth. Episc. in doc. Pall. de Eccles. decisi. autoritate Part. 1 pag. 222. & seq. Tomassin dissert. 2. de Bapt. Hæret. pag. 48. Feu tract. de legibus quest. 7. art. 3. pag. 252. Juvenin. de Sacram. quest. 6. cap. 2. art. 2. §. 3. pag. 90. & 92. Laymosius Episc. ad Be vilag. 25. pag. 827. & alios permultos.

causa non aliunde repeti posse videtur, quàm ex ratione mox allata.

2º. *Magno* inquirenti de Clinicorum tinctione respondet S. Cyprianus validum esse Baptismum Clinicis collatum; attamen vult in hac ipsâ Epist. ad Magnum 69. Clinicos iterum baptisari apud eos, qui hujus Baptismi validitatem denegabant, *si aliquis*, inquit, *existimat eos* (Clinicos) *nihil consecutos, non decipiantur, ut si incommodum languoris evaserint & convulnerint, baptiscentur.* Nullum ergo censebat S. Doctor Baptisma Clinicis datum apud eos quâ talis baptismi validitatem denegabant, alioquin Clinicos ab illis rebaptisari non permisisset; noverat enim, imo sæpius docuerat validum Baptisma iterari non posse, quod ergo validum penes se credebat baptismum, invalidum apud alios existimabat.

Porrò ita de Baptismo sentire non poterat, quin arbitraretur hanc privatis Ecclesiis inesse potestatem, ut apponere possent impedimenta, quibus nullum efficeretur baptismus, ita ut validè administraretur, ubi talia apposita non essent impedimenta, invalidè autem ubi apposita fuissent.

3º. Revera qui antiquitùs rebaptisationi Hæreticorum favēbant à diversis Ecclesiarum dispositionibus, seu consuetudinibus nanciscebantur Hæreticos rebaptisandi necessitatem, & consequenter Baptismi validitatem. » Quod igitur inquit S. » *Basilius in Epist. canon. prima ad Amphilochoium*, ad Catha- » ros pertinet & prius dictum est & rectè admonuisti unius- » cujusque regionis morem sequi oportere, quod ii qui tunc » de illis statuerunt in varias de ipsorum Baptismate sen- » tentias abierint .... quoniam nonnullis Asiaticis omninò » visum est eorum Baptisma pluribus consulendi causâ susci- » piendum esse, suscipiatur : *Et paulò post* existimo itaque » quoniam nihil de illis ( *Encraticis Hæreticis* ) apertè dic- » tum est, eorum Baptisma à nobis rejiciendum esse, ac si » quis ab eis acceperit accedentem ad Ecclesiam baptisandum ; » ( quod si hoc generali œconomix impedimento erit, ru-



»sus consuetudine utendum est, & sequi oportet Patres,  
 »qui quæ ad nos pertinet dispensaverunt) Ibi perspicis S.  
 »Basilium à diversarum regionum moribus, & à diversis Epif-  
 »coporum statutis repetere necessitatem Hæreticos rebaptisandi  
 »vel non rebaptisandi.

Ita sentiebat & Amphiloehius, qui in Catharorum Baptismo iterando vel non iterando diversis Ecclesiarum moribus ferviendum esse censebat, ut testatur Basilius iis verbis modò citatis »quod igitur ad Catharos pertinet & prius dictum est,  
 »& rectè admonuisti uniuscujusque regionis morem sequi  
 »oportere, quod ii qui tunc de illis statuerunt in varias de  
 »ipforum baptismo sententias abierunt.

Ita Firmilianus, qui rebaptisationem iis assimilat, quæ à variis regionum consuetudinibus robur accipiunt: *circa celebrandos inquit in suâ ad Cypr. Epistolâ inter Cyprianicas 75. dies Pascha & circa multa alia divina rei Sacramenta videas quis esse apud illos (Romanos) aliquas diversitates, nec observari illic omnia aequaliter, quæ Hierosolimis observantur secundum quod in cæteris quoque plurimis Provinciis multa pro locorum & nominum diversitate variantur, nec tamen propter hoc ab Ecclesia Catholica pace atque unitate aliquando discessum est, quod nunc Stephanus ausus est facere, rumpens adversus vos pacem, quam semper Antecessores ejus vobiscum custodierunt.*

Hæc nos ad cumulum de Cypriano investiganda doctis, & confirmanda, vel etiam si placuerit oppugnanda proponimus. Utcumque sit, immotum semper maneat & inconcussum quod à Gallis universim asseritur, Cyprianum videlicet totam hanc de Baptismo Hæreticorum controversiam ad meram disciplinam revocasse.

✠  
✠  
✠



## CAPUT SECUNDUM.

*AFFERUNTUR MOMENTA, QUIBUS EVINCITUR S. Cyprianum probe Novisse quam S. Stephanus Rom. Pontifex vindicabat consuetudinem, universalem tunc temporis fuisse Ecclesiæ consuetudinem, ac ab omnibus Episcopis antiquitus servatam fuisse.*

I°. **R** Ebaptisanti Cypriano opponebatur Ecclesiæ consuetudo, quâ Hæretici ex S. Cypriano ad Ecclesiam venientes sine novo baptismo recipiebantur; hanc porrò Ecclesiæ consuetudinem numquam diffitetur, semper agnoscit S. Doctor, id unum contendit eam rationi subijciendam esse, eam præscribere minimè debere, ac quasi vetustum errorem derelinquendam esse, non ignorabat ergo eam sibi adversari, frustra aiebat Cyprianus Jubaiano scribens » quidam qui » ratione vincuntur consuetudinem nobis opponunt, quasi consuetudo major sit veritate . . . non tamen quia aliquandò » erratum est ideò semper errandum. *Et in Epist. ad Quintum* » non est autem de consuetudine præscribendum, sed ratione » vincendum, *loquitur de consuetudine Hæreticos non rebaptisandi, & in Epist. ad Pompeium* consuetudo sine veritate » vetustas erroris est, propter quod relicto errore sequamur » veritatem.

Nec dicas S. Cyprianum ibi loqui de consuetudine alicujus Ecclesiæ particularis, Romanæ videlicet, vel alterius, quam sibi adversari ultrò fateretur, non autem de consuetudine universali Ecclesiæ; nam I°. Cyprianus existentem eam fateretur consuetudinem, quæ ipsi opponebatur, atqui opponebatur consuetudo non quibusdam peculiaris, sed universalis

Ecclesiæ, audiat strenuus ille traditionum Ecclesiæ defensor Episcopus anonymus jam citatus, qui Cyprianum viriliter perstringebat, *in quo genere inquit in tractatu qui incipit his verbis: non debere denuo baptizari &c. questionis ( de baptismo Hæreticorum ) nulla omnino potuisset controversia aut disputatio emergere, si unusquisque nostrum contentus venerabili Ecclesiarum omnium autoritate nihil innovare gestiret.* Cypriano non exprobrat ipsum alicujus peculiaris Ecclesiæ, Romanæ nempe, vel alterius autoritati obaudire nolle, sed ipsum *venerabili Ecclesiarum omnium autoritate contentum* esse noluisse. Audiat S. Stephanus R. Pontifex in suo celebri recepto. *Si quis à quacumque hæresi venerit ad nos, nihil innovetur præter id quod traditum est;* non Romanam tantum aut quibusdam peculiarem Cypriano opponebat traditionem, sed indefinitam, ac consequenter universalem. *Stephanus inquit de se for declarat. Cleri Gallic. añ. 1681. vulgò Bossuetus Episc. Meldensis (a) urgebat consuetudinem universalem. S. Stephanus inquit Habert Doctor Sorbonicus (b) traditionem & consuetudinem Ecclesiæ opposuit S. Cypriano: siquis inquit &c. Ecclesiæ traditionem inquit Grandin Doctor & Professor Sorbon. (c) opposuit Stephanus Papa Africanis. De totius Ecclesiæ traditione inquit Henricus à S. Ignatio (d) S. Stephanus Papa testimonium perhibuit, dum S. Cypriano hac in causâ scripsit nihil innovetur nisi quod traditum est.* Mirro alios passim Gallos Theologos de Stephano idem testantes.

2°. S. Cyprianus objectat consuetudini solam opponit veritatem. Verum si existimasset S. Doctor hæc consuetudinem haud fuisse universalem, sed quibusdam tantum Ecclesiis peculiarem, non solam profectò veritatem, quam pro se ipso stare credebat, sed etiam aliarum sibi faventium Ecclesiarum consuetudinem opposuisset; ideòque contentatus esset suos adversarios & contra veritatem, & contra consuetu-

(a) In decess. decl. Cleri Gallic. part. 2. lib. 14. cap. 7.

(b) In tract. de Sacram. cap. 14. pag. 89. edit. Paris. 1718.

(c) Tract. de Sacram. quest. 3. art. 2. sect. 4. puncto 2°. pag. 31. edit. Paris. 1710.

(d) Tract. de Sacram. tom. 3. pag. 130. edit. Leodien. 1709.

dinem etiam facere : non nostrum est hoc ratiocinium , sed Augustini : *cur inquit ( a ) tot Cypriani Collega in Concilio dixerunt rationem & veritatem consuetudini præponendam , ac non potius dixerunt eos qui aliud facere vellent & contra veritatem , & contra consuetudinem facere ?*

3°. Quonam pacto centuillet Cyprianus consuetudinem solius Romanæ Ecclesiæ vel etiam alterius sibi adversari , Cyprianus , inquam , qui & ipsam Africanæ Ecclesiæ consuetudinem sibi contrariam fatebatur ? Gloriabantur enim S. Cyprianus alique in Africâ rebaptisantes se Africanæ Ecclesiæ dereliquisse consuetudinem teste Firmiliano in suâ ad Cyprianum Epistolâ » quod autem *inquit* pertinet ad consuetudinem refutandam , quam videntur opponere veritati , quis » tam vanus sit ut veritati consuetudinem præferat ? aut qui » perspectâ luce tenebras non deferat ? nisi si & Judeos Christo » adveniente , idest veritate , adjuvet in aliquo antiquissima consuetudo , quod relictâ novâ veritatis viâ in vetustate permanserint , quod quidem adversus Stephanum vos dicere » Afri potestis cognitâ veritate errorem vos consuetudinis » reliquisse. *Ita planè* Cyprianus alique rebaptisantes Africanî , inquit Illust. de Saleon Ruthenensis Episcopus , *agnoscebant se antiquam mutasse consuetudinem. ( b )*

At inquit S. Cyprianus in Epist. ad Quintum , & ad Juliaian. nitidè affirmat jam pridem ab Agrippino pluribusve aliis Africanis Episcopis statutum fuisse , ut ab Hæreticis baptisati ad Ecclesiam redeuntes iterum baptisarentur , exindè vero multa Hæreticorum millia in Africanis Provinciis juxta hoc statutum fuisse suscepta. Quid inde ? Cyprianus ergo Africanæ consuetudinem sibi contrariam non reperit ? Post Agrippinum consuetudo Hæreticos rebaptisandi in Africâ prævaluerat ? Haudquaquam. Citata enim Cypriani verba probant quidem Agrippinum pluresve Africanos Episcopos

( a ) Lib. 3. de Bapt. cap. 11.

( b ) Docum. Pastor. super Ecclesiæ decisionum autoritate jam laudato parte 1.

pag. 210. *Les Africains ( il parle de S. Cyprien & les autres rebaptisants ) reconnoissent avoir changé l'ancienne coutume.*

rebaptisationem in suis Ecclesiis introduxisse, ac post Agrippinum nonnullos Episcopos illius sententiam, & praxim fuisse secutos, at nullatenus evincunt pluralitatem, & universalitatem Episcoporum Africanorum post Agrippinum rebaptisationi fuisse ipso etiam Augustino interprete, qui obiectatum Cypriani textum ita explicat, ut minimè impediatur, quominus consuetudo non rebaptisandi ab Agrippino etiam usque ad Cyprianum in Africâ prævaluerit: *quomodo autem* inquit lib. 3. de bapt. cap. 12. *Cyprianus dicat* atque exinde in hodiernum tot millia Hæreticorum in Provinciis nostris ad Ecclesiam conversi non aspernati sunt neque cunctati, imo & rationabiliter & libenter amplexi sunt ut lavacri vitalis & salutaris baptismi gratiam consequerentur » non video, uisi » forte hoc dicat *exinde in hodiernum*, quia nulla de illis ex quo in Ecclesiâ per Agrippini Concilium baptisati sunt » questio alicujus excommunicationis exorta est. Cæterum si » permanebat ab Agrippino usque ad Cyprianum consuetudo » baptisandi ab Hæreticis venientes, ut quid facta sunt à Cypriano de hac re Concilia? Ut quid eidem Jubaiano dicit » non se rem novam facere aut repetitam, sed ab Agrippino » constitutam? Cur enim Jubaianus de novitate turbaretur, » Ut eum per auctoritatem Agrippini sanari oporteret, si ab » Agrippino usque ad Cyprianum hoc tenebat Ecclesia! Et cap. 2. ejusdem lib. testatur plures ex illis Episcopis, qui cum Agrippino pristinam non rebaptisandi mutaverant consuetudinem, ad eam redisse, ita ut post Agrippinum vetus Ecclesiæ consuetudo in Africâ undique vigeret.

Hinc patet Firmiliano & Augustino asserentibus Africæ consuetudinem à Cypriano derelictam fuisse, non obesse quod Cyprianus affirmat, ab Agrippino scilicet ad suam usque ætatem multa Hæreticorum millia iterato Baptismo in Africâ recepta fuisse; verum enim utrumque. Cyprianus Africæ consuetudinem dereliquit, quia dereliquit consuetudinem, quæ à pluralitate Præfulum Africanorum servabatur; multa Hæreticorum millia ab Agrippino usque ad Cyprianum iterato

Baptismo in Africâ recepta fuerunt, quia licet pluralitas Africanorum Præfulum Romanam consuetudinem retinuerint, nonnullis tamen magis placuit Agrippini sequi statutum, à quibus multa Hæreticorum millia iterato Baptismo recepta fuerunt. Hæcque conciliatio eo benignius suscipienda, quòd aliter dicendum foret & Cyprianum sibi ipsi contradicere, & falsâ ab Augustino narrari. 1°. Cyprianus sibi ipsi contradiceret, quia ex hypotesi vellet in Epist. ad Jubaian. Africæ consuetudinem post Agrippinum suæ opinioni suffragari, & in Epist. ad Firmilianum affirmaret se Africæ consuetudinem relinquere. 2°. Falsum narrasset Augustinus quando tam sæpius, tam confidenter testabatur consuetudinem Africanam spectato etiam tempore medio Agrippinum inter & Cyprianum, rebaptisationi fuisse contrariam.

Hoc quidem effutire de Augustino veritus non est P. Gervasius in suâ quam Gallico idiomate publicæ luci dedit S. Cypriani vitâ lib. 5. num. 5. pag. 381. Verum quis patienter ferat tantum Doctorem omnium in hoc rebaptisationis negotio versatissimum sæpius ut deceptum, ut à veritate aberrantem, ut falsâ obtrudentem, ut malum Cypriani interpretem ab hoc Autore traduci: (a) *hac jactare* (defunctus adhuc loquitur Augustinus) *quid est nisi delirare* (b) fortè inquires, talia Censorem nostrum urgebant argumenta, ut Augustinum ab iis erratis excusare non posset etiam paratissimus. A sequenti cætera disce.

*Mirum non est, inquit Gervasius, quod Augustinus numerum Episcoporum Orientalium qui Cypriani sententiam propugnabant ignoraverit, cum numerum Africanorum nec agnosceret; septuaginta enim Episcopos nec plures in Africâ recenset, cum vel in uno Concilio octoginta septem enumerentur. (c) Hic*

(a) A pag. 381. usque ad pag. 386. &c. alibi

(b) Lib. 2. cont. Petil. cap. 39.

(c) Pag. 441. Il ne faut pas s'étonner si ce Saint (Augustin) qui étoit si éloigné de la Syrie n'a pas connu tous les Evêques

qui soutenoient cette opinion (de S. Cyprien) puisqu'il ne savoit pas même quel en avoit été le nombre en Afrique où il étoit, n'en mettant que soixante & dix pour cette Province, quoique nous en ayons vu quatre-vingt sept dans un seul Concile.

Augustinus

Augustinum numeri rebaptisantium ex Africa Episcoporum ignarum nobis vendit, præcensamque ignorantiam hoc probat argumento; quia plures, inquit, in Africa rebaptisantes Episcopos non recenset S. Doctor quam septuaginta. Nigra falsitas & eò magis intoleranda, quò & scienter prolata, & in dedecus tanti Ecclesiæ Doctoris fabricata. En Augustini verba ad Crescon. lib. 3. cap. 3. *proinde si omnino credendum sit 50. Episcopis Orientalium id esse visum, quod 70. Afris, vel aliquantò etiam pluribus contra tot milia Episcoporum &c.* hæc verba 70. *Afris vel aliquantò etiam pluribus* sonantne 70. *Afris nec pluribus*, ut Auctor iam confidenter affirmat? Audiatur iterum Augustinus *visum est*, inquit lib. 1. de Bapt. cap. 18. *Cypriano cum ferme octoginta Coepiscopis suis Africanarum Ecclesiarum omnem hominem qui extra Ecclesia Catholica comunione baptisatus fuisset, oportere ad Ecclesiam venientem denuò baptisari*: Enumeratne hoc & in loco 70. tantum Episcopos pro Cypriano?

Nos vidimus, inquit Augustini Censor, vel uni Cypriani Concilio 87. Africanos Episcopos interfuisse, quod Augustinum latuit; at te ipsomet teste (a) miser Aristarche singulas horum 87. Episcoporum sententias refert ac expendit S. Doctor in lib. 6. & 7. de Baptismo, quomodo ergo latuit Augustinum huic Cypriani Concilio 87. Episcopos Africanos interfuisse? Si igitur hos omnes Cypriano erranti non adjunxit, id egit, quia pro suâ non omnibus communi æquitate ac justitiâ noluit Catholicas nonnullorum ex illis Episcopis sententias erroris accusare, quod imitari melius Auctori nostro cessisset, quàm in Augustinum indigna anhelasse convicia.

Hæc sunt argumenta, quibus urgetur P. Gervasius ad ignorantiam Augustini revelandam, seu verius ad suam apertissimè manifestandam; sed utinam Augustinus solus Viperinum hujusce scriptoris dentem expertus fuisset. Demum

(a) Pap. 433. *S. Augustin a eu la patience de de les réfuter tous les uns après les autres de recueillir tous ces avis (des 87. Evêques) tous.*

si ejus autoritatem sibi contrariam, contempsit, saltem sibi aliquandò faventem veneratus est. Verum ut de aliis taceam, quot contumeliosa, quot falsa, quot impia non evomuit in Stephanum Pontificem Maximum, & Sanctissimum Martirem, vix inter ipsos Calvinistas reperiās acerbius amariuscque insultantem Pontifici.

Stephanus, si ipsi fides, *indigné penitus erga Cyprianum se gessit* (a) Stephanus *fastum tumide ac dominatum affectat*. (b) Stephanus *imperantem ac tyrannum agit*, (c) inhumanitatis, vexationis, tyrannidis Reus. (d) Stephanus Ecclesiæ unitatem scindere Flocci facit, (e) Cyprianum inauditum judicat & damnat. (f) Stephanus Cypriani, quem ut Pseudochristum Pseudo-Apostolum, dolosum & perfidum infamabat, (g) Episcopis legatis pacem, communionem, hospitalitatem non negavit solum, sed negandam quoque ab omnibus & ubique præcepit. (h) Stephanus zelum præferet quidem, sed ad omnia promiscuè devastanda unice sufficientem, (i) hic Stephani zelus Imperatorem movit ad Ecclesiam crudeliter persequendam. (k) Srephanus non unum vel duos dumtaxat, sed tres errores fidei Catholice adversos docet in suo rescripto. (l) Tandem verò, quasi hæc omnia pro Stephani demeritis minimè sufficerent, contestatur Gervasius se cum omni moderatione

(a) Pag. 415. Un traitement si indigne fait à S. Cyprien par le Pape Etienne.

(b) Tous ces airs de hauteur & d'empire que le Pape Etienne affectoit, Pag. 413. Les monitions hautes & impérieuses du Pape Etienne pag. 461.

(c) S. Cyprien pouvoit aussi regarder cet impérieux commandement (du Pape Etienne) & ces menaces comme une conduite tyrannique. Pag. 421.

(d) Cette dureté d'Etienne pag. 436. tant d'Eglises dévotées d'une oppression qu'elles avoient toujours regardée comme une tyrannie particulière à Etienne. Pag. 459.

(e) Etienne ne se soucioit pas de mettre la division dans l'Eglise. Pag. 436.

(f) Ce qui fit improprier la conduite du Pape Etienne à ceux mêmes, qui étant de son sentiment, croyoient qu'on devoit au moins écouter tout le monde & ne condamner personne avant de l'avoir entendu.

(g) Ce qui choqua S. Cyprien (dans la réponse d'Etienne) ce fut de voir qu'on le traitoit de faux Christ, de faux Apôtre, de trompeur & de perfide. Pag. 413.

(h) Etienne leur refusa la communion comme à des Hérétiques, il se sépara entièrement de leur compagnie; bien loin de permettre qu'ils le vissent, qu'ils lui parlassent, qu'ils lui adressassent des lettres. Il défendit à tous les Fidèles de Rome de les recevoir chez eux, & pressa tous les Evêques de son parti d'en agir de même à leur égard. pag. 461.

(i) Etienne étoit de ces Zèles ardents qui ne peuvent souffrir d'opposition, & dans l'ardent de ce zèle ils voudroient tout exterminer dès la pointe du jour. pag. 418.

(k) L'Empereur excita une furieuse persécution contre l'Eglise. Le zèle d'Etienne lui avoit donné occasion. pag. 452.

(l.) De hoc locè differit pag. 465, & 466.



ac temperantiâ possibili de Stephano verba facere (a)

Cœli quæ video. Hæc Francus ? Hæc Catholicus ? Hæc Dei Sacerdos ? Hæc filius ? Hæc de Patre ? Hæc de Pontifice Maximo ? Hæc de traditionis vindice ? Hæc de sanctissimo Martire ? O licentiosam scriptionem, insultam nihilominus, preh Superi, & impunitam ? *O portentum non sicut ait quidam in ultimas terras exportandum, sed potius extra omne Cælum & omnes terras si fieri possit abigendum.* (b) Hæc legentur ? Hæc credentur. Hæc posteris tradentur ? Verba defunt, mens deficit, horrescit animus, ad placida, ad vera, ad humana, ad pia & catholica transeamus. Redeamus ad nos. *His enim malis magis debentur prolixæ gemitus quàm prolixi libri* Aug. Epist. 22.

II. Episcopus anonimus Cypriano cœvus non semel laudatus tria de Cypriano (c), ejusque asseclis tradit in tractatu, qui incipit his verbis : *Non debere denuò &c.* quæ manifestissimè ostendunt notum abunde fuisse S. Doctori consuetudinem Hæreticos non rebaptisandi universalem Ecclesiæ tunc temporis fuisse praxim. Tradit enim. 1°. Cyprianum eique adherentes novam de rebaptisandis Hæreticis opinionem protulisse, quia non erant contenti venerabili Ecclesiarum omnium auctoritate, quâ tamen pro humilitate necessariâ contenti esse debuissent : *in quo genere quæstionis de rebap. Hæret. inquit nulla omnino potuisset controversia aut disceptatio emergere, si unusquisque nostrum contentus venerabili Ecclesiarum omnium auctoritate & necessariâ humilitate nihil innovare gestiret.*

(a) Pour m'expliquer avec le plus humble & le plus modéré de tous les Ecritains de nos jours (au sujet du Pape Etienne) pag. 412.

(b) August. ad Crescon. lib. 3. cap. 5.

(c) Cyprianum, tacto tamen eius nomine, ab hoc Autore potissimum perscrutato facile deprehenditur; cum quæ adversarium suum tamquam ornate, & composuissè scribentem nobis exponit, quod tamen, inquit, non valde illam ipsam fidem laudat, sed non ornate ut tu & composuisti; porro ex Africanis alium præter Cyprianum tunc pro rebaptisatione ornate & composuissè scripsisse non invenitur. Tum quia refutator adversarium qui plures scripturæ

textus pro sua opinione retulerat: ad quæ inquit forte tu qui apuum quid inducis continuo respondeas ut soles, dixisse in Evangelio Dominum nisi quis denuò natus fuerit. Et infra nec esset hæc tractatus contrarium quod dixit Dominus: Itæ docet gentes. Et paritè post sed et hoc ut soles contradicere opponendo nobis tunc cum baptisarentur integrè ac rectè discipulis &c. I. ordo cum ii textus à Cypriano solo tunc temporis obiecti legantur, Cyprianus ille erat adversarius quem Autor perscrimebat; atque ita sentiunt ex Gallis Tillæmonius. Hist. Eccles. tom. 4. pag. 112. Defensor declarationis Cleri Gallicani 1682. part. 1. lib. 14. pag. 268. & alii.

2°. Cyprianum redarguit quod gloriaretur se correxisse vitia & errores univrsarum Ecclesiarum, *errores inquit & vitia univrsarum Ecclesiarum correxisse apud similes sui & compares gloriatur.*

3°. Cyprianum, Cyprianique affectas exhibet ut Episcopos, qui non verebantur detegere turpitudinem Matris Ecclesiæ, si quam esse in hac de Baptismo quæstione putabant: *Monstrum inquit simile est ipsos Episcopos talia scandala cogitare, & turpitudinem Matris Ecclesiæ si quam putant in hoc negotio esse nimis irreverenter non vereri detegere.*

Porro qui non erat contentus venerabili Ecclesiarum omnium autoritate, non Stephani tantum, sed & Ecclesiarum omnium autoritati obaudire nolebat, non ergo solum Stephanum, sed & ceteras undique Ecclesias noverat Cyprianus suæ opinioni ac praxi esse contrarias. Qui gloriabatur se correxisse errores univrsarum Ecclesiarum profectò non ignorabat univrsas Ecclesias à se dissentire; qui non verebatur turpitudinem Matris Ecclesiæ detegere palàm ostendit Matrem Ecclesiam suæ, quam veram putabat, opinioni adversari.

III. S. Hieronymus in dial. adversus Lucif. tom. 4. part. 1. pag. 305. hæc habet: *Ecclesia semper ab Hæreticis Baptismum recepit . . . quod si negandum quispiam putaverit Hæreticos à Majoribus nostris semper fuisse susceptos, legat B. Cypriani Epistolas, in quibus Stephanum Romanæ urbis Episcopum, & inveteratæ consuetudinis lacerat errorem.* Duo hic ostendunt S. Cyprianum in mente S. Hieronymi non ignorasse consuetudinem Ecclesiæ suæ opinioni & praxi fuisse contrariam 1°. S. Hieronymus ex Cypriani Epistolis colligit, & probat praxim Hæreticos non rebaptisandi perpetuam Ecclesiæ ac Majorum nostrorum consuetudinem fuisse; ad mentem ergo S. Hieronymi S. Cyprianus perpetuam hanc Ecclesiæ ac Majorum nostrorum consuetudinem in suis Epistolis manifestabat; hanc ergo sibi adversam Ecclesiæ consuetudinem non ignorabat. 2°. Cyprianus juxta Hieronymum erroris accusabat non solum Stephanum, sed & Ecclesiæ consuetudinem,

noyerat ergo non solius Stephani, sed & Ecclesię consuetudinem sibi adversari.

Repones fortasse juxta Hieronymum consuetudinem quidem à Cypriano lacerari, sed non consuetudinem universalem Ecclesię; at si Hieronymus de universali Ecclesię consuetudine non loqueretur, suum minimè probaret intentum. Enim vero ex eo quod Cyprianus laceravit inveteratam consuetudinem Hæreticos non rebaptisandi, Hieronymus probare intendit Hæreticos sine Baptismo, ab Ecclesiâ, à Majoribus nostris semper fuisse susceptos. Porro ex eo quod Cyprianus lacerasset consuetudinem hanc quibusdam peculiarem, probaret quidem Hæreticos sine iterato Baptismo ab aliquibus semper fuisse susceptos; at minimè probaret eos ita semper, ita à Majoribus nostris indefinitè, ac ab Ecclesiâ fuisse susceptos, ergo quando S. Hieronymus dicit consuetudinem à Cypriano laceratam fuisse, uniuersalem spectat Ecclesię consuetudinem.

IV. S. Augustinus, cui, vel nulli, hęc in re fides præstanda, centies affirmat S. Cyprianum apprime novisse consuetudinem Ecclesię universalis sibi rebaptisanti adversari. *Noluit* inquit lib. 2. de Bap. cap. 8. *vir gravissimus* (Cyprianus) *veraci consuetudini cedere . . . sed in tam obscurâ questione turbatus & ubique intuens universalem, robustamque consuetudinem* Hæreticos scilicet non rebaptisandi. Quid clarius? Cyprianus ubique intuebatur universalem, robustamque consuetudinem Hæreticos non rebaptisandi: & cap. 9. *hanc autem* (Stephani R. P.) *fuisse consuetudinem Ecclesię satis ostenditur & ipsius B. Cypriani verbis*: Et iis citatis, sic pergit ubi certè quid fieri soletet, & si non fieri velles satis ostendit. . . . *aperitè indicat* (Cyprianus) *fuisse aliam consuetudinem Ecclesię, & in ipso Concilio* (Cartagin. 3.) *nonnulla sententia omninò declarans eos contra Ecclesię consuetudinem decrevisse quod decernendum esse arbitrati sunt*. Quid luculentius? *Verba ipsius B. Cypriani satis ostendunt* quam Stephanus urgebat consuetudinem fuisse Ecclesię consuetudinem. Cyprianus *satis ostendit* quid fieri soletet & si non fieri vellet, Lei-

licet Ecclesiæ consuetudinem suæ opinioni adversari. Cyprianus *apertè indicat* fuisse aliam consuetudinem Ecclesiæ. Et Africani nonnulli in Concilio Cartag. 3. *omniñò declarant* se contra consuetudinem Ecclesiæ rebaptizandos esse Hæreticos decrevisse. Numquid ergo ignorabant Cyprianus, Africanique Præsules consuetudinem Ecclesiæ sibi adversari?

Audiamur iterum S. Augustinus in lib. 4. de bapt. cap. 6. „Istam consuetudinem (*Hæreticos non rebaptizandi*) tam „robustam & antea idem Cyprianus invenit, ut cum ejus „mutandæ autoritatem quam sequeretur vir tanta scientiâ „præditus quæreret, nonnisi in Africâ solâ factum paucis „ante se annis Agrippini Concilium reperiret, quod cum „sibi adversus totius orbis morem non sufficere cerneret has „rationes arripuit. „Cernebat Cyprianus eo teste, cui melius, quam nuperis quibusdam Theologis explorata erant Cypriani verba atque sensa, Agrippini autoritatem, quam in Hæretici rebaptizandis sequebatur, sibi non sufficere adversus *totius orbis morem*, profecto ergo sciebat morem totius Orbis rebaptisationi Hæreticorum esse contrarium.

Rursus Augustinus lib. 6. de bapt. cap. 35. *Si consuetudo erat inquit sicut hac sententia testis est, ut Hæretici venientes ad Ecclesiam cum baptismo quod habebant reciperentur, cur orbem terrarum quia sic recipiuntur accusant?* Episcopi scilicet Concilii Cartagin. 3. inter quos Cyprianus. Porro qui accusant Orbem terrarum, quod Hæretici sine iterato baptismo reciperentur, non ignorant profecto ab Orbe terrarum Hæreticos sic recipi; & lib. 7. cap. 2. *Eam quoque fuisse consuetudinem ut sic reciperentur* (Hæretici sine iterato baptismo) & ipse Cyprianus multis locis & aliquot Episcopi in hoc Concilio (Cartag. 3.) manifestant; unde aparet si Hæretici non habent baptismum, Ecclesiam Christi temporum illorum prævaricatoribus fuisse plenam, qui eis suffragantes sic recipiebant. Undenam probat S. Doctor viguisse, Cypriani etiam ætate, Ecclesiæ consuetudinem, ut Hæretici sine novo baptismo reciperentur? Ex ipso, ut vides, sancto Cypriano,

qui multis locis illud manifestat, non ergo ignorabat Antistes Cartaginensis eam fuisse Ecclesiæ consuetudinem.

Non pigeat quæso Augustinum adhuc audire: *talem inquit lib. 7. de bapt. cap. 25. fuisse Ecclesiæ consuetudinem* (Hæreticos scilicet non rebaptisandi) *ipsi qui hoc Concilium Cartagin. 3. faciunt sæpè commemorant.* Noverat ergo Cyprianus, noverant Africani Episcopi, qui huic Concilio interfuerunt *talem* fuisse, non Stephani tantum, sed & *Ecclesiæ* consuetudinem; & in Epist. ad Vincentium Rogatist. 93. cap. 10. *Cyprianus autem sensisse aliter, quàm forma & consuetudo habebat Ecclesiæ, non in Canonice sed in suis & in Concilii litteris invenitur.* Si in Cypriani litteris invenitur ipsum aliter de baptismo sensisse, quàm consuetudo habebat Ecclesiæ, Cyprianus profectò in suis litteris ostendit consuetudinem Ecclesiæ alienam esse à suâ sententiâ.

Quid amplius ab Augustino desideraretur in gratiam assertionis nostræ? S. Cyprianus teste Augustino *satis ostendit, apertè indicat, omniù declarat, sæpè commemorat, multis locis manifestat non Stephani tantum, sed & Ecclesiæ consuetudinem esse* ut Hæretici venientes ad Ecclesiam cum baptismo quod habebant reciperentur. Cyprianus *accusabat* non solum Stephanum, sed *orbem terrarum*, quòd Hæretici sic reciperentur. Cyprianus *cernebat* se agere *adversus totius Orbis morem.* Cyprianus *ubique intuebatur universalem & robustam consuetudinem* Hæreticos non rebaptisandi. Hæc sine ambagibus sine verborum circuitu, nullis involuta tenebris, nidida, luculenta centies repetita, firmiter, ac evidenter ostendunt exploratum Cypriano sine dubio fuisse consuetudinem Hæreticos non rebaptisandi tunc temporis fuisse consuetudinem *Ecclesiæ*, fuisse consuetudinem *universalem Ecclesiæ*, consuetudinem *Orbis terrarum, totius Orbis morem, quem ubique intuebatur.*

V. Universalem Ecclesiæ de non rebaptisandis Hæreticis consuetudinem nec à Cypriano, nec ab ejus asseclis in dubium revocatam fuisse manifestat & status controversiæ, quæ Cy-

prianum inter & alios agitabatur ; hunc dilucidè exponit Anonymus Episcopus Cypriano coevus sæpius laudatus iis verbis : „ Animadverto quæsitum apud fratres quid potius „ observari oportet in personam eorum, qui in Hæresi quidem „ sed in nomine Domini Dei nostri Jesu-Christi tincti post- „ modum inde digressi & suppliciter ad Ecclesiam Dei advo- „ lantes totis præcordiis pænitentiam agerent, & erroris sui „ damnationem nunc demum intelligentes, auxilium salvis „ ab ei implorent ; utrum vetustissima consuetudine ac tradi- „ tione Ecclesiasticâ post illum qui foris quidem, sed in no- „ mine Jesu-Christi dominicum acceperunt baptisma, tantum- „ modo imponi eis manum ab Episcopo ad accipiendum „ Spiritum sanctum sufficeret, & hæc manus impositio sig- „ num fidei iteratum atque consummatum eis præstaret ; an „ verò etiam iteratum baptisma iis necessarium esset tam- „ quam nihil habituris, si hoc quoque adepti ex integro non „ fuissent, perindè ac si numquam baptisati in nomine „ Jesu-Christi forent, ideòque nonnulla super hæc novâ quæsi- „ tione scripta aut rescripta esse jactabantur, quibus utraque „ pars ad destruenda aliena summo studio nitebatur. „ En status controversiæ, quæritur utrum observari potius oporteat vetustissima Ecclesiæ consuetudo ac traditio quâ Hæretici ad Ecclesiam venientes cum baptismo quod foris acceperant suscipiebantur ? An vero baptisma iis adhuc sit necessarium, quia nihil essent habituri si hoc non acciperent ?

Hic porro quæstionis status manifestè supponit ab omnibus ultro admittam fuisse hujusce Ecclesiæ de non rebaptisandis Hæreticis antiquissimæ consuetudinis existentiam, cum de eâ quaratur tantummodo utrum servari, vel non servari debeat ; unde citatus autor, qui totus est in refellendis Cypriani rationibus numquam de ipso conquæritur, quòd hujus Ecclesiæ consuetudinis existentiam in dubium revocaret ; at sæpius ipsi exprobat, ut supra vidimus, quòd nollet esse *consensus venerabili Ecclesiarum omnium auctoritate*, quòd rebaptisationem Hæreticorum minimè damnaret, quam tamen judicabat

iudicabat contrariam solemnissimæ cunctorum emeritorum  
 sanctorum & fidelium observationi. „ In quo genere *inquit*  
 » quæstionis (*de rebaptis. Hæreticis*) ut mihi videtur nulla om-  
 » ninò potuisset controversiâ aut disceptatio emergere, si unus-  
 » quisque nostrum contentus venerabili Ecclesiarum omnium  
 » autoritate & necessariâ humilitate nihil innovare gestiret;  
 » namque omne quod anceps & ambiguum & diversis sen-  
 » tentiis prudentium ac fidelium virorum constitutum est, si  
 » contra priscam & memorabilem cunctorum emeritorum  
 » sanctorum & fidelium solemnissimam observationem judi-  
 » catur, damnari utique debet. “ Cypriano exprobrat, quòd  
 » autoritati tot annorum, totque Ecclesiarum acquiescere noller;  
 » quòd insurgeret adversus Ecclesiasticam tot seculorum con-  
 » suetudinem: *perquam inquit, utile est credere, & tot annorum*  
*totque Ecclesiarum autoritati cum bonâ ratione acquiescere, cum*  
*sit maximum incommodum ac dispendium sanctissima matris*  
*Ecclesie adversus prisca consulta post tot seculorum seriem nunc*  
*primum ac sine ratione insurgere.* Ex quibus omnibus liquet  
 nemini rebaptisantium tunc temporis fuisse dubiam hanc de  
 non rebaptisandis Hæreticis Ecclesiæ consuetudinem; unde  
 Venerabilis Beda assererat Cyprianum cum suis Africanis  
 non contra Stephani vel alterius praxim, sed *contra mo-*  
*rem Ecclesia* statuere voluisse Hæreticos esse rebaptisan-  
 dos. (a)

VI. Tandem Cyprianum hanc Ecclesiæ consuetudinem  
 ignorasse, veterum nullus vel obscure semel indicavit, haud  
 nesciis adversariis nostris, qui ad prætensam Cypriani igno-  
 rantiam firmandam nullum hæcenus alicujus antiquitatis tes-  
 timonium asferre potuerunt. Et certè, Cyprianum hujusce  
 consuetudinis ignarum numquam audissemus, nisi nuperis  
 nonnullis etatis nostræ scriptoribus placuisset magis novæ opi-  
 nionis adinventores se videri, quam antiquam tot seculorum  
 fidem sequi se profiteri. Quid ergo? Posthabitis, spreisque

(a) In lib. aliquot. quæst. tom. 7. pag. 189.

tot & tantis, quæ huc usque ex primæva antiquitate & præcipuè ex Augustino depromptissimus testimoniis, speretâ itidem communi Gallorum scriptorum ac Theologorum de hac re sententiâ, vix natis horum paucorum placitis omni verisimilitudine etiam destitutis subscribemus? Absit, si homines sumus, si qualemcumque rationem, si sensum habemus humanum.

Equidem satis mirari non possum talem ab istis recentioribus de Cypriano fingi ac venditari potuisse ignorantiam, istorum enim nemo profundam in rebus Ecclesiasticis Cypriani eruditionem vividioribus depinxit coloribus majorique strepitu ac conatu ostentavit. Ad illam extollendam inexhausta penè diceres omnia Summorum Pontificum, Conciliorum, SS. Patrum, Historicorum, Poetarum monumenta; sacrum & profanum, omnia undique quæsitâ, arrepta, citata; tot laboribus ad illustrandam & manifestandam Cypriani doctrinam exantlatis, quis crederet? Cyprianum illius ignarum pronuntiant Ecclesiæ consuetudinis, quæ ipsis fatentibus præcipuum fidei nostræ dogma complectebatur. En tot de Cypriani doctrinâ præconiorum inexpectata conclusio, Cyprianus ignorabat Ecclesiæ consuetudinem, quæ præcipuum fidei nostræ caput spectabat. Sic doctus & ignarus, oculus & obtusus ad istorum nutum Cyprianus, oculatissimus, ut paucos sibi faventes Episcopos agnoscat, obtusissimus ut innumeros sibi adversos ignoret; ad indagandos asseclas Cypriano tempus abunde suppeditatur, ad detegendos autem adversarios decennium, quo Cartaginensem rexit Ecclesiam sufficere non potuit; sic inanem caliginem perspicuis rebus adspargunt homines, digni sanè, qui experiantur absurda quæque & ultima. Nostis ergo natiæ jam cedant argumentis, sensuque omnes veridico ore dicamus Cyprianum probè novisse quam Stephanus R. P. vindicabat hæreticos non rebaptisandi consuetudinem, universalem Ecclesiæ tunc temporis fuisse consuetudinem, sive ut Augustini verbis utar, *Cyprianum hanc consuetudinem ubique & universalem intuitum fuisse.*



Denique noverat & Cyprianus hanc consuetudinem ab omnibus Episcopis antiquitus, id est ante Agrippinum, servatam fuisse. Qui enim Agrippinum censebat primum rebaptisationis parentem, necessario agnoscebat neminem Episcoporum ante Agrippinum rebaptisasse, & consequenter ab omnibus Episcopis servatam olim fuisse, quam Stéphanus R. P. urgebat consuetudinem. Porro S. Cyprianus, ut supra (a) probavimus, Agrippinum censebat primum rebaptisationis parentem.

Et verò veterem hanc universalis Ecclesiæ consuetudinem Cypriano notam fuisse testatur sæpius Augustinus: *verumtamen* inquit lib. 3. de Bapt. cap. 5. *qua soleret esse Ecclesiæ consuetudo satis idem Cyprianus ostendit, qui ait in præteritum de Hæresi ad Ecclesiam venientes sine Baptismo admittendos.* Et lib. 5. cap. 17. *Cypriano visum est aliter suscipiendos ab Hæreticis venientes, quam vel in præteritum suscipiebantur sicut ipse testatur, vel nunc suscipiuntur: & cap. 19. & idèd si vetus hac erat consuetudo, ut ab Hæreticis venientes in eodem Christi Baptismo quem foris acceperant susciperentur, quod nec ipsi qui contra differebant (Cyprianus & alii) negare potuerunt: & in Epist. ad Vincentium Rogatistam 93. cap. 10. si enim Sacramenta cum peccatoribus communicando, sicut putatis, periiit Ecclesiæ, quæ fuerat in orbe terrarum jam prius tota perierat, cum sicut dicit Cyprianus in eam sine Baptismo admitterentur, ac sic nec ipse Cyprianus habebat in qua Ecclesiæ nasceretur.*

Præterea, ut supra vidimus, Cyprianus agnoscebat, & confitebatur quæ ipsi opponebatur Ecclesiæ consuetudinem. Porro Cypriano objiciebatur non tantum quæ tunc temporis vigeat, sed etiam præterita, & antiqua Ecclesiæ consuetudo, ut patet ex textibus allatis, ac ex iis Cypriani verbis ad Jubilian. scribentis. *Sed dicit aliquis quid ergo fiet de iis qui in præteritum de Hæresi ad Ecclesiam venientes sine Baptismo*

(a) Pag. 109. & seqq.

*admissi sunt ? Potens est Dominus misericordiâ suâ indulgentiam dare , & eos qui ad Ecclesiam simpliciter admissi sunt in Ecclesiâ dormierunt , ab Ecclesia sua muneribus non separare. Non tamen quia aliquando erratum est , ideo semper errandum est.*

Ex quibus omnibus constat S. Cyprianum apprimè novisse consuetudinem Hæreticos non rebaptisandi tum suis , tum præteritis temporibus fuisse consuetudinem Ecclesiæ , haud ignorasse S. Doctorem à Stephano R. Pontifice & à longè majori Episcoporum parte tunc temporis eam servari , ac antiquitùs , id est ante Agrippinum ab omnibus Episcopis servatam fuisse.









